

# ՄԱՐԶԻԿ

հսլս

Մարզիկ

ՄճԼ րնաճԻԳ ԶնհրԻԳ  
ԿճԻրհա ճհԻԳ ԻհոմնԻճն ԲԻրոԿ

marzig

SPORTS MAGAZINE

ԻԹ՝ ՏԱՐԻ, 2010, ԹԻԻ 2 (322) - VOL. XXIX N° 2 ԻԳԻԳ Զնհրոն - ԳԻԻԳ Զնհրոն

ԲՈԼՈՐԻՍ



ՄՈՆՏԻԱԼԸ



FIFA

WORLD CUP

SOUTH AFRICA 2010

2010 ՄՈՆԻՏԻՆԳ ԽՄԲԱԿՆԵՐԸ

Ա.



ՀԱՐԱՎԱՅԻՆ ԿՓՐԻԿԷ



ՄԵՔՍԻԿԱ



ՈՒՐՈՒԿՈՒԷՅ



ՖՐԱՆՍԱ

Բ.



ԱՐՇԵՆՐԻՆ



ՆԻՃԵՐԻԱ



ՀԱՐԱՎԱՅԻՆ ԲՈՐԷԱ



ՅՈՒՆԱՍԱՆ

Գ.



ԱՆԳԼԻԱ



Մ. ՆԱՀԱՆԳՆԵՐ



ՈՒՃԵՐԻԱ



ՍԼՈՎԵՆԻԱ

Դ.



ԳԵՐՄԱՆԻԱ




ԱՒՍՏՐԱԼԻԱ



ՍԵՐԲԻԱ



ԴՂՏԱ



Ե.

-  ՀՈՒԼՆԵՏԱ
-  ԴԱՆԻԱ
-  ՃԱՓՈՆ
-  ՔԱՄԵՐՈՒՆ





Զ.

-  ԻՏԱԼԻԱ
-  ՓԱՐԱԿՈՒԷՅ
-  ՆՈՐ ԶԵԼԱՆԵՏԱ
-  ՍԼՈՎԱԲԻԱ

Է.

-  ԳՐԱԶԻԼ
-  ՀՐԻՍԻԱԿՅԻՆ ՔՈՐԷԱ
-  ՓՂՈՍԿՐԵԱՅ ԿՓՈՒՆԷ
-  ՓՈՐԹՈՒԳԱԼ

Ը.

-  ՍԳԼՆԻԱ
-  ԶՈՒԻՅԵՐԻԱ
-  ՀՈՆՏՈՒՐԱՍ
-  ԶԻԼԻ



Մարզական ամսաթերթ  
 Զրատարակութիւն՝ Զ.Ս.Ը.Ս.ի  
 ԿԵԴՐՈՆԱԿԱՆ ՎԱՐՉՈՒԹԵԱՆ

ԻԹ. ՏԱՐԻ, 2010, ԹԻԻ 2 (332)

ԽՄԲԱԳԻՐ  
 Վիզէն Աւագեան

ԽՄԲԱԳՐՈՒԹԵԱՆ ԱՆԴԱՍ  
 Սեդա Պէշլեան, Սեւան Նազարեան

«ՄԱՐԶԻԿ»Ի ՅԱՆՁՆԱԽՈՒՄԲ  
 Պատրիկ Կիւլպէնկեան  
 Արօ Մոսիկեան  
 Գօգօ Մկրտիչեան  
 Վահան Դամամճեան  
 Տիրան Շահինեան  
 Սալբի Ճեճեան  
 Վահէ Թանաշեան

«ՄԱՐԶԻԿ»Ի ԱՅՍ ԹԻԲԸ  
 2010-ի մոնտիալին յատկացուած  
 «Մարզիկ»ի այս յատուկ թիւը  
 պատրաստուած է թերթին  
 միջազգային մարզական  
 կեանքի աշխատակից՝  
 Գէորգ Թորոյեանի կողմէ:  
 Էջադրում - Զարեհ Զօրէքճեան  
 Colour Separation - Photogravure Paklayan  
 Կողքի Զեւաւորում Տպագրութիւն



ԽՄԲԱԳՐՈՒԹԵԱՆ ԴԱՍՅԷ  
 Պուրճ Դամուտ, Ճինիշեանի Թաղ  
 «Սեւան» Շէնք, Գ. Յարկ  
 Դեռ: 01/248043, Fax: 01/260117  
 E-mail: marzig@homenetmen.org  
 P.O. Box: 80486 B. Hammoud, Lebanon

ՑՐԻՈՒՄ

Լիբանանի մէջ թերթին  
 հատավաճառի սակն է 3000 Լ.ո.:  
 Տարեկան բաժանորդագրութեան սակ  
 ճշդուած է 35000 Լ.ո.:  
 Լիբանանէն դուրս թերթին  
 բաժանորդագրութիւնը  
 կը կատարեն Զ.Ս.Ը.Ս.ի Մեկուսի  
 եւ Շրջանային Վարչութիւնները:  
 Թերթը ուղղակի Լիբանանէն  
 կը ստացուի անձնական  
 բաժանորդագրութեամբ  
 (Տարեկան սակ՝ Միջին Արեւելեան  
 եւ Եւրոպական երկիրներ \$50,  
 Ամերիկա եւ Աւստրալիա՝ \$55):



# ԵՆԲԿԱՅԻՆ ԳԻՏՈՒԹՅԱՆ ԿԵՆՏՐՈՆ

## ԲՈՒՈՐԻՍ ՄՈՆՏԻՎԸ

**Ա**շխարհը ակնդետ կը սպասէ 11 Յունիսի ազդանշանին՝ մոնտիալի իր նոր փոխառանց գիտնալու համար: Բոլորին հայեացքները ուղղուած են Յարաւային Ափրիկէ, ուր 32 խումբեր Ֆութպոլի պատմութեան նորագոյն էջը պիտի գրեն իրենց կոլերով եւ սխրանքներով:

Կարելորդ այս պարագային յաղթել-պարտուիլը չէ՝ որքան ներկայութիւնը Ֆութպոլի նման մեծ իրադարձութեան: Ներկայ ըլլալ մեծերու շարքին, ամիս մը ամբողջ լրատուամիջոցներու նիւթ դառնալ, ազգային խումբերու յաղթանակներուն հետ ժողովուրդներու ազգային զգացումները բորբոքել այս արդէն մեծ իրագործում է: Բոլորին՝ երազն է:

Չկայ քաղաքական, տնտեսական, ընկերային թէ մարզական այլ իրադարձութիւն մը, որ ամիս մը ամբողջ կլանէ մարդկութեան մեծամասնութեան հետաքրքրութիւնը: Ողիմպիականները նոյնիսկ չունին այն կախարդանքը, ինչ որ ունին յաջորդական մոնտիալները: Ֆութպոլի չաստուածները իրենց հմայիչ ելոյթներով ջիդեր կը պրկեն, սիրտեր թունդ-թունդ կը հանեն եւ յաղթանակի գինովութիւնը կու տան մարդոց, որոնք իրենց կեանքին մէջ բերկրանքի համին ծանօթ չեն:

Մոնտիալները կը կազմեն մարդոց հաւաքական յիշողութեան մէկ մասնիկը: 1960ականներու մոնտիալները շատ բան կ'ըսեն սերունդի մը, որ այսօր ճերմկած մազերով կը հետեւի խաղերուն: 1970ականներու, 1980ականներու մոնտիալները այլ բաներ կը յիշեցնեն միջին սերունդի ներկայացուցիչներուն: Մինչդէռ 1990ական եւ 2000ական տարիներու մոնտիալները բոլորովին ուրիշ թելադրանքներ ունին նորերուն: Սեւ-ճերմակ պատկերասփիւռի կայաններէն մինչեւ գունաւոր եւ մերօրեայ հսկայ պաստառներով սփռուող խաղերը ամբողջ մշակոյթ մը կը ներկայացնեն իրենք իրենց մէջ: Մշակոյթ մը, որ ամիս մը ամբողջ կ'ենթադրէ սովորականէն տարբեր կեանքի կշռոյթ. անքուն գիշերներ, խմիչքի սեղաններ, տեղի-անտեղի նախատեսութիւններ, վէճ-վիճաբանութիւններ եւ այս բոլորը մէկտեղող մարդկային ջերմ տրամադրութիւններ:

Մոնտիալի ֆուլբլորն է այս, որուն այնքան կը սպասեն մարդիկ՝ չորս տարին անգամ մը իրարու «շնորհաւորելու» կամ «մխիթարելու», իրարմով ուրախանալ-տխարելու եւ ամէնէն վերջ՝ միասնաբար մոնտիալի թագակիրին կենացը խմելու համար:

Տարբեր չի կրնար ըլլալ նաեւ այս մոնտիալի պարագային, որ առաջին անգամ ըլլալով տեղի կ'ունենայ Յարաւային Ափրիկէի մէջ եւ բարենիշ մը կը հանդիսանայ կազմակերպիչ երկրին ու հիւրընկալ ցամաքամասին, որոնք մինչեւ մօտիկ անցեալի թշուառութեան եւ յետամնացութեան իրենց տխուր պատկերները ետին ձգած՝ այսօր աշխարհին կը ներկայանան արդիական բոլորովին նոր դիմագիծով: Ֆութպոլի հրաշքն է այդ, որ ինքզինք գերազանցելու, յառաջդիմելու եւ մեծերու կողքին արժանաւոր տեղ ունենալու կը մղէ ամէնէն տկար կարծուած ժողովուրդներն իսկ:

Բոլոր մեծերը ներկայ են Յարաւային Ափրիկէի մոնտիալին: Մեծութեան ճամբուն գտնուողները անոնց շուրջն են, իսկ փոքրերն ու անբախտները՝ իրենց... տունները: Իսկ ո՞ր ենք մեր այս բոլորին մէջ: Ո՞ր է Յայաստանի դրօշը մոնտիալներուն: Ինչո՞ւ չի ծածանիր ան գտումի մըրցումներէն անդին: Կար ժամանակ, երբ գտումի մրցումի մասնակցիլն իսկ աներեւակայելի փափաք կը թուէր: Փափաքը իրականացաւ, սակայն մնաց ու կը մնայ միւսը՝ մեծերու կողքին ճակատումը, հայկական ֆութպոլի առասպելին կերտումը եւ աշխարհի չորս ծագերուն յաղթական եռագոյնին փողփողումը իւրաքանչիւր հայու տան, ինքնաշարժին եւ գործատեղիին վերեւ: Բան մը, որ մոնտիալը պիտի դարձնէ նաեւ հայութեան մոնտիալը, իսկապէս՝

Բոլորի՛ս մոնտիալը:

# 2010-Ի ՄՈՆՏԻԱԼԻ ԶՏՈՒՄԻ ՄՐՑՈՒՄՆԵՐՈՒՆ ՊԱՏԿԵՐԸ



**Մ**ոնտիալի գտումի մրցումներուն մասնակցեցան 203 երկիրներ, 53 երկիր՝ Եւրոպայէն, 52՝ Ափրիկէէն, 10՝ Հարաւային Ամերիկայէն, 10՝ Ովկիանիայէն, 43՝ Ասիայէն եւ 35՝ Հիւսիսային եւ Կեդրոնական Ամերիկայէն:

Իբրեւ կազմակերպիչ երկիր, Հարաւային Ափրիկէ առանց գտումի մրցումներ կատարելու կը մասնակցի մոնտիալին: Նշենք, որ այս տարի, առաջին անգամ ըլլալով, նախկին ախոյեանը իր մասնակցութիւնը բերաւ գտումի մրցումներուն:

Զտումի առաջին մրցումը տեղի ունեցաւ 25 Օգոստոս 2007ին, իսկ վերջինը՝ 18 Նոյեմբեր 2009ին: Ընդամէնը կատարուեցան 848 մրցումներ, որոնց ընթացքին նշանակուեցան 2337 կոլեր:

Ափրիկէի գօտին սկզբնական հանգրուանին բաժնուեցաւ 12 խմբակներու, որոնց պարագլուխի դերքերը գրաւող խումբերը եւ լաւագոյն 8 խումբերը, որոնք գրաւած էին իրենց խմբակներուն 2րդ դիրքերը, անցան երկրորդ հանգրուան, ուր բաժնուեցան հինգ խմբակներու: Այս հինգ խմբակներուն առաջին դիրքերը գրաւող խումբերը՝ Նիժերիա, Ալճերիա, Քամերուն, Փղոսկրեայ Ափունք եւ Ղանա հասան մոնտիալի աւարտական խաղերուն: Կատարուեցան 199 մրցումներ եւ նշանակուեցան 506 կոլեր: Ափրիկէէն առաւելագոյն կոլեր նշանակող կազմը եղաւ Փղոսկրեայ Ափունքը՝ 29 կոլ,

իսկ լաւագոյն կոլ-սքորըն էր Մուսուսի Տականօ, Պուրքինա Ճասոյէն՝ 12 կոլով:

Մոնտիալի գտումի մրցումներուն Ասիայէն իրենց մասնակցութիւնը բերին 43 երկիրներ: Առաջին երկու հանգրուաններու մրցումները կատարուեցան երթ ու դարձի դրութեամբ, ապա՝ խմբակային: Ի վերջոյ, լաւագոյն տասը խումբերը բաժնուեցան երկու խմբակի, որոնց առաջին երկու դիրքերը գրաւող խումբերը հասան մոնտիալի: Աւստրալիա, Ճափոն, Հիւսիսային եւ Հարաւային Քորէա: Երրորդ լաւագոյն դիրքերը գրաւողները (Պահէճյն եւ Սէուտական Արաբիա) իրարու դէմ մրցելէ ետք, յաղթանակ տարաւ Պահէճյնը: Ան մրցեցաւ Ովկիանիոյ խմբակին առաջին դիրքը գրաւող երկրին՝ Նոր Զելանտայի հետ եւ պարտուելէ ետք, դուրս մնաց եւ Նոր Զելանտա հասաւ մոնտիալի: Կատարուեցան 144 մրցումներ եւ նշանակուեցան 374 կոլեր: Ասիոյ խմբակին լաւագոյն կոլ-սքորըններն էին Սարալուսթ Շայքամատի (Թայլանտ) եւ Մաքսիմ Շաթշիխ (Ուզպէքիստան)՝ ճական կոլով:

Եւրոպայի գօտիէն 53 երկիրներ բաժնուեցան 9 խմբակներու: Ութը խմբակները բաղկացան 6 խումբերէ: Այս խմբակներուն առաջին դիրքերը գրաւող խումբերը հասան մոնտիալի: Իսկ երկրորդ դիրքերը գրաւող խումբերը վիճակաճգութեամբ իրարու դէմ մրցեցան, երթ ու դարձի դրութեամբ, եւ ութ խումբէն չորսը անցաւ մոնտիալի: Իսկ 9րդ խմբակին միայն առաջին դիր-



քը գրաւող երկիրը հասաւ մոնտիալի: Եւրոպայէն մոնտիալի կը մասնակցին Դանիա, Զուիցերիա, Սլովաքիա, Գերմանիա, Սպանիա, Անգլիա, Սերպիա, Իտալիա, Հոլանտա, Ֆրանսա, Փորթուգալ, Յունաստան եւ Սլովենիա: Կատարուեցան 268 մրցումներ, նշանակուեցան 725 կոլեր: Անգլիա նշանակեց առաւելագոյն կոլերը՝ 36 կոլ: Այս գօտիին կողմըրըրը եղաւ յոյն Թէոֆանիս Կեքաս՝ 10 կոլով:

Կեղրոնական եւ Հիւսիսային Ամերիկայէն գտումի մրցումներուն մասնակցեցան 35 երկիրներ: Առաջին հանգրուանը կատարուեցաւ երթ ու դարձի դրութեամբ, իսկ երկրորդ եւ երրորդ հանգրուանները՝ խմբակային դրութեամբ: Երրորդ հանգրուանի յաղթական խումբերէն կազմուեցաւ չորրորդ հանգրուանի խմբակը, բաղկացած վեց երկիրներէ, որոնց առաջին երեք դիրքերը գրաւող խումբերը իրաւունք ստացան մասնակցելու մոնտիալին, իսկ չորրորդ դիրքը գրաւողը պիտի մրցէր Հարաւային Ամերիկայի խմբակին հինգերորդ դիրքը գրաւողին դէմ: Չորրորդ հանգրուանի մրցումներու աւարտին, Միացեալ Նահանգներ, Մեքսիքա եւ Հոնտուրաս հասան մոնտիալի: Քոսթա Ռիքա մրցեցաւ Ուրուկուէյի դէմ եւ երկու մրցումի գումարով 2-1 արդիւնքով պարտուեցաւ: Այս գօտիէն ներս



կատարուեցան 109 խաղեր, նշանակուեցան 349 կոլեր: Կողմըրըրն է Ռուսիա Քորալէս (Սալվատոր)՝ 8 կոլով:

Ովկիանիոյ գօտիէն ներս մրցումները կատարուեցան երկու հանգրուանով: Առաջին հանգրուանին խումբերը բաժնուեցան երկու խմբակի, որոնց առաջին երկու դիրքերը գրաւողները անցան երկրորդ հանգրուան: Երկրորդ հանգրուանին, խմբակին առաջին դիրքը գրաւողը՝ Նոր Զելանտա մրցելէ ետք Ասիոյ ներկայացուցիչին դէմ, հասաւ մոնտիալի: Այս գօտիին մէջ կատարուեցան 38 մրցումներ, նշանակուեցան 150 կոլեր: Առաւելագոյն կոլ նշանակող մարզիկը Ֆիճիցի Օսէա Վաքաթեթսոն է՝ 12 կոլով:

Հարաւային Ամերիկայի գօտիէն ներս, գտումի մրցումներուն մասնակցեցան տասը երկիրներ: Առաջին չորս դիրքը գրաւող երկիրները՝ Պրագիլ, Չիլի, Փարակուէյ եւ Արժանթին հասան աւարտականներուն: Իսկ Ուրուկուէյ, որ գրաւեց հինգերորդ դիրքը, մրցեցաւ Քոսթա Ռիքայի դէմ, եւ յաղթելէ ետք անոր՝ ապահովեց իր տոմսը: Այս գօտիէն ներս կատարուեցան 92 մրցումներ, նշանակուեցան 234 կոլեր: Առաւելագոյն կոլեր նշանակող մարզիկն էր չիլիցի Ումպէրթօ Սուազօ՝ 10 կոլով:

# ARMENIA

for private and group trips

www.saberatours.fr

- Direct Flights  
PARIS  
YEREVAN  
PARIS
- Select your Journey
- Guided Tours for 8 Days or 12 Days

## Saberatours Sevan Voyages

WITH THE COLLABORATION OF THE NEW AIRLINE COMPANY

Photos: © Yarm Afrius-Berlinghoff, Ferre rue du ciel, Licence 075 960381 - Studio K&M 2005/2006

11, rue des Pyramides  
75001 Paris  
tel 331 42 96 10 10  
fax 331 42 96 18 77  
saberatours@selectour.com

48, cours de la Liberté  
69003 Lyon  
tel 334 78 60 13 66  
fax 334 78 60 92 26  
sevan@selectour.com

67, La Canebière  
13001 Marseille  
tel 334 95 09 30 60  
fax 334 95 09 30 61  
marseille@wasteels.fr

32-38, rue Hamrabadoutian  
Yerevan  
tel 374 10 52 55 55  
fax 374 10 56 40 30  
saber@arminco.com

# UPSET 2010

## Group Matches

DATE	Friday June 11	Saturday June 12	Sunday June 13	Monday June 14	Tuesday June 15	Wednesday June 16	Thursday June 17	Friday June 18	Saturday June 19	Sunday June 20	Monday June 21	Tuesday June 22	Wednesday June 23	Thursday June 24	Friday June 25
<b>Johannesburg</b> Soccer City	1 16:00 A1 vs A2			9 13:30 E1 vs E2			20 20:30 B1 vs B3			29 20:30 G1 vs G3			39 20:30 D4 vs D1		
<b>Johannesburg</b> Ellis Park		3 13:30 B1 vs B2			14 20:30 G1 vs G2			22 16:00 C4 vs C2			32 20:30 H1 vs H3			41 16:00 F4 vs F1	
<b>Nelspruit</b> Mbombela						15 13:30 H3 vs H4				28 16:00 F1 vs F3			40 20:30 D2 vs D3		46 16:00 G2 vs G3
<b>Rustenburg</b> Royal Bafokeng		5 20:30 C1 vs C2			12 13:30 F3 vs F4				24 13:30 D4 vs D2					43 20:30 E2 vs E3	
<b>Mangaung/</b> <b>Bloemfontein</b> Free State				10 16:00 E3 vs E4			19 16:00 B4 vs B2			27 13:30 F4 vs F2					48 20:30 H2 vs H3
<b>Cape Town</b> Green Point	2 20:30 A3 vs A4			11 20:30 F1 vs F2				23 20:30 C1 vs C3						44 20:30 E4 vs E1	
<b>Durban</b> Durban			7 16:00 D1 vs D2			16 16:00 H1 vs H2			25 16:00 E1 vs E3						45 16:00 G4 vs G1
<b>Polokwane</b> Peter Mokaba			6 13:30 C3 vs C4				18 13:30 A4 vs A2							42 16:00 F2 vs F3	
<b>Nelson Mandela</b> Bay/Port Elizabeth Nelson Mandela Bay		2 16:00 B3 vs B4			13 16:00 G3 vs G4			21 13:30 D1 vs D3			31 16:00 H4 vs H2		37 16:00 C4 vs C1		
<b>Tshwane/Pretoria</b> Loftus Versfeld			8 20:30 D3 vs D4			17 20:30 A1 vs A3			26 20:30 E4 vs E2				38 16:00 C2 vs C3		47 20:30 H4 vs H1

## Round of 16

DATE	Quarter Finals				Semi Finals				3/4 Place and Final						
	Thursday July 1	Friday July 2	Saturday July 3	Sunday July 4	Monday July 5	Tuesday July 6	Wednesday July 7	Thursday July 8	Friday July 9	Saturday July 10	Sunday July 11				
<b>Johannesburg</b> Soccer City		58 20:30 1 vs 3(A)													
<b>Johannesburg</b> Ellis Park			60 20:30 6 vs 8(D)												
<b>Nelspruit</b> Mbombela															
<b>Rustenburg</b> Royal Bafokeng															
<b>Mangaung/</b> <b>Bloemfontein</b> Free State															
<b>Cape Town</b> Green Point										61 20:30 A vs C(I)					
<b>Durban</b> Durban															
<b>Polokwane</b> Peter Mokaba															
<b>Nelson Mandela</b> Bay/Port Elizabeth Nelson Mandela Bay		57 16:00 5 vs 7(C)													
<b>Tshwane/Pretoria</b> Loftus Versfeld															63 Loser I vs Loser II

REST DAYS

REST DAYS

REST DAYS

REST DAYS

REST DAYS

REST DAYS



# ՀԱՐԱԷԱՅԻՆ ԱՓՐԻԿԷ

**Հ**արաւային Ափրիկէ միջազգային իր առաջին մրցումը կատարած է 1906ին եւ 1-0 արդիւնքով յաղթած է Արժանթինի: Ամենամեծ արդիւնքով յաղթանակը արձանագրած է Աւստրալիոյ դէմ, 1955ին, 8-0 արդիւնքով: Ամենածանր պարտութիւնները կրած է Աւստրալիայէն (1947ին)՝ 5-1 արդիւնքով, Մեքսիքայէն (1993ին)՝ 4-0 արդիւնքով, Միացեալ Նահանգներէն (2000ին)՝ 4-0 արդիւնքով եւ Նիճերիայէն (2004ին)՝ 4-0 արդիւնքով: Երկու անգամ մասնակցած է մոնտիալի: Կատարած է վեց մրցում (1 յաղթանակ, 2 հաւասարութիւն եւ 3 պարտութիւն): Նշանակած է 8 կոլ, ստացած է 11 կոլ: Ազգային խումբին շապիկը առաւելագոյն անգամներ կրող մարզիկն է Աարոն Մոքենա (94 մրցում), իսկ խումբին կոլսերորդն է Պէննի Մըքքարթի՝ 32 կոլով: Ներկայիս Հարաւային Ափրիկէի մարզիչն է Քարլոս Ալպերթո Փարէյրա:

Հարաւային Ափրիկէ, իրեն կազմակերպիչ երկիր,



առանց գտումի մրցումներ կատարելու կը մասնակցի մոնտիալին: Նախապէս, 1998ին եւ 2002ին մասնակցած Հարաւային Ափրիկէ պիտի փորձէ պատուաբեր արդիւնքներ արձանագրել եւ դո՛ւ ձգել իր համակիրները: Պրագիցի մարզիչ Փարէյրա, որ նախապէս մոնտիալներու ընթացքին մարզած է Պրագիլը, Քուէյթի, Սէուտական Արաբիան եւ ԱՄՖԻՐՈՒԹԻՆՆԵՐԸ, կը նրկատուի յաջող մարզիչ մը: Ան խումբը կազմած է տեղական ակումբներու մաս կազմող մարզիկներէ: Սակայն պէտք է

ընդգծել, որ Հարաւային Ափրիկէի արդիւնքները սկսած են նահանջ արձանագրել ափրիկեան մակարդակի վրայ: Ափրիկէի ազգային խումբերու ախտեանութեան, վերջին երեք մրցաշարքերուն անոնք առաջին հանգրուանէն դուրս մնացած են: Այս մէկը մեծ հարցականներ կը ստեղծէ անոնց կարողականութեան եւ մակարդակին շուրջ:

Մարզիչ Քարլոս Փարէյրա բերդապահութիւնը պիտի վճարուի Մոնիպ Ժոզէֆսի (Օրլանտո Փիրաթէս), Շու Այպ Ուոլթըրզի (Մարիգպուրկ Եոննայթրա) եւ Իթումեյինկ Խիւնի (Քայզըր Չիֆօ): Երեք բերդապահներն ալ հաւասար առիթը ունին հիմնական կազմին հետ դաշտ ներկայանալու:

Յետսպաս գիծի ամէնէն փորձառուներն են Մաթէու Պուլթը եւ Սիպոնիցո Կաքսան (Մամելոտի Սանտաոնգ): Իսկ Լուքաս Թուալան (Օրլանտո Փիրաթէս), Պոնկանի Խումալո (Սուփըր Սիփո Եոննայթրա), Ինոսենթ Մըլլետէ եւ Սիանտա Խուլլո (Մամելոտի Սանտաոնգ) եւ Սիպոնիկա Սանկ-

ուէնի (Կոլտըն էրոուզ) պիտի ամբողջացնեն յետսպաս գիծը:

Միջնապահ եռեակը կը բաղկանայ Սըրփրայզ Մորիլիէ (Մամելոտի Սանտաոնգ), Թեքո Մոտիզէ (Օրլանտո Փիրաթէս) եւ Սիֆիուէ (Չապայալայէ (Քայզըր Չիֆօ): Գործունեայ միջնապահներ են նաեւ Լէնս Տէյվիտզը (Այաքս Քէյփ Թաուն), Լեպոհանկ Մաքոնան (Մամելոտի Սանտաոնգ) եւ Ֆրանքլին Քէյլը (Սուփըր Սիփո Եոննայթրա):

Յառաջապահ գիծի անփոխարինելի զոյգը կը կազմեն Քաթելիօ Մֆելան (Մամելոտի Սանտաոնգ) եւ Սիպոնիկա Նոմվեթէն (Մորոքա Սուալոուզ): Փոխարինողներ են Քաթելիօ Մաշեկոն եւ Կըրթ Շուալքուէք (Օրլանտո Փիրաթէս):

Հարաւային Ափրիկէ մաս կը կազմէ մոնտիալի առաջին խմբակին: Յունիս 11ին մոնտիալի բացման մրցումը պիտի կատարուի Հարաւային Ափրիկէի եւ Մեքսիքայի միջեւ: Այս մրցումը կարեւոր պիտի ըլլայ ափրիկեցիներուն համար: Պարտութիւնը պիտի յուսալքէ գանոնք եւ երկրորդ հանգրուան անցնելու անոնք յոյսերը պիտի նուազին: Անոնց յաջորդ մրցակիցը տոկուն եւ կարծր խաղաճոճով ուրուկուէյցիք են, որոնք եւս Ափրիկէ չեն եկած միայն երեք մրցում կատարելու: Իսկ խմբակին չորրորդ կազմը Ֆրանսան է, որուն «երազն» է բաժակը կրկին տանիլ Ֆրանսա: Ահա այս խմբակիցներուն մէջ, ափրիկեցիք իրենց համեստ կարողութիւններով պիտի փորձեն գերազանցել իրենք գիրենք եւ հասնիլ բարձր դիրքերու:





# ՄԵՔՄԻՔԱ

**Մ**եքսիկացի ազգային խումբը իր առաջին մրցումը կատարած է Կուալիֆայինգի դեմ՝ 1923ին եւ յաղթած է 3-2 արդիւնքով: Ամենամեծ յաղթանակը տարած է Պահամասի դէմ, 1987ին, 13-0 արդիւնքով, իսկ ամենածանր պարտութիւնը կրած է Անգլիայէն, 1961ին, 8-0 արդիւնքով: Մոնտիալի մասնակցած է 13 անգամ: Կատարած է 45 մրցում (11 յաղթանակ, 12 հաւասարութիւն եւ 22 պարտութիւն): Նշանակած է 48 կոլ, ստացած է՝ 82: Ազգային խումբին շապիկը առաւելագոյն անգամներ կրած է Քլաուսիո Սուարէզ (178 անգամ), իսկ խումբին կոլ-սքորըն է Եարէտ Պորկեթի՝ 46 կոլով: Ներկայիս ազգային խումբին մարզիչն է Խաւիէր Ակիրէ:

Մեքսիկացի ֆուտպոլը իր զարթոնքը կը սկսի ապրիլ 1986ի մոնտիալէն ետք: Մինչեւ այդ թուականը Մեքսիքա ութը անգամ մասնակցած էր մոնտիալներու, սակայն անոր դերը

եղած էր լուսանցքային: Նոյնիսկ 1970ին, երբ մոնտիալը առաջին անգամ տեղի ունեցաւ Մեքսիքայի մէջ, մեքսիքացիք չկրցան դրական արդիւնքներ արձանագրել: 1986ի մոնտիալը եղաւ անկիւնադարձային: Այս մոնտիալը կը մնայ Մեքսիքայի ամէնէն յաջող մոնտիալը: Անոնք առանց պարտութեան դուրս մնացին մոնտիալէն, երբ 1/8 աւարտականին փենալթիներով պարտուեցան Գերմանիայէն: Այդ մոնտիալէն ետք, ճիշդ է որ մեքսիքացիք մեծ յաջողութիւններ չեն արձանագրած մոնտիալներուն, սակայն անոնք արդէն դժուար մրցակիցներ են եւ ի վիճակի յաղթանակ տանելու որեւէ խումբի դէմ:

Ազգային խումբը կազմուած է համեմատաբար «տեղացի» մարզիկներով: Բերդապահի պաշտօնը կրնայ վստահուիլ «տարեց» Օզվալտո Սանչէզի (Սանթո) կամ Օսքար Փերէզի (Չիափազ): Սակայն երիտասարդ բերդապահ Կիլերմօ Օլոն (Ամերիկա) նոյալէս կրնայ նկատի առնուիլ իբրեւ հիմնական մարզիկ:

Պաշտպանողականը պիտի դեկավարէ Պարսերոնայի փորձառու եւ տոկուն մարզիկ Ռաֆայէլ Սարքէզ: Սարքէզ ոչ միայն պաշտպան է, այլ նաեւ՝ կոլեր նշանակող մարզիկ: Ան ծանօթ է հեռուէն կոլեր նշանակելու կարողութեամբ: Ան իր կողքին պիտի ունենայ Ճոնի Մակայոնը (Կուալալախարա), Քարլոս Սալսիտոն (Փ.Մ.Վ.), Ռիքարտօ Օսորիոն (Շիուսկարթ), Խոսէ Քասթրոն (Ու.Ա.Ն.Լ.), Յրանսիքօ Ռոտրիկէզը (Փ.Մ.Վ.) եւ Յոսթօ Փինթոն (Քրուզ Ագուլ): Հոս հիմնականին մէջ դերակատար պիտի ըլլան «օտարականները», ինչ որ կը նշանակէ թէ Մեքսիքայի պաշտպանողականը բաւական ամուր պիտի ըլլայ եւ մրցակից կազմերը բաւական քրտինք պիտի թափեն կոլ նշանակելու համար անոնց բերդէն ներս:

Միջնապահ գիծի ամէնէն փորձառու մարզիկները Ժեռարտօ Թորատոն (Քրուզ Ագուլ) եւ Քոթեմոք Պլանքոն են (Վերաքրուզ): Անոնք շարժիչ ուժն են միջնապահ գիծին: Անոնք կրնայ միանալ Անտրէս Կուարտատոն (Տեփորթիւօ), Լուիզ Փերէզը ((Մոնթէրի) եւ ազգային խումբին ամէնէն փորձառու խաղացող Փաւէլ Փարտոն (Ամերիքա): Փարտօ արդէն իսկ 148 անգամ կրած է ազգային խումբի շապիկը եւ հաւանական է որ նոր մրցանիշ արձանագրէ:

Յառաջապահ Յրանսիքօ Փալենսիա (Ունամ) ամէնէն վստահելի եւ փորձառուն է: Անոր կողքին է նոյնպէս փորձառու եւ ճարպիկ Օմար Պրալոն (Կուալալախարա): Այս զոյգին պիտի օգնեն Կիլերմօ Յրանքոն (Ուէսթ Համ), Սեզար Վիլալուզը (Քրուզ Ագուլ), Քարլոս Էսքիվէլը (Թո-



լուքա) եւ Խուան Քաչոն (Փաչուքա):

Մեքսիքացիք դժուար առաջելութիւն մը ունին այս մոնտիալին: Նախ անոնք պիտի փորձեն իրենց պատմութեան մէջ առաջին անգամ ըլլալով հասնիլ կիսաաւարտականին: Բայց նախ անոնք պէտք է մաքրեն իրենց հաշիւները իրենց խմբակիցներուն հետ: Կազմակերպիչ երկիրը՝ Հարաւային Աֆրիկէ վստահաբար ջանք պիտի չինայէ որ պարտութիւն չկրէ գէթ մոնտիալի բացման մրցումին՝ Մեքսիքայի դէմ: Ուրուկուէյցիք ծանօթ են իրենց կարծր եւ տոկուն կազմով: Անոնք նոյնքան դժուար գիշող կազմ են: Իսկ Յրանսա ոչ միայն պիտի փորձէ անցնիլ յաջող հանգրուան, այլ անոր «ախորժակները» աւելի հեռու են, մինչեւ անգամ տիտղոսին տիրանալ: Այս խմբակին մէջ ուժերը հաւասար են եւ Մեքսիքա պիտի փորձէ ոչ միայն անսխալական ըլլալ, այլ նաեւ օգտուիլ իր խմբակից-մրցակիցներուն սխալներէն: Այլապէս մեքսիքացիք դատապարտուած պիտի ըլլան շատ կանուխ պատրաստելու Մեքսիքա վերադարձի իրենց պաշտակաները:



# ՈՒՐՈՒԿՈՒԷՅ

**Ո**ւրուկուէյի ազգային խումբը միջազգային իր առաջին մրցումը կատարած է 1901ին, Արժանթինի դէմ եւ պարտուած է 3-2 արդիւնքով: Ամենամեծ արդիւնքով յաղթանակը արձանագրած է 1927ին, Պոլիվիոյ դէմ, 9-0 արդիւնքով: Իսկ ամենածանր պարտութիւնը կրած է 1902ին, Արժանթինէն, 6-0 արդիւնքով: Մոնտիալի մասնակցած է 10 անգամ: Երկու անգամ (1930 եւ 1950) հանդիսացած է ախոյեան, իսկ 1954ին եւ 1970ին գրաւած է 4րդ դիրքը: Մոնտիալներու իր մասնակցութեան ընթացքին կատարած է 40 մրցում (15 յաղթանակ, 10 հաւասարութիւն եւ 15 պարտութիւն), նշանակած է 65 կոլ, ստացած է 57 կոլ: Ազգային խումբին շապիկը առաւելագոյն անգամներ կրող մարզիկն է Ռոտուլֆօ Ռոտորիկէզ (79 անգամ), իսկ խումբին կոլւսքորըն է Հեքթոր Սքարոնէ՝ 31 կոլով: Ներկայիս ազգային խումբին մարզիչն է Օսքար Թապարէզ:

Մոնտիալի պատմութեան առաջին տիտղոսակիրը հանդիսացող այս երկիրը 1970էն ետք արդէն լուսանցքային դեր կը կատարէ մոնտիալներուն: Վերջին անգամ, քառասուն տարի առաջ Մեքսիքայի մէջ, ուրուկուէյցիք յաջողեցան հասնիլ կիսաւարտական եւ պարտուելով Պրագիլէն եւ ապա Գերմանիայէն՝ գրաւեցին չորրորդ դիրքը:



2010ի մոնտիալի գտումի մրցումներուն Ուրուկուէյ բաւական դժուարութիւններ ունեցաւ: Անոնք գրաւեցին հինգերորդ դիրքը, մէկ կէտով գերազանցելով էքուատորն ու Քոլումպիան: Խաղացին 18 մրցում, արձանագրեցին 6 յաղթանակ, 6 հաւասարութիւն եւ 6 պարտութիւն: Իսկ փլէյ-օֆի մրցումներուն, երթ ու դարձին, անոնք հազիւ 2-1 արդիւնքով յաղթեցին Քոսթա Ռիքային:

Մարզիչ Օսքար Թապարէզ իր տրամադրութեան տակ ունի եւրոպական ակումբներու մաս կազմող խումբ մը խաղացողներ, որոնք պիտի հանդիսանան ազգային խումբին սիւնը:

Ազգային խումբին հիմնական բերդապահութեան համար կան երկու թեկնածուներ՝ Աթլետիքօ Մինէլըոյի Ֆալիան Քարինին եւ Լացիօ Ռոմայի Ֆեռնանտօ Միլսլերան: Առաջինը փորձառու բերդապահ է, իսկ երկ-

րորդը՝ խոստմնալից տարր: Յետապահ գիծը կը հանդիսանայ Ուրուկուէյի «Աքիլլէսի կոուսկ»ը: Հակառակ կարգ մը անուանի եւ փորձառու խաղացողներու ներկայութեան, ուրուկուէյցիք յաճախ կը ստանան անիմաստ կոլեր ու խաղը կը կորսնցնեն անտեղիօրէն: Ետվենթուսի Մարթին Քաչերէսը, Վիարէայի Տիէկօ Կոտինը, Պենֆիքայի Մաքսի Փարէյրան, Քոլո-Քոլոյի Անտրէս Աքոթին, Փորթոյի Խորխէ Ֆիւսիլը եւ Ֆեներպահչէի Տիէկօ Լոկանոն ունին բոլոր տուեալները վստահելի եւ ամուր պաշտպանողական մը կազմելու:

Մարզիչ Թապարէզ միջնապահ գիծը հիմնականին մէջ պիտի վստահի Փորթոյի Քրիսթիան Ռոտորիկէզի եւ Ալվարօ Փարէյրայի, Նափոյի Ուոլթըր Կարկանոյի, Մոնաքոյի Տիէկօ Փերէզի: Այս հնգեակին կրնայ օգնել տեղացիներէն Ալվարօ Կոն-

զալէսը եւ Նիքոլաս Լոտէյրոն: Հակառակ այս խաղացողներուն միջնապահ գիծը այնքան ալ փայլուն չէ եւ մարզիչ Թապարէզ շատ ժամանակ չունի արագ եւ լաւ լուծումներու յանգելու, բարելաւելու համար խմբային խաղը:

Յառաջապահ գիծը Ուրուկուէյի ամէնէն կատարեալ օղակն է: Այաքսի Լուիս Սուարէզը եւ Աթլետիքօ Մատրիտի Տիէկօ Ֆորլանը ամբողջական զոյգ մըն են: Առաջինը կը գտնուի իր փայլուն օրերուն մէջ եւ իր նշանակած կոլերով յաղթանակներ կը պարգեւէ հոլանտական կազմին: Մինչ Ֆորլան հակառակ իր կազմին անկայուն արդիւնքներուն՝ չէ կորսնցուցած կոլ նշանակելու իր յատկութիւնը: Այս զոյգին կրնան օգնել, իբրեւ յառաջապահներ, Սեպասթիան Ապրուն (Պոթոֆալկօ), Վիչենթէ Սանչէզը (Շալքէ) եւ էտիանսըն Քաւանին (Փալերմօ): Երեքն ալ փորձառու են եւ կոլեր նշանակելու մէջ բաւական վարպետ:

Հակառակ այսօրինակ խաղացողներու ներկայութեան, Ուրուկուէյ մեծ ակունկալութիւններ չունի այս մոնտիալէն: Աշխարհի առաջին ախոյեանը նման է մարած հրաբուխի մը: Աւելի քան քառասուն տարի է արդէն ան մրցակցութեան դաշտէն դուրս եկած է: Այս մոնտիալը ոչինչ պիտի փոխէ անոր պատմութեան մատեա-

(Շար.ը՝ էջ 38)

# ՖՐԱՆՍԱ

**Ֆ**րանսայի ազգային խումբը իր առաջին մրցումը կատարած է Պերճիքայի դեմ եւ պարտուած է 3-1 արդիւնքով: Ամենամեծ յաղթանակը արձանագրած է 1995ին, Ազըրպէյճանի դեմ, 10-0 արդիւնքով, իսկ ամենածանր պարտութիւնը կրած է Դանիայէն, 1908ին, 17-1 արդիւնքով: Մոնտիալներու մասնակցած է 12 անգամ եւ կատարած է 51 մրցում (25 յաղթանակ, 10 հաւասարութիւն եւ 16 պարտութիւն): Նշանակած է 95 կող եւ ստացած է 64 կող: 1998ին տիրացած է տիտղոսին, 2006ին գրաւած է 2րդ դիրքը, 1954ին եւ 1986ին գրաւած է 3րդ դիրքը, իսկ 1982ին՝ 4րդ դիրքը: Ազգային խումբին շապիկը առաւելագոյն անգամներ կրած է Լիլիան թիւրամ (142 անգամ), իսկ կող-սքորըրն է Թիէրի Հանրի՝ 51 կողով: Ազգային խումբը



բին մարզիչն է Ռէյմոնտ Տոմենէք:

Ֆրանսայի ազգային խումբը դժուար ճամբայ անցաւ մոնտիալի աւարտականներ հասնելու համար: Իր խմբակին մէջ առաջին դիրքը Սերպիոյ կազմին գիջելէ ետք, Փլէյ-օֆի մրցումներուն, անոնք վիճելի կողով մը յաղթանակ տարին Ալբրի դէմ:

Հակառակ այս իրողութիւններուն, Ֆրանսա ամբողջական եւ պատրաստ կազմով կը մեկնի Ափրիկէ: Հաւանաբար մասնագէտներ ճիշդ ձեւով չեն գնահատած Ֆրանսայի կազմը, սակայն պէտք է ընդգծել, որ Ֆրանս

սացիք իբրեւ անհատական խաղացողներ, բոլոր օղակներուն վրայ կատարեալ են:

Բերդապահուած համար նկատուի առնուած են Հիւկո Լորիսը (Լիոն), Սթիւ Մանտանտան (Մարսէյ) եւ Սետրիք Քարասոն (Պորտո): Երեք բերդապահներն ալ Ֆրանսայի ամենամեծ ակումբներու մաս կը կազմեն եւ միջազգային գետնի վրայ ճանչցուած մարզիկներ են:

Յետապահ գիծը կը թուի ըլլալ բաւական տոկուն եւ վստահելի: Փորձառու Ուիլիամ Կալաս, Պաքարի Սանիա (Արսենալ), Էրիք Ապիտալ (Պարսելոնա), Ֆիլիպ Մեքսէս (Ա.Ս. Ռոմա), Փաթրիք Էվրա (Մ. Ետնայթրտ), Ժան-Ալէն Պոլմսոնկ (Լիոն) եւ Սեպասթիան Սքիլաչի (Սեւիլլա) ո՛չ միայն կրնան պաշտպանել իրենց բերդը, այլեւ միջնապահ եւ յառաջապահ գիծերուն կ'օժանդակեն մրցակիցներուն բերդը պաշարելու եւ կոխը նշանակելու համար:

Միջնապահ գիծը նոյնպէս բաւական գործունեայ եւ կազմակերպուած է: Ներկայ են Լասան Տիարա (Ռ. Մատրիտ), Եոհան Կորքուֆ եւ Ալու Տիարա (Պորտո), վեթերան Փաթրիք Վիերա (Մ. Սիթի), յարձակումներ կազմակերպող եւ արագավազ Ֆրանք Ռիպերի (Պ. Միլնիլի), յարձակումներուն մասնակցող Էրիք Ապիտալ (Պարսելոնա), ճշգրիտ փոխանցումներ կատարող Սամիր Նասրի (Արսենալ) եւ վերջապէս դաշտին կեդրոնը հսկող Յլորան Մարլետա (Չելսի): Նման խա-

ղացողներէ բաղկացող ազգային խումբ մը շատ դիւրութեամբ կրնայ դաշտին կեդրոնը առնել իր հսկողութեան տակ եւ խաղը ղեկավարել այնպէս ինչպէս կ'ուզէ:

Յառաջապահները կող նշանակող եւ կողի առիթներ ստեղծող մարզիկներ են: Վեթերան Թիէրի Հանրի (Պարսելոնա) տակաւին կող նշանակելու ծարաւը ունի: Նիքոլաս Անելքա (Չելսի) իր փայլուն օրերուն մէջն է: Քարիմ Պենգիմա (Ռ. Մատրիտ) օրըստօրէ ինքզինք կը փաստէ թէ՛ իր ակումբին եւ թէ՛ ազգային խումբին հետ: Երիտասարդներ Լոիք Ռեմի (Նիս), Հաթէմ Պըն Աֆա (Մարսէյ), Ճիմի Պրիան (Ռէն) եւ Պեֆթիմպի Կոմիս (Լիոն) ստիպուած պիտի ըլլան պահեստի նստարաններուն վրայն հետեւել մրցումներուն:

Ֆրանսացիք իրենց առաջին երկու մրցումները, յաջորդաբար Ուրուկուէյի եւ Մեքսիքայի դէմ, պիտի փորձեն աւարտել յաղթանակով: Անոնք երկրորդ հանգրուան անցնելու բախտը պիտի չձգեն կազմակերպիչ երկիրն՝ Հարաւային Ափրիկէի:

Բայց եւ այնպէս, Ֆրանսացիք թէեւ թեկնածու չեն, բայց կրնան հասնիլ տիտղոսին, որ անոնցմէ վրիպեցաւ չորս տարի առաջ: Եթէ Ռիպերի, Հանրի եւ Պենգիմա եռեակը կարենայ իրեն ներկայացած առիթները լաւ ձեւով օգտագործել, ապա Ֆրանսացիք դժուարութիւններու առջեւ պիտի չգլորնուին:





# ԱՐԺԱՆԹԻՆ

**Ա**րժանթինի ֆուտբոլի ֆեդերասիոնը հիմնադրված է 1900ին: Ազգային խումբը իր առաջին մրցումը կատարած է Մոնթեվիդեոյի մէջ, Ուրուկուէյի դէմ եւ յաղթած է 3-2 արդիւնքով: Ամէնէն մեծ արդիւնքով յաղթանակ տարած է էքուատորի դէմ, 1942ին, 12-0 արդիւնքով: Ամէնէն ծանր պարտութիւնները կը ըրած է Չեխոսլովաքիայէն (1958ին)՝ 6-1, Ուրուկուէյէն (1959ին)՝ 5-0, Քոլումբիայէն (1993ին)՝ 5-0 եւ Պոլիվիայէն (2009ին)՝ 5-0 արդիւնքով: Արժանթին մոնտիալներու մասնակցած է 14 անգամ: Երկու անգամ հանդիսացած է ախոյեան՝ 1978ին եւ 1986ին: Իսկ 1930ին եւ 1990ին հանդիսացած է փոխ ախոյեան: Մոնտիալներու ընթացքին կատարած է 65 մրցում, յաղթած է 33 խաղ, հաւասարած է 13, իսկ պարտուած է 19 մրցում: Նշանակած է 113 կոլ եւ ստացած է 74 կոլ: Ազգային խումբին շապիկը առաւելագոյն անգամներ կըրած է խաւիէր Չաննեթի (136 անգամ), իսկ Կապրիէլ Պաթիսթոլթա ազգային խումբի կոլ-սքորըրն է՝ 56 կոլով: Ներկայիս ազգային խումբին մարզիչն է Տիէկօ Մարատոնա:

Արժանթին բաւական դժուարութիւն ունեցաւ ապահովելու համար մոնտիալի իր մասնակցութեան տոմար: Անոր համակիրները սպասեցին մինչեւ վերջին մրցումը, երբ



անոնք Ուրուկուէյի մէջ յաղթեցին տեղւոյն կազմին եւ հասան մոնտիալի: Արժանթինեան ֆուտբոլը իր վերելքը սկսաւ ապրիլ 1978էն ետք եւ այդ թուականէն ստիւն արժանթինցիք կը նկատուին աշխարհի «մեծ»երու կարգին: Այս մոնտիալին եւս պատկերը նոյնն է: Բոլոր ժամանակներու լաւագոյն ֆուտբոլիստներէն Մարատոնա ստանձնելով ազգային խումբին մարզումը, եւ իր տրամադրութեան տակ ունենալով բացառիկ կարողութիւններու տէր մարզիկներ, արժանթինցիք պիտի փորձեն բաժակը տանիլ Պուէնոս Այրէս: Բերդապահութեան երեք թեկնածուներն են Մարիանօ Անտոյար (Քաթանիա), Սերտիօ Ռոմերօ (ԱՁ) եւ խուան Փապլօ Քարիգօ (Մարակոնա): Յետապահները յոյս ներշնչող մարզիկներ են: Զա-

նոնք պիտի ղեկավարեն Ինթէրի փորձառու զոյգը՝ Ուոլթըր Սամուէլ եւ Սաւիէր Չաննեթի: Անոնք կողքին լաւ «խցան» է Կապրիէլ Հայնցէն (Մարսէյ), իսկ օգնականներն են Մարթին Տեմիքելիսը (Պ.Միլիտի), Ֆապրիցիօ Քոլոչիոն (Նիւքասթլ), Տանիէլ Տիազը (Կեթաֆէ) եւ Նիքոլաս Պուրտիգոն (Ռոմա): Միջնապահ գիծի վրայ Մարատոնա դժուարութիւն չունի: Խմբապետ Սաւիէր Մաքերանօ եւ Մաքսի Ռոտըրիկէզ (Լիվըրփոլ), վեթերան խուան Սեպասթիան Վերոն (Էսթրետեանթէս), Փապլօ Այմար (Պենֆիլթա), Լուչօ Կոնգալէզ (Մարսէյ), Ֆեռնանտօ Կալօ (Ռ. Մատրիտ), Էսթեփան Քամպիասօ (Ինթէր) կրնան լաւագոյն միջնապահ գիծը կազմել: Մարզիչ Մարատոնա ըստ կարելուցն եւ խաղի պիտի կազմէ միջնապահ գիծը: Յառաջապահ գիծի եւ ընդհանրապէս ազգային

խումբի աստղը Լիոնէլ Մեսսի (Պարսելոնա) իր վրայ պիտի կեդրոնացնէ լուսարձակները: Ան իր կողքին ունի այլ երիտասարդ յառաջապահներ, որոնք նոյնքան վտանգաւոր են: Կոնգարօ Հիկուէն (Ռ. Մատրիտ), Քարլոս Թեւէզ (Մ. Սիթի), Սերտիօ Ակէրօ (Ա. Մատրիտ) եւ փորձառու յառաջապահ Տիէկօ Միլիթօ (Ինթէր):

Այսպիսի անուանի մարզիկներով Արժանթին կը մեկնի Հարաւային Աֆրիկէ: Մարզիչ Մարատոնա եթէ կարենայ իր մարզիկներուն անհատական կարողութիւնները ճիշդ ձեւով օգտագործել, ապա Արժանթին կը դառնայ անգսպելի: Իր խմբակին մէջ արժանթինցիք ոչ մէկ դժուարութիւն պէտք է ունենան: Նիւքասթլ, խմբակին երկրորդ ամէնէն տոկուն կազմը, արժանթինցիներուն դէմ դժուար թէ տոկայ: Հարաւային Քորէա վերջին 20 տարիներուն միշտ ներկայ ըլլալով մոնտիալի, չի մտահոգեր արժանթինցիները: Խմբակին չորրորդ կազմը՝ Յունաստանի վիճակի չէ քանի մը տարուան առաջուան իր սխրանքները կրկնելու: Արժանթինցիք իրենց աչքերը սեւեռած են երկրորդ հանգըրլանի մրցումներուն, ուր կը սկսի մեծերու իսկական մրցակցութիւնը:

# ՆԻՃԵՐԻԱ

**Ն**իճերիոյ ազգային խումբը իր առաջին մրցումը կատարած է 1949ին եւ յաղթած է Սիէրա Լէոնի՝ 2-0 արդիւնքով: Ամենամեծ արդիւնքով յաղթանակ արձանագրած է 1959ին, Տահոմէի դէմ, 10-1 արդիւնքով իսկ ամենածանր պարտութիւնը կրած է Ղանայէն, 1955ին, 7-0 արդիւնքով: Մոնտիալի մասնակցած է երեք անգամ: Կատարած է 11 մրցում (4 յաղթանակ, 1 հաւասարութիւն եւ 6 պարտութիւն), նշանակած է 14 կոլ ստացած է 16 կոլ: Ազգային խումբին շապիկը առաւելագոյն անգամներ կրած է Մուտաշիրու Լաւալ (86 անգամ), իսկ խումբին կոլ-սքորըրն է Ռաշիտի Եքիւնի՝ 37 կոլով: Ներկայիս ազգային խումբին մարզիչն է Շախպու Ամոտու: Նախապէս երեք անգամ մոնտիալներու մասնակցած Նիճերիա կը նկատուի փորիկեան ցամաքամասի ամէնէն տպաւորիչ կազմերէն մէկը: 1994ին եւ 1998ին Նի-

ճերիա կրցաւ անցնիլ երկրորդ հանգրուան՝ հակառակ դժուար մրցակիցներ ունենալուն: Այդ չորս տարիներու խումբը գեղեցիկ ֆուլթպոլ կը ներկայացնէր, եւ ազգային խումբին մարզիկները մաս կը կազմէին եւրոպական անուանի ակումբներու: Ֆինիտի Ճորճ, Ռաշիտի Եքիւնի, Տանիէլ Ամոքաշի, Ճէյ-Ճէյ Օքաշա եւ ընկերները իրենց խաղարկութեան շնորհիւ մեծ հետաքրքրութիւն ստեղծեցին Նիճերիոյ ֆուլթպոլին նկատմամբ: Այս մոնտիալին Նիճերիա դարձեալ լուսարձակները պիտի կեդրոնացնէ իր վրայ: Ճիշդ է որ ան չունի իր նախկին մակարդակը, սակայն «Քեր-արժիւները» տոկուն եւ յամառ կազմ են եւ ի վիճակի են ամէն տեսակ անակնկալ ստեղծելու: Մարզիչ Ամոտու նախապէս երեք անգամ մարզած է ազգային խումբը եւ քաջածանօթ է նիճերիական ֆուլթպոլին: Ան երկու անգամ խումբը հասցուցած է մոնտիալի աւարտականներուն:

Բերդապահութիւնը վրատահուած է «խարայէլացի» մարզիկներուն: Վինսենթէ Էնեամա (Ափոէլ Թէլ Աւիւ), Տելէ Այենուկպա (Պնէյ Եհուտա) եւ Օսթին Էթիտէ (Ափոէլ Փեթա Թիբլա) բարձր մակարդակի բերդապահներ են: Հակառակ իրենց երիտասարդ տարիքին, երեքն ալ փորձառու են եւ կրնան լաւապէս պաշտպանել իրենց բերդը: Յետապահ գիծի ամէնէն փորձառուն Էվրթընի Ժոզէֆ Եոպոն է: Անոր պիտի միանան Թայէ Թայուոն (Մարսէյ), Օպիանա Նուաներին (Սիոն), Տէնի Սիթուն (Պոլթըն), Ուա Էչիէփրէ (Ռէն) եւ Ռապիո Աֆոլային (Ռէտ Պուլզ Սալզպուրի): Բնականաբար, պահեստի մարզիկներուն մէջ նկատի առնուած են տեղական ակումբներէն համեմատաբար աւելի անծանօթ ֆուլթպոլիստներ: Նիճերիոյ պաշտպանողականի մարզիկները եւրոպական ակումբներու մաս կազմելով, ունին բաւական փորձառութիւն՝ կարենալ հետեւելու եւ կիրարկել իրենց տրուած ցուցմունքները: Միջնապահ գիծին «սիրտը» Զէլսի մարզիկ Միքէլ Օպին է: Հակառակ իր երիտասարդ տարիքին մարզիչ Ամոտու անոր պիտի վստահի յարձակումներու կազմակերպումը: Անոր օգնականներն են Սէյի Օլոնֆիճանա (Հալ Սիթի), Այիլա Եուսուֆ (Տիւնամօ Քիւե), Տիքսըն Էթուհու (Ֆուլհամ), Փօլ Օպէյֆուլ (Լին Օսլո) եւ Օլուաֆէմի Աճիլորէ (Կրոնինկըն):

Յառաջապահ գիծի վեթերան մարզիկն է Նվաքնօ Քանուն: Հակառակ իր «յառաջացած» տարիքին ան տակաւին նկատի առնուած է մարզիչ Ամոտուի կողմէ եւ շատ հաւանական է որ յաճախ դաշտ ներկայանայ եւ օգնէ իր խմբակիցներուն: Ներկայ է նաեւ Եագուպու Այէկպենին (Էվրթըն), Օպաֆէմի Մարթինզը (Վոլսպուրի), Փիթըր Օտեմուրինկին (Լոքոմոթիւ Մոսկուա), Չինեքու Օպասին (Հոֆընհայմ), Սթեֆըն Մաքիսուան (Լացիօ) եւ Իքեչուքու Ուչէ (Ռէյալ Սարակոսա): Նիճերիացիք կը կիրարկեն բաց եւ յարձակողական ոճի ֆուլթպոլ: Անոնց մրցումները միշտ ալ կոլերով հարուստ եղած են: Մաս կազմելով Բխմբակին, այս մոնտիալին անոնք երրորդ անգամ ըլլալով խմբակից ունին Արժանթինը: Նախորդ երկու մրցումներուն նիճերիացիք տեղի տուած են: Յունաստան 16 տարուան վրէժ մը ունի Նիճերիայէն: Իսկ Հարաւային Քորէա ասիական ամէնէն փորձառու եւ կայուն կազմերէն մէկն է եւ դժուար մրցակից՝ բոլոր խումբերուն համար: Նիճերիացիք մեծ ակնկալութիւններ չունին այս մոնտիալին: Անոնց աստեղային ժամանակը նախորդ սերունդին կը պատկանէր: Բայց եւ այնպէս, անոնք պիտի չզուգեն սոսկական մասնակցութիւն բերել փորիկեան մոնտիալին: Անոնք պիտի փորձեն կրկնել այն ինչ որ յաջողեցան իրագործել 1994ի եւ 1998ի մոնտիալներուն:



# ՀԱՐԱԲԱՅԻՆ ՔՈՐԷԱ

**Հ**արաբային Քորէա միջազգային իրաւաջին մրցումը կատարած է 1948ին եւ յաղթած է Հոնկ Քոնկի՝ 5-1 արդիւնքով: Ամենամեծ արդիւնքով յաղթանակը արձանագրած է 2003ին՝ Նեփալի դէմ, 16-0 արդիւնքով: Ամենածանր պարտութիւնը կրած է Շուէտէն, 1948ին, 12-0 արդիւնքով: Մոնտիալի մասնակցած է 7 անգամ եւ կատարած է 24 մրցում (4 յաղթանակ, 7 հաւասարութիւն եւ 13 պարտութիւն): Նշանակած է 22 կոլ, ստացած է 53 կոլ: 2002ի մոնտիալին Հարաբային Քորէայի կազմը գրաւեց չորրորդ դիրքը: Ազգային խումբին շապիկը առաւելագոյն անգամներ կրող մարզիկն է Հոնկ Միունկ Պօ (136 մրցում), իսկ խումբին կոլսքորըն է Չա Պոլմ Քոնկ՝ 55 կոլով: Ներկայիս Հարաբային Քորէայի ազգային խումբին մարզիչն է Հու Շունկ Մու:

Հարաբային Քորէա Ասիոյ կողմէ մոնտիալներուն առաւելագոյն մասնակցութիւն ապահովող երկիրն է:



Վերջին վեց մոնտիալներուն ներկայ է եւ միայն 2002ին, երբ մոնտիալը տեղի ունեցաւ Քորէայի եւ Ճափոնի մէջ, յաջողեցաւ հասնիլ կիսաւարտական եւ գրաւել 4րդ դիրքը: Բայց Ասիոյ գօտիէն ներս ան ինքզինք պարտադրած է: Ան ո՛չ մէկ դժուարութիւն ունեցաւ գտումի մրցումներուն: Իր խմբակին մէջ չորս յաղթանակ եւ չորս հաւասարութիւն արձանագրելով ան գրաւեց պարագլուխի դիրքը եւ ապահովեց իր տոմսը:

Մարզիչ Եունկ Մուի մարզիկներուն մեծամասնութիւնը կու գայ տեղական ակումբներէ: Բերդապահն է

փորձառու եւ վեթերան Լի Ուոն Ճէյ (Սուոն Պլու Ուինկզ): Պահեստի նստարաններուն վրայ պիտի մնան երիտասարդ բերդապահներ Ճունկ Սունկ Ռիոնկ (Սէոնկնամ Լիհուա) եւ Քիմ Եոնկ Քուանկ (Ուլսան Հորանկ):

Պաշտպանողականը պիտի ղեկավարեն Ֆրայպուրկի եւ Ալ Հիլալի փորձառու յետսապահներ Չա Տու Ռի եւ Լի Եունկ Փիօ: Անոնց պիտի միանան Քուաք Թա Հուի (Քիթօ Սանկա), Չօ Եանկ Հիւնկ (ժէփու Եունայթըա), Լի Եունկ Սու (Քաչիմա) եւ Օհ Պէոմ Սէոք (Ուլսան Հորանկ):

Միջնապահները աւելի փորձառու են եւ կու գան եւրոպական ակումբներէ. Փարք Ճի Սունկ (Մ. Եունայթըա), Լի Չունկ Եոնկ (Պուլթըն), Քի Սունկ Եոնկ (Սելթիք) եւ Քիմ Նամ (Թոմ Թոմսք): Տեղացիներէն կարելի է յիշել Չօ Ուոն Հի (Ֆ.Ք. Սէուլ) եւ Քի Տօ Հիոն (Սուոն Պլու Ուինկզ): Այլ խօսքով խաղը պիտի ղեկավարեն «եւ-

րոպացիները», ինչ որ կրնայ դրական ազդեցութիւն ունենալ քորէացիներու խաղի ոճին եւ մակարդակին վրայ: Անոնք ծանօթ են իրենց արագութեամբ եւ յամառութեամբ: Սակայն փորձառութեան պակասը յաճախ պատճառ դարձած է անիմաստ պարտութիւններու:

Յաւազապահը գիծը պիտի առաջնորդեն Փարք Չու Եոնկ (Մոնաքօ) եւ Սէոլ Քի Հիոն (Փոհանկ Սթիլըրզ): Առաջինը երիտասարդ եւ բաւական գործունեայ է, իսկ երկրորդը վեթերան եւ կողերու որսորդ մըն է: Յաւազապահներ Լի Քիոն Հու (Ճուպիլօ Իուայթա) եւ Լի Սէոնկ Ռիուլ Ֆ.Ք. Սէուլ) կրնան միանալ վերոնշեալ գոյգին եւ ամբողջացնել յաւազապահ գիծը:

Քորէացիք Բ. խմբակին մաս կազմելով կը գտնուին բարդ կացութեան առջեւ: Արժանիքին Մեսսիի առաջնորդութեամբ կը ձգտի տիտղոսին եւ քորէացիք դժուար թէ կարենան արգելք հանդիսանալ անոնց: Նիճերիացիք միշտ ալ առաջին հանգրուանի մրցումներուն յաջողութիւններ արձանագրած են: Իսկ յոյները փորձառու մարզիչ Ռեհակըլի առաջնորդութեամբ պիտի փորձեն մոռնալ 1994ի ճախաւերութիւնները: Այլ խօսքով, քորէացիք պիտի պատրաստուին «տաք» ճակատումներու եւ հաւանաբար անոնց ճամբորդութիւնը դէպի Ափրիկէ երկար չտեսէ:



# ՅՈՒՆԱՍՏԱՆ

**Յ**ունաստանի ազգային խումբը իր առաջին մրցումը կատարած է 1929ին, իտալիոյ դէմ եւ պարտուած է 4-1 արդիւնքով: Ամենամեծ արդիւնքով յաղթանակ արձանագրած է 1949ին, Սոււրիոյ դէմ, 8-0 արդիւնքով, իսկ ամենածանր պարտութիւնը կրած է 1938ին, Հունգարիայէն, 11-1 արդիւնքով: Մոնտիալի մասնակցած է մէկ անգամ՝ 1994ին, կատարած է երեք մրցում՝ կրելով երեք պարտութիւն, կող չէ նշանակած եւ ստացած է տասը կոլ: Ազգային խումբին շապիկը առաւելագոյն անգամներ կրած է Թէոտորոս Չակորաքիս (120 անգամ), իսկ ազգային խումբին կոլսփորըն է Նիքոս Անասթոփոլոս՝ 29 կոլով: Ներկայիս ազգային խումբին մարզիչն է Օթթօ Ռեհակը:

Յունաստանի մասնակ-

ցութիւնը բաւական անակնկալ էր: Իր խմբակին մէջ գրաւելով 2րդ դիրքը միայն, ան երեք կէտով կը գերազանցէր Լաթվիան: Իսկ Փլէյ-օֆի մրցումներուն, իր դաշտին վրայ Ուլքրանիոյ հետ հաւասարելէ ետք, ան յաջողեցաւ յաղթել անոր դաշտին վրայ, երբ բոլորը կը սպասէին Ուլքրանիոյ յաղթանակը:

Յունաստան 2004ին ստեղծած մեծագոյն անակնկալէն ետք վերստին մնացած է շուքի մէջ: Ան չյաջողեցաւ ներկայ ըլլալ 2006ի մոնտիալին եւ 2008ի Եւրոպայի ախոյեանութեան: Իսկ նախապէս մոնտիալի իր միակ մասնակցութիւնը եղած է «ամօթաբեր» եւ «խայտառակիչ»: Անոնք երեք մրցումներու ընթացքին նոյնիսկ չեն յաջողած կոլ նշանակել:

Ներկայիս ալ պատկերը այնքան յուսադրիչ չէ: Ծիշդ է, որ փորձառու մարզիչը՝ Ռեհակը ներկայ է, սակայն մասնակից խումբերը աւրիթ

պիտի չտան անոր, որ կրկնէ այն ինչ որ կըրցաւ իրագործել վեց տարի առաջ:

Նախ պէտք է նշել, որ ազգային խումբին կորիզը կը կազմեն Փանաթինայքոսի եւ Օլիմպիաքոսի մարզիկները: Այս մէկը բնականաբար առաւելութիւն կարելի է նկատել ազգային խումբի մը համար: Բերդապահի ընտրութիւնը պիտի ըլլայ Քոսթաս Չալքիասի (ՓԱՌՔ), Ալեքսանտրոս Յորվասի (Փանաթինայքոս) եւ Ճուրքաս Մէյթարիտիսի (Փանաթինայքոս) միջեւ:

Յետապահ գիծի հիմնական խաղացողներն են Վասիլիս Թորոսիտիս (Օլիմպիաքոս), Վանկելիս Մորաս (Պոլոնիա), Սոթրիոս Կիրիակոս (Լիվորփոլ), Լուքաս Վինիթրա, Նիքոս Սփիրոփոլոս, (Փանաթինայքոս), Ճիորճոս Յոթաքիս (ՓԱՌՔ) եւ Անճելոս Պասինաս (Փորթցմոլթ): Կան երիտասարդներ, որոնք կրնան մետասաներորդ պահուն փոխարինել այս ցանկէն ոեւէ բացակայ:

Միջնապահ գիծի «սիւներն» են Քոսթաս Քացուրանիս եւ Ճիորճիոս Քարակոնիս (Փանաթինայքոս): Անոնց խմբակիցներէն երիտասարդներ Սոթրիոս Նինիս եւ Ալեքսանտրոս Յիոլիս եւ Աէֆի երիտասարդ միջնապահ Կրիկորիս Մաքոս պիտի ղեկավարեն խումբը: Միջազգային առումով առաջին երկուքը փորձառու են: Սակայն Յունաստանի միջնապահ գիծը յուսադրիչ չէ որ կրնայ խաղը ղեկավարել ըստ

մարզիչի ցուցմունքներուն:

Յառաջապահ գիծը վրատահուած է «օտարականներուն»: Ճիորճոս Սամարաս (Սելթիք), Անճելոս Քարիսթիաս (Նիւրեմպերկ), Թէոֆանոս Ճեքաս (Հերթա Պերլին) եւ Իոնասիս Ամանաթիտիս (Ա. Յրանքֆորթ) պիտի փորձեն մոռցնել տալ 1994ի Յունաստանի ամօթալի պատկերը:

Այս խաղացողներու կողքին կան նաեւ նորեկ երիտասարդներ, որոնք իրենց որոշակի մակարդակով կրնան նպաստել խումբին արձանագրելիք յաջողութիւններուն:

Սակայն Յունաստան կը գտնուի բաւական հաւասարակշռուած խմբակի մը մէջ: Մարատոնայի Արթանթիւնը առիթ պիտի չտայ որ իրմէ կէտեր խլեն: Նիճերիս հակառակ անոր որ չունի նախկին մոնտիալներու նման զօրաւոր կազմ, բայց պիտի փորձէ օգտուիլ Յունաստանի ոչ կայուն արդիւնքներէն: Մինչ Հարաւային Քորէայիք կրնան անախորժութիւններ ստեղծել յոյներուն:

Յունաստանի հաւաքականը պիտի փորձէ առնուազն չկրկնել 1994ի ճախողութիւնը: Այլապէս անոնք շատ «հեռուները երթալու» կարելիութիւնն ու յոյսը չունին: Իւրաքանչիւր դրական արդիւնք կրնայ բաւարար նկատուիլ յոյներուն համար:

Բայց եւ այնպէս ֆուլպոլի աշխարհը լեցուն է անակնկալներով:





# ԱՆԳԼԻԱ

**Ա**նգլիոյ ֆուտպոլի ազգային խումբը իր առաջին մրցումը կատարած է 1872ին, Սկոտլոնդ մէջ, տեղւոյն ազգային խումբին դէմ եւ հաւասարած է 0-0 արդիւնքով: Ամենամեծ յաղթանակը արձանագրած է 1882ին՝ Իրլանտայի դէմ, անոր դաշտին վրայ՝ 13-0 արդիւնքով, իսկ ամենածանր պարտութիւնը կրած է Հունգարիայէն (1954ին)՝ 7-1 արդիւնքով: Մոնտիալի մասնակցած է 12 անգամ (55 մրցում, 25 յաղթանակ, 17 հաւասարութիւն եւ 13 պարտութիւն): Նշանակած է 74 կոլ եւ ստացած է 47 կոլ: 1966ին տիրացած է տիտղոսին, իսկ 1990ին գրաւած է 4րդ դիրքը: Ազգային խումբին շապիկը առաւելագոյն անգամ կրած է Փիթըր Շիլթըն (125 անգամ), իսկ լաւագոյն կոլ-սքորըրն է Պոպի Չարլթըն՝ 49 անգամ: Ներկա-



յիս ազգային խումբին մարզիչն է Յապիո Քափելլօ: Անգլիա իր պատմութեան մէջ երրորդ անգամ ըլլալով լրջօրէն պատրաստուած կը մասնակցի մոնտիալի: Շնորհիւ մարզիչ Քափելլօյի, անգլիացիք թօթափած են «անհամ» ու ձանձրացուցիչ խաղերու ցուցադրութիւնը: Զտումի մրցումներուն անոնք կրեցին միայն մէկ պարտութիւն, երբ արդէն իսկ ապահոված էին իրենց մասնակցութեան տոմար: Մարզիչ Քափելլօյի կազմը մեծ փոփոխութիւններ չէ կրած, սակայն կրած է խաղաճճի փոփոխութիւն, որ խումբին յաջողութեան ճամբան բացած է: Բերդապահութեան համար Քափելլօ պաշտօնի պիտի կոչէ Փոլ Ռոպինսընը (Պլէյպլըրն), Ռոպըրթ Կրիսը (Ուէսթ Համ) եւ վեթերան բաց ոչ վստահելի Տէյվիտ Չէյմսը (Փորթսմութ): Այս եռեակէն ամէնէն վստահելին



Փոլ Ռոպինսընն է, որ կրնայ նկատի առնուել իբրեւ հիմնական բերդապահ: Պաշտպանողական գիծը կը թուի ըլլալ աշխարհի լաւագոյններէն մէկը: Ճոն Թերի եւ Էլչի Քոլ (Չելսի), խմբապետ Լէս Ֆերտինանտ, Կէրի Նելլի եւ Ուէս Պրաուն (Մ. Եունայթըտ), Կլէն Ճոնսըն (Լիվըրփուլ) եւ Լէտլի Քրինկ (Թոթենհամ) կրնան անթափանցելի պատնէշ մը կազմել մրցակիցներուն առջեւ: Միջնապահ գիծի վրայ անգլիացիք հաւանաբար երկար ատեն ողբան Տէյվիտ Պեքհամի բացակայութիւնը: Հակառակ իր յառաջացած տարիքին, Պեքհամ նկատի առնուած էր Քափելլօյի կողմէ, սակայն վերջերս վերաւորուելով, ան պիտի չկարենայ մասնակցիլ մոնտիալի: Անոր ներկայութիւնը տակաւին անհրաժեշտ էր ազգային խումբին համար: Անոր բացակայութեան Սթիվըն Ժե-

ուար (Լիվըրփուլ), Յրանք Լամփարտ (Չելսի), Կէրի Պարէթ եւ Շոն Ռայթ Տիլլիփս (Մ. Սիթի), Սթիուըրթ Տաունինկ (Ա. Վիլլա), Թէօ Ուալքըթ (Արսենալ), Աարոն Լեյնըն եւ Ճերմէյն Ճենաս (Թոթենհամ) ամէն ջանք պիտի թափեն Պեքհամի բացակայութեան բացը գոցելու: Ժեուար-Լամփարտ գոյգը կրնայ թէ՛ առիթներ ստեղծել եւ թէ՛ կոլեր նշանակել: Այս գոյգին խաղալու մակարդակէն շատ բան կախեալ է ազգային խումբը յաջողելու համար: Յառաջապահ գիծի «աստղը» Ուէյն Ռունին է: Ան անգլիական ֆուտպոլի տիպար ներկայացուցիչն է: Անոր կողքին են Փիթըր Քրաուչը եւ Ժերմէյն Տէֆոն (Թոթենհամ), ինչպէս նաեւ վեթերան էմիլ Հէսքին (Ա. Վիլլա): Անգլիացիք առաջին հանգրուանին դժուարութիւն պէտք չէ ունենան: Առաջին մրցումը Մ. Նահանգներու դէմ նախաճաշակ մը պիտի ըլլայ Անգլիոյ ազգային խումբին մակարդակին: Իսկ յաջորդ երկու մրցումներուն, յաջորդաբար Ալճերիոյ եւ Սլովենիոյ դէմ, արդէն սխալիլը արգելուած պիտի ըլլայ: 1990էն ետք անգլիացիք ունին լաւագոյն կազմը եւ ամենամեծ թեկնածուներէն մէկն են մոնտիալի բաժակը Լոնտոն տանելու՝ 44 տարիներու բացակայութենէ ետք: Իտալացի Քափելլօյի ներկայութիւնը յուսադրիչ է անգլիական երազի իրականացման համար:



# ՄԻԱՑԵԱԿ ՆԱՀԱՆԳՆԵՐ

**Մ**իացեալ Նահանգներու ազգային խումբը միջազգային իր առաջին մրցումը կատարած է 1916ին, Շուէտի դէմ եւ յաղթած է 3-2 արդիւնքով: Ամենամեծ արդիւնքով յաղթանակը արձանագրած է Պարպատոսի դէմ, 2008ին եւ յաղթած է 8-0 արդիւնքով: Ամենածանր պարտութիւնը կրած է Նորվեկիայէն, 1949ին, 11-0 արդիւնքով: Մոնտրալի մասնակցած է ութը անգամ, կատարած է 25 մրցում (6 յաղթանակ, 3 հաւասարութիւն եւ 16 պարտութիւն), նշանակած է 27 կոլ եւ ստացած է 51 կոլ: Ազգային խումբին չապիկը առաւելագոյն անգամներ կրած է Քոպի ձոնգ (164 անգամ), իսկ խումբին կողմը ըրրն է Լանտրն Տոնաւան՝ 42 կոլով: Ներկայիս ազգային խումբին մարզիչն է Պոպ Պրէտտի:

Միացեալ Նահանգներ հակառակ աշխարհի գերհզօր պետութիւնը ըլլալու փաստին, Ֆուլթայոլի աշխարհին մէջ այնքան հզօր չէ: Աւելին, 1990ական թուականներէն առաջ ամերիկեան Ֆուլթայոլը գրեթէ անմակարդակ էր, հակառակ անոր որ բազմաթիւ անուանի խաղացողներ շրջան մը մաս կազմեցին ամերիկեան ակումբներու: 1994ի մոնտրալը, որ տեղի ունեցաւ Մ. Նահանգներու մէջ, ազդանշանը տուաւ ամերիկեան Ֆուլթայոլի զարթօնքին: Թէեւ ամերիկացիք տակաւին երկար ճամբայ ունին կտրելիք, սակայն արդէն իրենց դրացիներուն բաղդատած, մակարդակի բաւական բարելաւում արձանագրած են: Պատահական չէ, որ վերջին քանի մը մոնտրալներուն, Մ. Նահանգներ անընդմէջ ներկայութիւն կ'ապահովէ, իսկ 2010ի մոնտրալի գտումներուն ան գրաւեց իր խմբակին առաջին դիրքը,

ետին ձգելով աւելի փորձառու Մեքսիքան եւ անձանօթ Հոնտուրասը: Եւ առաջին անգամ ըլլալով, ամերիկացիք, մեկնելով իրենց խմբակին պարզած պատկերէն, յոյսեր ունին անցնելու երկրորդ հանգրուան: Խմբակին գլխաւոր թեկնածուն Անգլիան է, բայց միւս երկուքը՝ Ալճերիա եւ Սլովենիա ոչ մէկ առաւելութիւն ունին Մ. Նահանգներէն:

Մարզիչ Պոպ Պրէտտի, որ պաշտօնի կանչուեցաւ 2006ին, կը գիտակցի այս հնարաւորութեան եւ պիտի մղէ իր մարզիկները, որ Ալճերիոյ եւ Սլովենիոյ դէմ ըլլան անսխալական:

Բնականաբար բերդապահութիւնը պիտի վստահուի թիմ Հաուլըտի (Էվլըթըն): Փոխարինող բերդապահներ կրնան ըլլալ Պրէտտ Քուզան (Ա. Վիլլա) եւ Լուիս Ռոպլէս (Քայլըրսլաութըրն):

Յետապահ գիծի վրայ ամէնէն փորձառուներն են Քարլոս Պոքանեկրան (Ռէն), Սթիւ Չերունտոյոն (Հանովըր) եւ Օկոչի Օնեուն (Միլան): «Տեղացի» երիտասարդ խաղացողներէն ձոնաթան Պորնշթայնը (Չիվազ) եւ ձիմի Քոնրատը (Քանսաս Սիթի Ուիգարտ): Ասոնց կողքին փոխարինողներ կրնան ըլլալ ձէյ Տէմէրիթ (Ուաթֆորտ), Հէթ Փիրս (Ֆ.Ք. Տալաս) եւ Քեւըն Ալսթոն (Նիւ Ինկլընս):

Յառաջապահներէն կարելի է նշել Լանտրն Տոնաւանը (Էվլըթըն), որ իր ակումբին հետ յաջող ելոյթներ

կ'ունենայ: Հալ Սիթիի երիտասարդ յառաջապահ ձոնգի Ալթիտորէն նոյնպէս կոլ նշանակելու պարտականութիւն ունի: Տեղացիներէն Պրայըն Չինկը (Հիւսթըն Տիւնամօ), Սանթիյո Քուարանթա (Տի. Սի. Եունայթըտ), Մարքուս Թրէյսի եւ Ռոպի Ֆինտլի (Ռիլ Սալթ Լէյք) մարզիչ Պրէտտի կազմը ամբողջացնող եւ մրցակից կազմերը «նեղացնելու» պարտականութիւնը ունեցող մարզիկներ են:

Ամերիկացիք մոնտրալի իրենց առաջին մրցումը պիտի կատարեն 12 Յունիսին, Անգլիոյ դէմ: Բնականաբար, այս խաղին յաղթականը կը նշկատուի Անգլիան, սակայն Մ. Նահանգներ պիտի փորձէ առնուազն չպարտուիլ, որպէսզի առաւելութիւն ունենայ իր միւս խմբակիցներէն: Երկրորդ մրցումը, որ պիտի կատարուի 18 Յունիսին, վճռորոշ պիտի ըլլայ իրենց համար: Պարտութիւն մը եւ արդէն մոնտրալը կրնայ աւարտիլ ամերիկացիներուն համար:

Մարզիչ Պոպ Պրէտտի պիտի փորձէ օգտուիլ իր խմբակիցներուն ոչ այնքան զօրաւոր կազմեր ըլլալու իրողութենէն, եւ 1930ի մոնտրալէն ետք առաջին անգամ ըլլալով, իր խումբը անցընել երկրորդ հանգրուան:



# ԱԼՃԵՐԻԱ

**Ա**լճերիոյ ֆուտպոլի ֆետերասիոնը հիմնուած է 1957ին: Ազգային խումբը իր առաջին մրցումը կատարած է 1 Յունիս 1957ին, Թունուզի մէջ, տեղւոյն ազգային խումբին դէմ եւ 2-1 արդիւնքով յաղթած է: Ամէնէն մեծ արդիւնքով յաղթանակ տարած է Հարաւային Եմէնի դէմ, 1973ին, 15-1 արդիւնքով, իսկ ամենածանր պարտութիւնը կրած է Արեւելեան Գերմանիայէն, 1976ին, 5-0 արդիւնքով: Նախապէս մոնտիալի մասնակցած է երկու անգամ՝ 1982ին, 1986ին եւ առաջին հանգրուանէն դուրս մնացած է: Մոնտիալներու ընթացքին կատարած է 6 մրցում. յաղթած է 2, հաւասարած է 1 եւ պարտուած է 3 խաղ: Նշանակած է 6 կոլ եւ ստացած է 10 կոլ: Ազգային խումբին շապիկը ամէնէն շատ կրած է Լախտար Պելլուսի (147 անգամ), իսկ ազգային խումբին հետ ամէնէն շատ կոլեր նշանակող մարզիկն է Ապտէլհասֆիա Թասֆաուտ (35 կոլ): Ներկայիս ազգային խումբին մարզիչն է Ռապահ Սաատանէ:

Ալճերիացիք 1982ին, երբ առաջին անգամ կը մասնակցէին մոնտիալի, ստեղծեցին մոնտիալի պատմութեան ամենամեծ անակնկալներէն մէկը, երբ առաջին հանգրուանի առաջին իսկ մրցումին պարտութեան մատնեցին մրցաշարքի «մեծ»երէն Գերմանիան: Սակայն, Ալճերիոյ



ողիսականը երկար չտեւեց եւ ան Ա. հանգրուանէն իսկ դուրս մնաց, իսկ յաջորդ մոնտիալին անոնք գրեթէ յուսախաբ ըրին ֆուտպոլասէրները:

Այս մոնտիալին Ալճերիոյ մասնակցութիւնը վճռուեցաւ փլէյ-օֆի մրցումով: Գրաւելով իր խմբակին առաջին դիրքը, ան ստիպուած էր մրցելու իր ազգակից Եգիպտոսի դէմ, ապահովելու համար ավերիկեան ցամաքամասին 4րդ տուսը: Եւ վերջին վճռորոշ մրցումին ալճերիացիք կրցան յաղթել 1-0 արդիւնքով եւ հասնիլ աւարտականներուն: Անոնք առաջին հանգրուանին մրցակից ունին Անգլիան, Մ. Նահանգները եւ Սլովենիան:

Մարզիչ Սաատանէ բերդապահի պաշտօնը պիտի վստահի փորձառու Լոււնէս Ժաուաուելի (Ա.Ս.Օ. Շլէֆ): Փոխարինողներ կրնան ըլլալ Յաուաուելի Շաուաուելի (Է.Ս. Սեթիֆ) եւ Մոհամմէտ Ուսերի

(Ս.Ռ. Պելուիզտա): Բացի բերդապահներէն, ազգային խումբի խաղացողներուն հիմնական մասը կու գայ ոչ-ալճերիական ակումբներէ:

Յետապահները՝ Մատթիո Պուղէրա (Ռէյնճըրգ), Նատիր Պելհաճ (Փորթցմուլթ), Անթար Եահիա (Պոխում) եւ Ռաֆիք Հալիչէ (Նասիոնալ) կը կազմեն ամուր պաշտպանողական մը, կասեցնելու մրցակիցներու յարձակումները: Փոխարինողները կրնան նոյնքան դերակատար ըլլալ պաշտպանութեան մէջ: Իսմայիլ Պուզիտ (Հարթց), Ապտուրաուֆ Զարապի (Նիմ), Յաթիբ Հարէք (Պասթիա) եւ Ատէլ Մաիզա (Անապա) ատակ են պաշտպանողական գիծի որեւէ դիրքի վրայ խաղալու:

Միջնապահ գիծի ծանրութիւնը պիտի իյնայ Քերիմ Զիանիի (Վոլսպուրկ), Եագիտ Մանսուրիի (Լորիան), Եասին Պեզազի (Սթրազ-

պուրկ) եւ Քերիմ Մաթմուրի (Պ. Մուշընկլատպախ) վրայ: Անոնք իրենց ակումբներուն մէջ հիմնական կազմի խաղացողներ ըլլալով մեծ փորձառութիւն ձեռք ձգած են եւ խաղին ծանրութիւնը պիտի վերցնեն իրենց ուսերուն: Փոխարինողներ կրնան ըլլալ Մուրատ Մըղնի (Լագիո), Հասան Եհպտա (Փորթցմուլթ), Ճամէլ Ապտուն (Նանթ) եւ Համէր Պուազա (Պլէքիուլ):

Յառաջապահ գիծի եռեակը պիտի ըլլան «օտարականները»՝ Ապտէլ Քատէր Ղազալ (Սիեննա), Քամէլ Ղիլաս (Հալ Սիթի) եւ Ռաֆիք Ժապպուր (Ա.Է.Ք Աթէնք) պարտականութիւնը ունին կոլեր նշանակելու եւ յաղթանակ ապահովելու: Փոխարինողներէն կարելի է նշել Շաուի Ամրի (Մայնց), Շէյխ Համիտի (Անապա) եւ Նեպիլ Հեմանի (Է.Ս. Սեթիֆ):

Հիմնականին մէջ «օտար» խաղացողներու վրայ յոյս դնելով, մարզիչ Սաատանէ պիտի փորձէ 1982էն աւելի լաւ արդիւնք արձանագրել: Ալճերիացիք առաջին մրցումին, Սլովենիոյ դէմ յաջողութեանակի, իսկ երկրորդ մրցումին, Անգլիոյ դէմ, անոնք պիտի փորձեն գլխիկոր չհեռանալ դաշտէն: Հաւանաբար երրորդ մրցումը, որ Մ. Նահանգներու դէմ է, բախտորոշ ըլլայ երկու կազմերուն համար:

# ՄԱՌՎԵՆԻԱ

**Մ**րովենիա միջազգային իրառաջին մրցումը կատարած է 1991ին, Նրուաթիոյ դէմ եւ պարտուած է 1-0 արդիւնքով: Ամենամեծ արդիւնքով յաղթանակը արձանագրած է Օմանի դէմ, 1999ին, 7-0 արդիւնքով: Ամենածանր պարտութիւնը կրած է Ֆրանսայէն՝ 5-0 արդիւնքով, 2002ին: Մոնտիալի մասնակցած է մէկ անգամ՝ 2002ին եւ կատարած է երեք մրցում, արձանագրելով երեք պարտութիւն: Նշանակած է 2 կոլ եւ ստացած է 7 կոլ: Ազգային խումբի շապիկը առաւելագոյն անգամներ կրող եւ խումբին կոլւքորըն է Ջլաթքօ Ջահովիչ (80 մրցում, 35 կոլ): Մրովենիոյ ներկայի մարզիչն է Մաթիաս Քէք:

Մրովենիա նոր կազմ մըն է ֆութպոլի աշխարհին մէջ: Ան մեծ փորձառութիւն չունի միջազգային գետնի վրայ:

Հակառակ այս իրողութեան, սրովենիացիք զտումի մրցումներուն կրցան իրենց ետին ձգել Լեհաստանի եւ Չեխիոյ նման պատմութիւն կերտած կազմեր: Գրաւերով իր խմբակին երկրորդ դիրքը, փլէյ-օֆի մրցումներուն Սլովենիա մրցեցաւ նոյնպէս զօրաւոր նկատուող Ռուսիոյ դէմ եւ յաջողեցաւ դուրս ձգել այս վերջինը: 2010ի մոնտիալին ան մաս կը կազմէ երրորդ խմբակին, մրցակից ունենալով Անգլիան, Մեքսիկոն եւ Ալճերիան:

Մարզիչ Քէք ունի բաւական լաւ խաղացողներ, որոնք ի վիճակի են լաւ արդիւնքներ արձանագրելու եւ գլխիկոր չհեռանալու Ափրիկէէն:

Հիմնական բերդապահն է Սամիր Հանտանովիչ (Իւտինիգէ), իսկ պահեստի մարզիկներն են Եասմին Հանտանովիչ (Մանթովա) եւ Ալեքսանտր Սելիկա (Սփարթա Ռոթերտամ):

Յետապահ գիծի մարզիկները մաս կը կազմեն օտար ակումբներու. Պոյան Ժոքիչ (Քիեւօ), Միչօ Պրեչքօ (Քէօլն), Մարքօ Շուլեր (Ճէնթ), Տեփան Քեհլար (Սերբլ Պրիւժ), Պոսթեան Սեզար (Կրնոպլլը), Պրանքօ Իլիչ (Լոքոմոթիւ Մոսկուա) եւ Սուատ Ֆելիքովիչ (Պրոնքլի): Ժիչք է որ անուանի մարզիկներ չկան վերոնշեալներուն մէջ, սակայն անոնք ոգի ի բռին պայքարող եւ հաւաքական խաղի շնորհիւ դրական արդիւնքներ ձեռք բերող են:

Միջնապահները նոյնպէս կու գան օտար ակումբներէ: Ռոպլըթ Քորէն (Ուէսթ Պրոմուիչ), Նէյճ Փեչիք (Նասիոնալ), Տալիպոր Սթեփանովիչ (Վիթէս), Ռընէ Քրհին (Ինթէր), Միրնէս Միսիչ (Ճիանինա), Ալեքսանտր Ռատոսավիւիչ (Լարիսա) Անտրէյ Քոմաչ (Մաքապի Թէլ Աւիւ) եւ Տարիթան Մաթիչ (Ռափիտ Պուխարէսթ): Վերոնշեալ մարզիկները միջազգային գետնի վրայ փորձառու են եւ իրենց կազմերուն հետ մշտապէս դաշտ ներկայացող:

Յառաջապահներն են Միլիվոթէ Նովաքովիչ (Քէօլն), Վալթէր Պիրսա (Օքսեր), Ջլաթքօ Տեաիչ (Պոխոււմ), Ջլաթան Լիւպիանքիչ (Ճէնթ), Քլեմէն Լաւրիչ (Շթուրմ Կրազ) եւ Թիմ Մաթայզ (Կրոնիկըն):

Ժիչք է, որ Մրովենիոյ կազմը բաղկացած չէ աստղերէ, եւ հաւանաբար այդ պատճառով շատեր զայն նկատի չեն առներ իբրեւ



լուրջ մրցակից, սակայն զտումի մրցումներուն երբ փլէյ-օֆի խաղերուն ան դուրս ձգեց Ռուսիոյ նման կազմ մը, վստահաբար մասնագէտներ թէ ֆութպոլասէրներ սկսան այլ ձեւով նայիլ այս անձանօթ կազմին: Իր խմբակին մէջ ան կրնայ անակնկալներ ստեղծելով անցնիլ երկրորդ հանգրուան: Եթէ Անգլիա անվիճելիօրէն խմբակին թիւ 1 թեկնածուն է, ապա Մ. Նահանգներ եւ Ալճերիա ոչինչով կը գերազանցեն Սլովենիան: Սլովենիացիք պիտի փորձեն օգտուիլ ուժերու այս հաւասարակշռութենէն եւ իրենց երկրորդ մասնակցութիւնը պիտի դարձնեն աւելի արդիւնաւէտ:





# ԳԵՐՄԱՆԻԱ

**Գ**երմանիա իր առաջին մրցումը կատարած է Պազլի մէջ, Զուլիցերիոյ դէմ (1908ին) եւ պարտուած է 5-3 արդիւնքով: Ամենամեծ յաղթանակը արձանագրած է (1912ին)՝ Ռուսիոյ դէմ, 16-0 արդիւնքով, իսկ ամենածանր պարտութիւնը կրած է Անգլիայէն (1909ին)՝ 9-0 արդիւնքով: Մոնտրալի մասնակցած է 16 անգամ: Երեք անգամ հանդիսացած է ախոյեան (1954, 1974 եւ 1990): Զորս անգամ հանդիսացած է փոխ ախոյեան (1966, 1982, 1986 եւ 2002): Երեք անգամ գրաւած է երրորդ դիրքը (1934 1970 եւ 2006), իսկ մէկ անգամ՝ 1958ին գրաւած է չորրորդ դիրքը: Կատարած է 92 մրցում (55 յաղթանակ, 19 հաւասարութիւն եւ 18 պարտութիւն): Նշանակած է 190 կոլ եւ ստացած է 112 կոլ: Ազգային խումբին շապիկը առաւելագոյն անգամ կրած է Լոթար Մաթէոս (150 անգամ), իսկ կոլ-սքորըրն է Կերտ Միւլլըր՝ 68 կոլով: Ներկայիս ազգային խումբին մարզիչն է Շոաքիմ Լոյե:

Գերմանացիք զտումի մրցումներուն ո՛չ մէկ դըժ-լարութիւն ունեցան: Անոնց մրցակիցները չէին կրնան անոնց ընթացքը կասեցնել: Գերմանացիք մոնտրալի պատմութեան մէջ իրենց անունը արձանագրած են մեծատառ:

Հակառակ որ գերմանացիք այնքան ալ ամբողջական



կազմ մը չունին այս մոնտրալին, սակայն անոնք միշտ ալ կը նկատուին թեկնածու եւ վտանգաւոր խումբ մը: «Մանչաթիթը» բոլոր դժուարութիւններով հանդերձ, յամառ, պայքարող, տոկուն եւ անակնկալներ ստեղծող կազմ մըն է:

Մարզիչ Լոյե բերդապահութեան համար շատ ընտրութիւններ չունի: Ռոնէ Ատլէր (Պ. Լեւերքուզըն),



Մանուէլ Նոէր (Շալքէ) եւ Թիմ Ուրիշ (Վ. Պրեմըն) պիտի ըլլան ազգային խումբին բերդապահները:

Յետապահ գիծին «սիրտը» կը կազմեն Ֆիլիփ Լահմը (Պ. Միւնիխ) եւ Փըր Մերթեսաքըր (Վ. Պրեմըն): Հերթա Պերլիւնի վեթերան Արնէ Ֆրիտրիխ պիտի միանայ պաշտպաններուն: Իսկ երիտասարդներ Սերտար Թաքի (Շթուլթկարթ), Անտրէաս Հինքըլ (Սելթիք), Ռոպըրթ Հոլթ (Սթոք Սիթի), Հէյքո Ուէսթըրման (Շալքէ) եւ պիտի պաշտպանեն Գերմանիոյ բերդը:

Միջնապահ գիծը պիտի ղեկավարէ խումբին խմբապետ Միքայէլ Պալաք (Զելսի): Այս մոնտրալը պիտի ըլլայ վեթերան Պալաքի (33 տարեկան) վերջին մոնտրալը: Անոր կողքին են նոյնքան փորձառու Պասթիան Շվա-նըշթայկըրը (Պ. Միւնիխ), Փիթեր Թրոչոփսքին (Համպուրկ) եւ Թոմաս Հիթցլս-

փըրկըրը (Լացիո): Երիտասարդներ Մեսուտ Օզիլ եւ Մարքո Մարին (Վ. Պրեմըն), Թոմաս Միւլլըր (Պ. Միւնիխ), Մարսէլ Եանսըն (Համպուրկ), Սիմոն Ռոլֆս (Պ. Լեւերքուզըն) եւ Քրիսթիան Կանթնըր (Վոլսպուրկ) պահեստի մարզիկներու շարքը պիտի ամբողջացնեն:

Յառաջապահ եռեակը տարիներէ ի վեր սարսափն է մրցակիցներուն: Միրոսլաւ Բլոզէ, Մարիօ Կոմէշ (Պ. Միւնիխ) եւ Լուքաս Փոտոլսքի (Ֆ.Ք. Քէօլն), կրնան նեղացնել ամենազօրաւոր պաշտպանողականով օժտուած կազմերը: Սթեֆան Բի-էպլինկ (Պ. Լեւերքուզըն), Քաքաու (Շթուլթկարթ) եւ Փաթրիք Հէլմը (Պ. Լեւերքուզըն) փոխարինող յառաջապահներ են:

Գերմանացիք կը գլխաւորեն Գ. խմբակը: Անոնց մրցակիցները տարբեր մակարդակներու խումբեր են: Աւստրալիացիք արդէն ծանօթ են իրենց անակնկալներով: Սերպերը փորձառու եւ կազմակերպուած են, իսկ ղանացիք ունին Ափրիկէի լաւագոյն կազմերէն մէկը: Գերմանացիք տճած անակնկալներէ հեռու պիտի փորձեն մնալ: «Մանչաթիթը» մինչեւ վերջին վայրկեանը պայքարելու իր կամքով պիտի փորձէ աշխարհի ախոյեանութեան բաժակը վերադարձնել Գերմանիա: Քսան տարիներ առաջ իրագործուած երազը, այսօր, իրապաշտ գերմանացիք կը փափաքին գայն կրկնուած տես-

# ԱՄՍՏՐԱԼԻԱ

**Ա**ւստրալիոյ ազգային խումբը իր առաջին մրցումը կատարած է Նոր Զելանտայի դէմ, 1922ին, եւ պարտուած է 3-1 արդիւնքով: Ամէնէն մեծ արդիւնքով յաղթանակ տարած է Սամուա կղզիներուն դէմ, 2001ին, 31-0 արդիւնքով, իսկ ամէնէն ծանր պարտութիւնը կրած է Հարաւային Ափրիկէէն, 1955ին, 8-0 արդիւնքով: Նախապէս մոնտիալի մասնակցած է 2 անգամ (1974 եւ 2006): Կատարած է 7 մրցում (1 յաղթանակ, 2 հաւասարութիւն, 4 պարտութիւն), նշանակած է 5 կոլ եւ ստացած է 11 կոլ: Ազգային խումբին շապիկը առաւելագոյն անգամ կրած է Ալեքս թոպին (87 անգամ), իսկ առաւելագոյն կոլեր նշանակող մարզիկն է Տամիան Մորի՝ 35 կոլ: Ներկայիս ազգային խումբին մարզիչն է Փիմ Վերպիք:



Յաջորդաբար երկրորդ անգամ ըլլալով մասնակցող Աւստրալիա այս անգամ եւս մեծ յաւակնութիւններով կը մեկնի Հարաւային Ափրիկէ: Մարզիչ Վերպիքի «բալիկները» արհամարհելի կազմ չեն, ինչպէս որ էին նախապէս: Արդէն անոնց յաղթել կը նշանակէ մեծ ճիգ եւ բարձր մակարդակ:

Մարզիչ Վերպիք իր տրամադրութեան տակ ունի խաղացողներու հոյ մը, որոնք մաս կազմելով եւրոպական ակումբներու մեծ փորձառութիւն ձեռք ձգած են, եւ Աւստրալիոյ ազգային խումբը անոնց շնորհիւ ի վիճակի է

ամէն տեսակի անակնկալ ստեղծելու:

Բերդապահ Մարք Շվարցըր (Ֆուլհամ) կը մնայ ամէնէն վստահելին: Պրէտ Ճոնզ (Միտլդորթ) եւ երիտասարդ ու խոստմնալից Թանտո Վելափի (Փրոթ Կլոբի) պիտի մնան նստարաններուն վրայ:

Յետսապահ գիծին կորիզը պիտի կազմեն «եւրոպացիները»՝ Կրէյկ Մուր (Քաւալա), Աքոթ Չիփրֆիլտ (Պասէյ), Տէյլիտ Քարնի (Թվենթթի) եւ Լուքաս Նէյլ (Կալաթասարայ): Չորսն ալ միջագային բազմաթիւ մրցումներու մասնակցած մարզիկներ են: Անոնց փոխարինողները կրնան ըլլալ Փաթրիք Քիսնորպո (Լիծ), Լուքէ Ուելքաշըր (Տինամո Մոսկոլա), Շէյն Լորի (Ասթոն Վիլա) եւ Միքայէլ Պոչամփ (Ալ Ժազիրա):

Միջնապահ գիծը պիտի ղեկավարեն Վինս Կրեյլան եւ Պրէթ Էմըրթընը (Պլէքպըրն), Թիմ Քահիրը (Էվըրթըն) եւ Մարք Պրեշիանոն (Փալերմո): Այս քառեակին անպատեհութիւնը այն է որ արդէն ըսկրած է «ծերանալ»: Չորս մարզիկներն ալ թեւակոխած են երեսուն տարիքը: Միջնապահ գիծի խաղացողներ են նաեւ Ճէյմս Հոլընտ (ԱՁ), Նիք Քարլ (Քրիսթլը Փալաս), Տէնի Ինվինսիպլը (Քիլմարնոք) եւ Միքայէլ Չուլո (Իւթրէիթ): Այս վերջինները համեմատաբար անձանթ եւ անփորձ են եւ անոնք տեղ պիտի գրաւեն պահեստի նստարաններուն վրայ:

Յառաջապահ գիծը պիտի ղեկավարէ կազմին ամէնէն

ծանօթ եւ փորձառու խաղացողներէն Հէրի Քիուրլը (Կալաթասարայ): Լիծի եւ Լիվըրփուլի նախկին այս մարզիկը ճարպիկ եւ արագավազ մարզիկ մըն է, որ կրնայ մրցակիցներու պաշտպանները «նեղացնել»: Անոր կողքին են Պրէթ Հոլմընը (ԱՁ), Արչի թոմսընը (Մելպուռն Վիքթըրի) եւ Նիքիթա Ռուքայիթիան (Թվենթթի):

Աւստրալիացիք ունին նաեւ տեղացի երիտասարդ խաղացողներու փաղանգ մը, որ կրնայ ազգային խումբին հետ մեկնել Հարաւային Ափրիկէ եւ մարզիչ Վերպիքի կազմը թարմացնել անհրաժեշտութեան պարագային:

Աւստրալիացիք մաս կազմելով 4րդ խմբակին բաւական ղեկար կացութեան մը առջեւ կը գտնուին: Անոնք իրենց առաջին մրցումը պիտի կատարեն Ֆուլթայլի «Հրականերէն» Գերմանիոյ դէմ: Գերմանացիք ծանօթ են իրենց անխնայ ըլլալու յատկանիշով: Երկրորդ մրցումը սերպերուն դէմ ճակատագրական պիտի ըլլայ: Սերպերը կը նկատուին մեծ առաջադրութիւն մը: Իսկ Ղանայի դէմ մրցումը պիտի ըլլայ համեմատաբար աւելի հանգիստ պայմաններու մէջ:

Իր տրամադրութեան տակ ունենալով ատակ մարզիկներ, մարզիչ Վերպիք լաւատեսութեամբ պիտի սկսի իր բոլոր մրցումները, ակրնկալելով որ մարզիկները հետեւելով իր ցուցմունքներուն՝ յաջողութիւններու կարենան հասնիլ:



# ՄԵՐՊԻԱ

**Մ**երպիոյ ազգային խումբը միջազգային իր առաջին մրցումը կատարած է 2006ին, Չեխիոյ դէմ եւ յաղթած է 3-1 արդիւնքով: Ամենամեծ արդիւնքով յաղթանակները արձանագրած է 2007ին, 2008ին եւ 2009ին, յաջորդաբար Ազըրպէյճանի, Պուլկարիոյ եւ Ռումանիոյ դէմ: Առաջին երկուքին 6-1 արդիւնքով յաղթած է, իսկ երրորդ մրցումին՝ 5-0 արդիւնքով: Ամենածանր պարտութիւնը կրած է 2008ին, Ուքրանիայէն, 2-0 արդիւնքով: Ազգային խումբին շապիկը առաւելագոյն անգամներ կրող եւ խումբին կողմը կրողն է Սաւո Միլոսեւիչ (102 մրցում՝ 37 կոլ): Մերպիա առաջին անգամ ըլլալով կը բերէ իր մասնակցութիւնը մոնտիալի: Ներկայիս անոր մարզիչն է Ռատոմիր Անժիչ:

Առաջին անգամ ըլլալով սերպերը մոնտիալի պիտի մասնակցին իբրեւ առանձին պետութիւն: Նախապէս



անոնք որպէս Եոսլոուլաիա, իսկ աւելի ուշ՝ Սերպիա-Մոնթենեգրո անուան տակ հանդէս եկած են: Նշենք, որ անոնք բաւական յաջող ելոյթներ ունեցած են մոնտիալներու ընթացքին. 1930ին հասած են կիսաւարտական, իսկ 1962ին գրաւած են երրորդ դիրքը:

Այս մոնտիալին սերպերը կը մասնակցին բաւական լաւ պատրաստուած կազմով: Զտոււմի մրցումներուն անոնք գրաւեցին իրենց խմբակին Ադիբը, իրենց ետին ձգելով Ֆրանսան, Ռումանիան եւ Աւստրիան: Տասը մրցումներէն եօթն աւարտեցին յաղթանակով, կրելով երկու պարտութիւն եւ արձանագրելով մէկ հաւասարութիւն: Նշանակեցին 22 կոլ, ստացան 8 կոլ:

Ուշագրաւ է, որ Սերպիոյ ազգային խումբի խաղացողներուն մեծամասնութիւնը կողմէն օտար անուանի ակումբներէ, ինչ որ մեծ

առաւելութիւն մըն է, որ փորձառու մարզիչ Անժիչ օգտագործէ իր ֆուլթայոյստներուն հնարաւորութիւնները՝ լաւագոյն արդիւնքով հեռանալու այս մոնտիալէն:

Բերդապահութիւնը պիտի վստահուի Վլատիմիր Սթոյքովիչի (Ուիկլոն) կամ Վլատիմիր Տիչչենքովիչի (Մեթալուրկ Տոնէցք): Փոխարինող բերդապահ է Զելքո Պըրքիչ (Վոյվոտինա):

Յետապահ գիծի ամէնէն փորձառուները Նեմինիա Վիտիչը (Մ. Եոնայթըտ) եւ Պրանիսլաւ Իվանովիչն են (Զելի): Վիտիչ ոչ միայն լաւ պաշտպան է, այլ նաեւ՝ յարձակումներու մասնակից է իր երկար հասակը յաճախ կ'օգտագործէ քոռնըրներու ժամանակ: Այս գոյգին կողմէն ներկայ պիտի գտնուին Իվիքա Տրակովիչովիչ (Սելիլլա), Ալեքսանտր Լուքովիչ (Ուտինիզէ), Ալեքսանտր Բոլարով (Լացիօ) եւ երիտասարդ յետապահներ Իվան

Օպրատովիչ (Ռ. Սարակոսա) եւ Նեվէն Սուպոթիչ (Պ. Տորթմունտ):

Միջնապահ գիծի «սիրտն» ու «ուղեղը» Տեփան Սթանքովիչն է (Ի. Միլան): Ան պիտի ղեկավարէ խաղը ըստ մարզիչին ցուցմունքներուն: Սթանքովիչ իր կողքին ունի երիտասարդ միջնապահներու փաղանգ մը, որոնք մաս կազմելով օտար ակումբներու, կրնան խաղին ղեկը իրենց ձեռքը պահել. Պոսքո Եանքովիչ (Ճենովա), Նենատ Միլիաս (Վուլվզ), Միլոս Բրասիչ (Մոսկուայի Բանակայիններ), Զորան Թոսիչ (Մ. Եոնայթըտ) եւ Զտրավքո Բուզմանովիչ (Շթուլկարթ):

Յաւազապահ գիծը պիտի վստահուի Մարքո Փանժելիչի (Այաքս) եւ Նիքոլա Զիկիչի (Վալենսիա): Անոնց կրնան օգնել Միլան Եովանովիչ (Սթանտարտ Լիէժ) եւ Տանքո Լազովիչ (Փ.Ս.Վ.):

Սերպերը 4րդ խմբակին մէջ առաջին հանգրուանին իրենց խմբակից ունին Գերմանիան, Աւստրալիան եւ Ղանան: Երեւութապէս միայն գերմանացիք կրնան «գլխացաւ» պատճառել սերպերուն: Սակայն, Աւստրալիա եւ մանաւանդ Ղանա լաւ կազմելով կը մեկնին Հարաւային Ափրիկէ եւ պիտի փորձեն երոպացիներուն հաշիւները խանգարել: Սերպերուն կը մընայ առնուազն իրենց առաջին մրցումը Ղանայի դէմ սկսիլ յաղթանակով, որպէսզի աւելի հանգիստ ձեւով շարունակեն մրցաշարքը:



# ՂԱՄՆԱ

**Ղ**անայի ազգային խումբը միջազգային իր առաջին մրցումը կատարած 1970ին, Նիճերլանդի դեմ եւ յաղթած է 1-0 արդիւնքով: Ամենամեծ արդիւնքով յաղթանակ տարած է Քենիոյ մէջ՝ տեղւոյն ազգային խումբին դէմ, 1965ին, 13-0 արդիւնքով: Ամենածանր պարտութիւնը կրած է Պրագիլէն, 1996ին, 8-2 արդիւնքով: Մոնտիալի մասնակցած է մէկ անգամ՝ 2006ին եւ կատարած է չորս մրցում (2 յաղթանակ եւ 2 պարտութիւն): Նշանակած է 4 կոլ եւ ստացած է 6 կոլ: Ազգային խումբին շապիկը առաւելագոյն անգամներ կրած է Ապետի ֆելէ (73 անգամ), որ ցարդ ազգային խումբին կողմը խաղալիք է՝ 33 կոլով: Ներկայիս Ղանայի մարզիչն է Միլովան Ռաֆեփա:

Ղանայի ազգային խումբը



Երբ 2006ին առաջին անգամ ըլլալով կը մասնակցէր մոնտիալի, ոչ ոք կ'ակնկալէր, որ Իտալիոյ եւ Չեխիոյ նման խումբերու ներկայութեամբ, ան անցնէր երկրորդ հանգրուան: Ղանացիք երկրորդ հանգրուանին, հակառակ իրենց գեղեցիկ ու տպաւորիչ խաղարկութեան, պարտուեցան Պրագիլէն:

Այս մոնտիալին անոնք կը վերադառնան աւելի ինք-

նախտահ: Զտումի մրցումներուն առանց դժուարութեան անոնք գրաւեցին իրենց խմբակին պարագլուխի դիրքը: Սակայն, այս մոնտիալին, անոնք առաջին հանգրուանին մրցակից ունին Գերմանիան, Աւստրալիան եւ Սերպիան: Մարզիչ Ռաֆեփաք կը գիտակցի որ դժուար առաքելութեան մը առջեւ կը գտնուի եւ իր խմբակիցները տոկոսն ու յամառ մրցակիցներ են:

Բերդապահ Ռիչրոտ Քինկսըն (Ուիլկըն) պիտի փորձէ լաւ ձեւով պաշտպանել իր բերդը: Անոր փոխարինողները Տանիէլ Ատֆէյ (Լիպլըթի) եւ Ուիլիլըմ Ամամու (Վասալանտս) միջազգային գետնի վրայ անփորձ են եւ կրնան լաւ ձեւով չկատարել իրենց պարտականութիւնը:

Յետապահ գիծի կեդրոնական դէմքերը «անգլիացի»ներ ձոն Մենսան (Մանտրըլէնա) եւ ձոն Փանթսին են (Ֆուլհամ): Սամուէլ Ինքըմ (Պասէլ), էրիք Ատո (Ռոտա), Իսաք Վոքսա (Հոֆընհայմ) եւ Հանս Սարփէյ (Պ. Լեւերքուզըն) կ'ամբողջացնեն յետապահ գիծը: Բոլորն ալ միջազգային բազմաթիւ մրցումներ կատարած մարզիկներ են եւ վստահաբար դժուարութիւններ պիտի չունենան:

Միջնապահ գիծին վրայ, անկասկած, ամէնէն ծանօթ մարզիկը Միքայէլ էսիէնն է (Չեխի): Ան փնտռուած միջնապահ մըն է, որուն ներկայութիւնը անհրաժեշտութիւն է ազգային խումբին համար:

Անոր կողքին կան նոյնքան փորձառու միջնապահներ: Սթեֆան Ափփիա (Պոլոնիա), Սուլէյ Մուսթարի (Ինթէր), Անտրէ Այու (Մարսէյ), Անթոնի Անոն (Ռոզընպլըրկ) Տերէք Պոթանկ (Կեթաֆէ) եւ Քուստուօ Ասանոա (Իւտինիգէ) կրնան ամուր միջնապահ գիծ մը կազմել եւ յոգնեցնել իրենց մրցակիցները:

Յառաջապահ գիծի վրայ հիմնական մարզիկները կը մնան Համիլու Տրամանի (Քուպան Կրասնոտար) եւ Մաթիու Ամոա (Պրետա): Անոնց ընկերակիցներ կրնան ըլլալ Ասամոա Ճիան (Ռէն), Տոմինիք Ատիվիա (Ա.Ս.Միլան), Մաուէլ Ակոկո (Լիմասո) եւ Փրինս Թակոէ (Հոֆընհայմ):

Ղանա իր առաջին մրցումը պիտի կատարէ Սերպիոյ դէմ, որ նոյնպէս լաւ պատրաստուած կը մեկնի Հարաւային Ափրիկէ: Խումբերէն որեւէ մէկուն պարտութիւնը կրնայ վերջ դնել մոնտիալի այս մասնակցութեան, նկատի ունենալով որ խմբակին հարկ կազմը՝ Գերմանիան առիթ պիտի չտայ իր մրցակիցներուն, որ զինք անախորժ անակնկալներու մատնեն, իսկ Աւստրալիա պիտի փորձէ նոյնպէս օգտուիլ Ղանայի նուազագոյն սխալէն եւ անցնիլ Բ. հանգրուան: Ղանացիներուն կը մնայ իւրաքանչիւր մրցումի պատրաստուիլ լրջօրէն, քանի անոնց կազմը ի վիճակի է կրկնելու նախորդ մոնտիալի իրենց իրագործումէն աւելին:





# ՀՈՒԱՄՆՏԱ

**Հ**ոլանտայի ազգային խումբը իր առաջին մրցումը կատարած է Պել-Երեյի մեջ տեղույն կազմին դեմ եւ յաղթած է 4-1 արդիւնքով: Ամենամեծ արդիւնքով յաղթանակներ արձանագրած է Ֆինլանտայի դեմ (1912ին)՝ 9-0 արդիւնքով եւ Նորվեգիոյ դեմ (1972ին)՝ 9-0 արդիւնքով: Ամենածանր պարտութիւնը կրած է Անգլիայէն (1907ին)՝ 12-2 արդիւնքով: Մոնտրալի մասնակցած է ութը անգամ: Երկու անգամ (1874 եւ 1978) հանդիսացած է փոխ ախոյեան, իսկ 1998ին գրաւած է չորրորդ դիրքը: Կատարած է 36 մրցում (16 յաղթանակ, 10 հաւասարութիւն եւ 10 պարտութիւն): Նշանակած է 59 կոլ եւ ստացած է 38 կոլ: Ազգային խումբի շապիկով առաւելագոյն անգամ հանդէս եկած է Էտուրն Վան Տէր Սաար (130 անգամ), իսկ խումբին կոլ-սքորրըն է Փաթրիք Քրուիվէրթ՝ 40 կոլով: Ներկայիս ազգային



խումբին մարզիչն է Պէրթ Վան Մարուիք: Հոլանտայի ազգային խումբը առանց դժուարութիւններու կրցաւ ապահովել մոնտրալի մասնակցութեան իր տոմսը: Հոլանտացիք իրենց բոլոր մրցումները աւարտեցին յաղթանակով: Իսկ մոնտրալին անոնք կը զլխաւորեն հինգերորդ խմբակը, որուն մաս կը կազմեն Դանիան, Քամբուրը եւ Դանիան:

Հոլանտացիք 2008ին Եւրոպայի ախոյեանութեան երկրորդ հանգրուանի մրցումներուն պարտուեցան Ռուսիայէն՝ 3-1 արդիւնքով եւ այդ մրցումէն ի վեր անոնք կը մնան անպարտելի: Անձանօթ մարզիչ Վան Մարուիք մեծ փոփոխութիւններ չէ կատարած ազգային խումբէն ներս: Բերդապահութիւնը պիտի վըտահուի Այաքսի բերդապահ Մարթէն Սթեքելէյսպուրկի: Փոխարինողներ են Փիէթ

Վելթհուզըն (Վիթէս), Սէնտըր Պոչքըր (Թվենթէ) եւ Միչէլ Վորմ (Իւթրէխթ): Յետապահ գիծը կը ղեկավարէ վեթերան ճիւղմանի Վան Պրոնքհորսթը (Ֆէյյնուրտ): Անտրէ Ուլըր (Փ.Ս.Վ.), Ճոն Հելթինկա (Էյլըրթըն), Եորիս Մաթիսըն (Համպուրկ) եւ Խալիտ Պելհարուզ (Շթուլթկարթ) հիմնական կազմի մարզիկներ են: Անոնք երիտասարդ ու փորձառու են:

Միջնապահ գիծը կը ղեկավարէ խումբին «սիրտ»ն ու «ուղեղ»ը հանդիսացող Պայէրն Միւնիխի մարզիկ Մարք Վան Պոմէլ: Պոմէլ պարտականութիւնը ունի դաշտին կեդրոնը հսկելու եւ օգնել թէ՛ յառաջապահներուն եւ թէ՛ յետապահներուն: Իր «գործ»ը լաւ կատարող Պոմէլ առանձին չէ: Ռաֆայէլ Վան Տէր Վարդ (Ռ. Մատրիա), Նայճըլ Տը Եոնկ (Մ. Սիթի), Ուէսլի Ծնայտըր (Ինթէր) կ'ամբողջացնեն Պոմէլի աշխատանքը:

Երիտասարդ միջնապահներ Իպրահիմ Աֆելայ եւ Օրլանտօ Էնկելար (Փ.Ս.Վ.), ըմբիթայն Շաարզ (Ա.Ձ) եւ Տէմի Տը Զէոյ (Այաքս) փոխարինողներ ըլլալով հանդերձ, դաշտ ներկայանալով կրնան վտանգաւոր պահեր ստեղծել յառաջապահներուն համար:

Յառաջապահ գիծը պիտի վստահուի «անգլիացի»ներուն: Տըրք Քրուիթ եւ Ռայըն Պապըլ (Լիվըրպուլ), Ռոպին Վան Փերսի (Արսենալ) կը կազմեն յաջող եռեակ մը: Վան Փերսի վիրաւոր է, սակայն հաւանական է որ միանայ իր ընկերներուն՝ Հարաւային Ափրիկէ մեկնելու համար: Բնականաբար ազգային խումբի ամէնէն վտանգաւոր յառաջապահը կը մընայ Պայէրն Միւնիխի Արիէն Ռոպէնը: Ռոպէն եթէ կարողանայ ցուցադրել իր խաղը եւ ընկերները կարողանան հանգիստ գնդակներ մատակարարել անոր, ապա «Մեքենական նարինջները» կը դառնան անզսպելի:

Հոլանտացիք իրենց առաջին մրցումը պիտի կատարեն Դանիոյ դէմ: Անոնք պիտի փորձեն անպարտելիութեան նոր մրցանիշ մը հաստատել: Քամբուրն եւ Ճափոն այնքան ալ չեն մտահոգեր հոլանտացիները: Մարզիչ Վան Մարուիք յաջողած է ստեղծել ներդաշնակ կազմ մը, որ կրնայ մեծ անակնկալներ ստեղծել այս մոնտրալին: Ճիշդ է որ հոլանտացիք թեկնածու չեն, սակայն անոնք կը մնան ամենամեծ առաջատարը:





# ԴԱՆԻԱ

**Դ**անիոյ ազգային խումբը իր առաջին մրցումը կատարած է 1908ին, Ֆրանսայի դէմ եւ յաղթած է 9-0 արդիւնքով: Ամենամեծ յաղթանակը տարած է դարձեալ Ֆրանսայի դէմ՝ 1908ին, 17-1 արդիւնքով: Իսկ ամենածանր պարտութիւնը կրած է Գերմանիայէն, 1937ին, 8-0 արդիւնքով: Մոնտրալի մասնակցած է երեք անգամ եւ կատարած է 13 մրցում (7 յաղթանակ, 2 հաւասարութիւն, 4 պարտութիւն): Նշանակած է 24 կող եւ ստացած է 18 կող): Ազգային խումբին շապիկը առաւելագոյն անգամ կրած է Փիթըր Շմայքըլ՝ 129 անգամ, իսկ կող-սքորըն է Փուլ Նիլսըն՝ 52 կողով: Ներկայիս հաւաքականի մարզիչն է Մորթըն Օլսըն:

1980ական թուականներու կէսերուն, դանիական ֆուտբոլը կը սկսի ապրիլ իր

զարթօնքը: Սկզբնական շրջանին ֆուտբոլի աշխարհին անծանօթ այս երկրին անունը ոչ ոք նկատի կ'առնէ, սակայն դանիացիք առաջին իսկ իրենց մասնակցութեան կը յաջողին իրենք զիրենք պարտադրել: Անոնց ներկայացուցած գեղեցիկ ֆուտբոլը եւ յաջողութիւնները կը գրաւեն համակիրներու սրտերը: Այդ սերունդը կը կոչուէր էլքիար Լարսըն, Սորէն Լերպի, Միքայէլ Լաուտրուփ, Մորթըն Օլսըն (ներկայիս ազգային խումբի մարզիչ), Եան Մոլպի Ֆրանք Արնըսըն, Պրայըն Լաուտրուփ, Փիթըր Շմայքըլ եւ այլն: Յաջորդական երկու սերունդներ կը յաջողին մեծ գրաւչութիւն եւ հետաքրքրութիւն ստեղծել իրենց շուրջ: Բնականաբար մեծագոյն անակնկալը կը ստեղծեն 1992ին, երբ անոնք կը տիրանան Եւրոպայի ազգային խումբերու ախոյեանութեան:

Այդ սերունդը հմայել է

ետք ֆուտբոլիստէր հասարակութիւնը, դանիական հէքիաթի մը նման անցաւ: Այսօր դանիացիք չունին նախկին իրենց փառքը: Հակառակ անոր, անոնք գտումի մրցողումներուն գրաւեցին իրենց խմբակին առաջին դիրքը, իրենց ետին ձգելով երբեմնի զօրաւոր կազմերէն Շուէտը, Հունգարիան եւ մասնաւորաբար վերջին շրջանին «վերականգնած» Փորթուգալը: Դանիացիք իրենց կատարած գտումի 10 մրցումներէն վեցը աւարտեցին յաղթանակով, երեքը հաւասարութեամբ եւ կրեցին մէկ պարտութիւն: Նշանակեցին 16 կող եւ ստացան 5 կող:

Մարզիչ Օլսըն, որ հէքիաթային սերունդի ներկայացուցիչներէն է, յաջողած է ստեղծել ներդաշնակ կազմ մը: Բերդապահութիւնը անառարկելիօրէն վստահուած է Սթոք Սիթիի փորձառու բերդապահ Թոմաս Սորենսընի: Փոխարինողներն են Սթեֆան Էնտըրսըն (Պրոնսպի) եւ Եսփըր Բրիսթիանսըն (Բոփենհակըն):

Պաշտպանողական գիծը ունի բաւական փորձառու խաղացողներ: Լարս Ժաքոպսըն (Պլէքպըրն), Փըր Բրոլտրուփ (Ֆիորենթինա), Սիմոն Բիարըր (Փալերմօ), Տանիէլ Էկըր (Լիվըրփուլ), Միքայէլ Կրավկաարա (Նանթ), Սիմոն Փուլսըն (ԱԶ) եւ Թոմաս Ռասմուսըն (Պրոնսպի): Դանիոյ յետսպահ գիծը բաւական ամուր է եւ կը յաջողի աքցանել մրցակից կազմերուն յարձակումները՝ անա-

ռիկ պահելով իր բերդը: Միջնապահները նոյալէս փորձառու են: Անուանի աւուսներու մաս կազմող ֆուտբոլիստներով ղեկավարուելով, դանիացիք պիտի փորձեն նոր հէքիաթներ ստեղծել: Բրիսթիան Փուլսըն (Եուվենթուս), Տանիէլ Եանսըն (Վերտըր Պրեմըն), Թոմաս Բահլենպըրկ (Վոլպուրկ), Լէոն Անտրէասըն (Հանովըր), Մարթին Վինկարտ (Բոփենհակըն) եւ Թոմաս Էնեվոլտսըն (Կրոնինկըն) կրնան շատ դիւրութեամբ դաշտին կեդրոնը առնել իրենց հսկողութեան տակ, առիթ չտալով որ մրցակից կազմը ազատ շարժի եւ յարձակումներ կազմակերպէ դէպի դանիական բերդը:

Յաւաքայահ գիծի ամենէն փորձառու եւ վստահելի խաղացողը, անկասկած, ձոն Տալ Թոմասընն է (Յէյլենուրտ): Ան իր կողքին ունի այլ փորձառուներ՝ Տէնիս Ռոմետալ (Այաքս), Մարթին Եորկընսըն (Ֆիորենթինա) եւ Եսփըր Կրոնքեարը (Բոփենհակըն): Սակայն, պէտք է նշել, որ այս քառակիւն թերութիւնը այն է, որ արդէն իսկ «ծերացած» է եւ կրնայ անհրաժեշտ արդիւնաւորումը չտալ բոլոր մրցումներուն: Երիտասարդ յաւաքայահներ են Մորթըն Ռասմուսըն (Պրոնսպի), Լասէ Շոն (Նէք) եւ մանաւանդ հետզհետէ աչքի զարնող Նիքլաս Պէնտթըր (Արսենալ):

(Շար.ը՝ էջ 38)



# ՃԱՓՈՆ

**Ճ**ափոնի ազգային խումբը իր առաջին մրցումը կատարած է Չինաստանի դեմ, 1917ին եւ պարտուած է 5-0 արդիւնքով: Ամենամեծ յաղթանակը արձանագրած է Ֆիլիպինի դեմ, 1967ին, 15-0 արդիւնքով, իսկ ամենածանր պարտութիւնը կրած է 1917ին, Ֆիլիպինէն, 15-2 արդիւնքով: Մոնտիալի մասնակցած է երեք անգամ (1998, 2002 եւ 2006): Կատարած է 10 մրցում (2 յաղթանակ, 2 հաւասարութիւն եւ 6 պարտութիւն): Նշանակած է 8 կոլ, ստացած է 14 կոլ: Ազգային խումբին շապիկը առաւելագոյն անգամներ կրած է Մասամի Իհարա (123 անգամ), իսկ խումբին կոլ-սքորըրն է Գունիշիկէ Քամամոթօ (75 կոլ): Ներկայիս ազգային խումբին մարզիչն է Թաքէշի Օքատա:

Ճափոնցիք երկար տարիներ մնացած են իրենց դրացի Հարաւային Քորէայի շուքին տակ: Անոնց դրացին աւելի բարձր մակարդակ ունենալով, վերջին երեսուն տարիներուն միշտ ալ ներկայ եղած է մոնտիալի: Մինչ ճափոնցիք մոնտիալի իրենց մասնակցութիւնը սկսան ապահովել 1998էն ետք:

Իրենց նախորդ մասնակցութեանց ընթացքին, ճափոնցիք միայն 2002ին, երբ աւարտականները տեղի ունեցան Ճափոնի եւ Հարաւային Քորէայի մէջ, կրցան երկրորդ հանգրուան անցնել: Նշենք, որ ճափոնցի ֆուտ-



պոլիստներուն ջախջախիչ մեծամասնութիւնը մաս կը կազմէ ճափոնական ակումբներու: Այս տարի, մոնտիալի յաջողութեան համար մարզիչ Թաքէշի Օքատա պիտի դիմէ հետեւեալ մարզիկներուն.-

Բերդապահն է Սէյլօ Նարազաքի (Նակոյա Կրամփոս), փորձառու է եւ արդէն իսկ 74 անգամ կրած է ազգային խումբին շապիկը: Զայն փոխարինողներն են Էյճի Քաւաշիմա (Քաւազաքի Ֆրոնթալէ) եւ Ռիոթա Յուզուքի (Ռէտ Տայմընտս):

Յետսպահն գիծի փորձառու մարզիկներն են խմբապետ Եուժի Նաքագաւա (Եո-



քոհամա), Եուիչի Քոմանօ (Ժիւպիլօ Իվաթա), Եասուլուքի Քոննօ (Ֆ.Ք.Թոքիօ), Աթսութօ Աշիտա (Քաշիմա), Եուլթօ Նակաթոմօ (Ֆ.Ք.Թոքիօ) եւ Մարքուս Թանաքա (Նակոյա Կրամփոս):

Միջնապահ գիծը բաղկացած է փորձառու մարզիկներէ՝ Շունսուքէ Նաքամուրա (Եոքոհամա Մարինոս), Ժիւնիչի Ինամոթօ (Քաւազաքի Ֆրոնթալէ), Եասուհիթօ Էնտօ (Կամպա Օսաքա), Եուքի Ապէ (Ռէտ Տայմընտս): Այս դիրքին վրայ «օտարականները» կրնան մեծ դերակատարութիւն ունենալ: Մաքոթօ Հասեպէ (Վոլսպուրկ), Տայսուքէ Մաթսույ (Կրընոպլը) եւ Քէյսուքէ Հոնտա (Ս.Էս.Քա Մոսկուա): Իսկ Քէնկօ Նաքամուրա (Քաւազաքի Ֆրոնթալէ) եւ Եոշիթօ Օքուպօ (Վիսէլ Քոպէ) մարզիչին նախասիրած խաղացողներէն են:

Յառաջապահ գիծի վրայ Հիսաթօ Սաթօ (Հիրոշիմա),

Քէյժի Թամատա (Նակոյա Կրամփոս), Շինգի Օքագաքի (Շիմիդու) եւ Քիչօ Եանօ (Ալպիլէքս Նիկաթա) ամէնէն փորձառու յառաջապահներն են: Անոնց կրնան միանալ աւելի երիտասարդ ու քիչ փորձառութիւն ունեցող մարզիկներ, որոնք նոյնպէս մաս կը կազմեն տեղական կազմերու:

Ճափոն դժուարութիւն չունեցաւ գտումի մրցումներուն: Ճափոնցիք կրեցին միայն մէկ պարտութիւն՝ Աւստրալիայէն 1-0 արդիւնքով: Սակայն պէտք է նշել, որ անոնց խմբակիցները այնքան ալ զօրաւոր կազմեր չէին:

Մոնտիալին մաս կազմելով հինգերորդ խմբակին, անոնք բաւական դժուարութիւն պիտի ունենան: Հակառակ անոր որ անոնք չորրորդ անընդմէջ մասնակցութիւնը կ'ապահովեն, սակայն կը նկատուին տկար եւ ոչ կայուն կազմ մը: Անոնց առաջին մրցումը Քամբերլենդի դէմ նախաճաշակ մը պիտի տայ անոնց մակարդակին մասին: Իսկ հետագայ երկու մրցումները, յաջորդաբար Հոլանտայի եւ Դանիոյ դէմ, դժուար պիտի ըլլան: Բոլոր տուեալները ցոյց կու տան, որ ճափոնցիներուն դերը այս խմբակին մէջ պիտի ըլլայ լուսանցքային: Վստահաբար, իրենք այդպէս չեն մօտենար մրցումներուն, այլ՝ յամառ ու կամքի տէր ճափոնցիք պիտի փորձեն լաւագոյն արդիւնքները արձանագրել:

# ՔԱՄԵՐՈՒՆ

**Ք**ամերոնը միջազգային իր առաջին մրցումը կատարած է Սոմալիի դեմ, 1960ին, եւ յաղթած է 9-2 արդիւնքով, ինչ որ իր պատմութեան ամէնէն մեծ տարբերութեամբ յաղթանակն է: Ամէնէն ծանր պարտութիւնները կրած է Նորվեկիայէն (1990ին)՝ 6-1 արդիւնքով, Ռուսիայէն (1994ի մոնտիալին)՝ 6-1 արդիւնքով եւ Քոսթա Ռիքայէն (1997ին)՝ 5-0 արդիւնքով: Սոնտիալներու մասնակցած է 5 անգամ, կատարած է 17 մրցում (4 յաղթանակ, 7 հաւասարութիւն եւ 6 պարտութիւն): Նշանակած է 15 կող եւ ստացած է 29 կող: Ազգային խումբին շապիկը առաւելագոյն անգամ կրած է Ռիկորէրթ Սոնկ՝ 131 անգամ, իսկ խումբին կող-սքորըն է ներկայի խմբապետ Սամուէլ Էթու՝ 42 կողով: Ազգային խումբին մարզիչն է Փրան-



սցի Փօլ Լը Կուէն: Քամերոնի ազգային խումբը երեսուն տարիէ կը նկատուի փերիկեան ամէնէն լաւ եւ կայուն կազմերէն մէկը: Անոնց առաջին մասնակցութիւնը 1982ին արդէն տպաւորիչ էր, իսկ ամէնէն յաջող մոնտիալը, անկասկած, 1990ին էր, երբ «Անպարտելի առիւծները» հասան քառորդ աւարտական եւ պարտուեցան Անգլիոյ կազմէն՝ 3-2 արդիւնքով: Ի

քէյը (Պրոնլի), Փիէռ Ուոմէն (Քէօլն) եւ Թիմոթէ Աթուպան (Այաքս):

Միջնապահ գիծը կազմուած է անծանօթ մարզիկներէ, ինչ որ կը նկատուի Քամերոնի «Աքիլլէսի կոունկը»: Հակառակ անոր որ անոնք մաս կը կազմեն անուանի ակումբներու, սակայն այնքան փայլուն չեն: Ալեքսանտր Սոնկ (Արսենալ), Ժան Մաքուն (Լիոն), Սթեֆան Մպիա (Մարսէյ), Տանիէլ Քոմէ (Թեներիֆէ), Մոտեսթէ Մպիամի (Ալմէյրա) եւ Էվոնկ Էնօ (Այաքս) չարքաչ եւ տոկուն մարզիկներ են, սակայն անոնք ունին փորձառութեան պակասը:

Յառաջապահ գիծի աստղը Պարսայի նախկին ռմբարկու եւ Ինթէրի ներկայ յառաջապահ Սամուէլ Էթուն է: Անոր պիտի օգնեն Ալպէրթ Մեյոնկ Զէ (Փրակա), Փիէր Ուէպօ (Մայորքա) եւ Տորկէ Քուէմասա (Քլայպ Պրիւսթ):

Քամերոնցիք մաս կը կազմեն խմբակի մը, ուր Դանիա եւ Հոլանտա պիտի փորձեն առիթ չտալ իրենց: Անոնք պիտի փորձեն իրենց առաջին մրցումը ճափոնի դէմ աւարտել յաղթանակով, որպէսզի բարձր կորովով ներկայանան նախ Դանիոյ եւ ապա Հոլանտայի դէմ: «Անպարտելի առիւծները» 1990ի յաջողութենէն յետոյ մնացին շուքի մէջ, եւ անոնք այս տարի պիտի փորձեն հասնիլ առնուազն երկրորդ հանգըրւան եւ մոռնալ վերջին տարիներու իրենց արձանագրած անյաջողութիւնները:

Հարկէ, առասպելական կը մընայ Քամերոնի բոլոր ժամանակներու լաւագոյն ֆուլթպոլիստը՝ Ռոթէ Միլան, որ մինչեւ 43 տարեկան հասակը մաս կազմեց ազգային խումբին:

Մարզիչ Լը Կուէնի կազմին խաղացողներուն մեծամասնութիւնը կու գայ եւրոպական ակումբներէ: Անոնք արդէն փնտուած մարզիկներ են եւրոպական անուանի ակումբներու կողմէ:

Բերդապահութիւնը պիտի վստահուի Իտրիս Քամենիի (Էսփանիոյ): Ժոսլէա Մայէպի (Պէլթար) եւ Սուլէյման Համիտու (Քայսերիսփոր) փոխարինողներու նրատարանին վրայ պիտի սպասեն:

Յետապահ գիծին ղեկավարը, անկասկած, պիտի ըլլայ Տրապիգոնսփորի փորձառու յետապահ Ռիկորէրթ Սոնկը: Անոր կողքին պաշտպանողական գիծը պիտի ամրացնեն Պէնուա Էքոթոն եւ Սեպասթիան Պասոնկը (Թոթենհամ), Անտրէ Պի-





# ԻՏԱՎԻԱ

**Ի**տալիոյ ազգային խումբը իր առաջին մրցումը կատարած է 1910րն, Ֆրանսայի դէմ եւ յաղթած է 6-2 արդիւնքով: Ամենամեծ յաղթանակը արձանագրած է 1948ին, Միացեալ Նահանգներու դէմ, 9-0 արդիւնքով, իսկ ամենածանր պարտութիւնը կրած է Հունգարիայէն, 1924ին, 7-1 արդիւնքով: Մոնտիալներու մասնակցած է 16 անգամ եւ կատարած է 77 մրցում (44 յաղթանակ, 19 հաւասարութիւն, 14 պարտութիւն): Նըշանակած է 122 կող եւ ստացած է 69 կող: Չորս անգամ տիրացած է տիտղոսին (1934, 1938, 1982 եւ 2006): Երկու անգամ դարձած է փոխ ախոյեան (1970 եւ 1994): 1990ին հանդիսացած է երրորդ, իսկ 1978ին՝ չորրորդ: Ազգային խումբին շապիկը առաւելագոյն անգամներ կրած է ներկայի խմբապետ Ֆապիո Քանաւարո (131 անգամ), իսկ խումբին կող-սքորըն է Լուիճի Ռիվա՝ 35 կողով: Ներկայիս Իտալիոյ մարզիչն է Մարչելլո Լիփփի:

Եւրո-2008ի ոչ այնքան համոզիչ արդիւնքները պատճառ կը դառնային որ Իտալիոյ Ֆետերասիոնը պաշտօնանկ ընէ մարզիչ Ռոպերթո Տոնատոնին եւ վերստին պաշտօնի կոչէ նախորդ մոնտիալի տիտղոսակիր Մարչելլո Լիփփին:

Լիփփիի վերադարձով խումբը վերստին գտաւ յաղթանակներու ճամբան: Զը-



տումի մրցումներուն մասկազմելով 8րդ ոչ այնքան դժուար խմբակին, իտալացիք արձանագրեցին եօթը յաղթանակ, երեք հաւասարութիւն եւ իրենց մրցումները աւարտեցին առանց պարտութեան: Նշանակեցին 18 կող եւ ստացան 7 կող: Անոնց միակ դժուար մրցակիցը եղաւ Հիւսիսային Իրլանտան:

Հակառակ այս բարեյաջող մրցումներուն, սակայն, իտալացիք անցեալ տարի միջ-ցամաքամասային ախոյեանութեան, որ տեղի ունեցաւ Հարաւային Ափրիկէի մէջ, ոչ միայն ձախողեցան, այլեւ իրենց խաղարկութեամբ մեծ հարցականներ ստեղծեցին տիտղոսը կարենալ պահելու իրենց կարողութեան շուրջ: Այս մրցաշարը եկաւ բացայայտելու Իտալիոյ հաւաքականին թերութիւնները, որոնց սրբագրումին համար երկար ժամանակ չունի մարզիչը:

Ճիշդ է որ աշխարհի լաւագոյն բերդապահներէն մէկը՝ Ճիանլուիճի Պիլֆոն կը հսկէ Իտալիոյ բերդին, սակայն պաշտպանողական գիծը կը մնայ խոցելի: Խմբապետ Քանաւարո արդէն իսկ «ծերացած» կը թուի ըլլալ: Միջ-ցամաքամասային ախոյեանութեան խաղերուն զգալի էր անոր տարիքին յոգնութիւնն ու դանդաղութիւնը: Զամպրոթա եւ Կրոսօ նոյնպէս թեւակոխած են երեսուն տարիքը: Փորձառու յետսպահ Նեսթալի բացակայութիւնը տակաւին կը մնայ բաց եւ անոր վերադարձը կը փափաքին շատերը: Երիտասարդ յետսպահներէն Զիելլինի, Քրիսթիթօ եւ Պոկեթի կրնան օժանդակի դեր կատարել: Համեմատաբար Զիելլինի ամէնէն փորձառուն է եւ կրնայ նկատի առնել առաջին տասնմէկին մէջ կամ լաւագոյն փոխարինողի դեր կատարել: Այլ խօսքով, Իտալիոյ յետսպահ գի-

ծը բաւական լուրջ դժուարութեան առջեւ է:

Միջնապահ գիծը նոյնպէս կը տառապի օղակողի դեր կատարող մարզիկներու բացակայութենէ: Ալեսանտրօ Փիրլօ բաւական դժուարութիւններու առջեւ պիտի գտնուի: Անոր կրնայ օգնել Կաթուզօ, որ սակայն իր «կոռազան» բնաւորութեան պատճառով քարթեր շատ կը ստանայ եւ կը բացակայի մրցումներէ, ինչ որ պատճառ կը դառնայ ընկերներուն աշխատանքին ծանրաբեռնութեան: Փորձառու միջնապահ Տանիէլէ Տէ Ռոսի միակն է որ կրնայ Փիրլօյի հետ խաղը ղեկավարելու պաշտօնը ստանձնել: Քամորանեզէ իր փայլքը կորսնցուցած է: Լիվրփոլլի միջնապահ Աքիլանի օրըստօրէ տպաւորիչ մրցումներ կը կատարէ եւ կրնայ միանալ տասնմէկին: Սամտորիայի միջնապահ Փալամպոն եւ Յիլոքէնթինայի հիմնական զոյգը՝ Մոնթոլիփօ եւ Մարքիոնի բաւական լաւ տարբերակներ են փորձառու միջնապահ գիծ մը ունենալու համար: Հարաւային Ափրիկէի մէջ Իտալիոյ ամենախոցելի կէտը միջնապահ գիծն էր: Ան չկրցաւ խաղը օղակողի իր պարտականութիւնը կատարել եւ վերջին մրցումին բացայայտեց իր ձախողութիւնը, երբ ո՛չ յառաջապահներուն առիթներ կրցաւ ստեղծել եւ ոչ ալ յետսպահներուն օգնել՝ մրցակիցներու յարձակումներուն դիմաց:

(Շար.ը՝ էջ 40)

# ՓԱՐԱԿՈՒՅ

**Փ**արակուէյ միջազգային առաջին մրցումը կատարած է իր դաշտին վրայ, Արժանթինի դէմ, 1919ին եւ պարտուած է 5-1 արդիւնքով: Ամենամեծ արդիւնքով յաղթանակը արձանագրած է 1949ին, Պոլիվիոյ դէմ, 7-0 արդիւնքով: Իսկ ամենածանր պարտութիւնը կրած է Արժանթինէն, 1926ին, 8-0 արդիւնքով: Մոնտրալի մասնակցած է եօթը անգամ: Կատարած է 22 մրցում (6 յաղթանակ, 7 հաւասարութիւն եւ 9 պարտութիւն): Նշանակած է 27 կոլ եւ ստացած է 36 կոլ: Ազգային խումբին շապիկը առաւելագոյն անգամներ կրած է Քարլոս Քամարա (110 անգամ), իսկ խումբին կոլ-սքորըն է Խոսէ Քարտոզո՝ 26 կոլով: Ներկայիս ազգային խումբին մարզիչն է Ժեռարտո Մարթինո:

Փարակուէյի ազգային

խումբը մոնտրալի կը հասնէր գերազանցելով Արժանթինի եւ Ուրուկուէյի ազգային խումբերը: Զտումի 18 մրցումներուն անոնք արձանագրեցին 10 յաղթանակ, 3 հաւասարութիւն եւ 5 պարտութիւն՝ նշանակելով 26 կոլ եւ ստանալով 16 կոլ:

Իր նախորդ մասնակցութիւններուն ընթացքին Փարակուէյ յաղթան ալ փայլուն արդիւնքներ չէ արձանագրած: Լաւագոյն պարագային ան յաջողած է անցնիլ երկրորդ հանգրուան (1986, 1998 եւ 2002) եւ ապա դուրս մնացած է մրցաշարքէն: Պէտք է ընդգծել նաեւ, որ Փարակուէյ յաղթան ալ հուշակաւոր խաղացողներ չէ ունեցած իր պատմութեան ընթացքին, եթէ զանց առնենք վերջին տասնամեակի Չիլաւէրթը եւ Քրուզը:

Այս մոնտրալին եւս Փարակուէյի ակնկալութիւնները համեստ են: Խմբակից ունենալով Իտալիոյ եւ Սլովաք-

իոյ նման կազմեր, անոնք պիտի փորձեն առնուազն կանուխ հրաժեշտի տոմս չապահովել:

Այս առաքելութիւնը վրատահուած է մարզիչ Ժեռարտո Մարթինոյի: Ան իր տրամադրութեան տակ ունի խաղացողներու հոյ մը, որոնք մաս կազմելով օտար ակումբներու, պիտի փորձեն լաւ անակնկալներ հրամցնել իրենց համակիրներուն:

Բերդապահութիւնը վրատահուած է խմբապետ Ժիւսթօ Վիարի (Ռ. Վալատոլիտ): Յետսապահ գիծի հիմնական մարզիկները կը հանդիսանան Փաուլօ Տա Սիլվա (Սանտրոլէնտ), Խուլիօ Քաչերէս (Աթլետիքօ Մինէյրօ), Տէնիս Քանիզա (Լէոն) եւ Տարիօ Վերոն (Իւնամ): Փոխարինողներ կրնան ըլլալ Քրլանտիօ Ռոտրիկէզ (Պոքա Ճիւնիորզ) եւ Օրելիանօ Թորէս (Սան Լորենզօ): Յատկանշական է, որ այս պարագային Փարակուէյի պաշտպանողականը առաւելաբար վստահուած է «տարեց» ֆուլթպոլիստներու:

Միջնապահ գիծին սիրտը կը հանդիսանան ճոնաթան Սանթանա (Վոլսպոլրկ), Քրիսթիան Ռիվերոս (Քրուզ Ազիլ), Վիքթոր Քաչերէս (Լիպերթատ) եւ Էնրիքէ Վերա (Քիթօ): Լաւագոյն փոխարինողներ կրնան ըլլալ Էտկար Պարէթօ (Աթալանթա), Սերճիօ Աքինօ (Լիպերթատ) եւ Ռոտրիկօ Պրուկոս (Չերօ Փորթէնիօ):

Մարզիչ Մարթինօ յառաջապահ գիծը պիտի վստահի

օտարականներուն: Այս պարագային լաւագոյն եռեակը կամ լաւագոյն ընտրութիւնը մարզիչին համար Ռոքէ Սանթա Քրուզ (Մ. Սիթի), Նելսոն Վալտէս (Պ. Տորթմոնտ) եւ Օսքար Քարտոզօ (Պենֆիլթա) եռեակն է:

Փարակուէյ մաս կազմելով վեցերորդ խմբակին, առաջին հանգրուանին մրցակից պիտի ունենայ Իտալիան, Սլովաքիան եւ Նոր Զելանտան: 14 Յունիսին անոնց առաջին մրցումը աշխարհի ախոյեան Իտալիոյ դէմ բաւական ճակատագրական կրնայ ըլլալ: Պարտութիւն մը եւ փարակուէյցիք շատ ժամանակ պիտի չունենան իրենց ուժերը հաւաքելու եւ նոր պայքարի մէջ մտնելու: Թէեւ Փարակուէյի կազմը ճանչցուած է իր տոկոսնութեամբ եւ մարտունակ ոգիով, սակայն անոնք երբեք չեն նմանած իրենց դրացի արժանթինցիներուն կամ ուրուկուէյցիներուն, որոնք յաճախ կոշտ խաղ կը կիրարկեն:

24 Յունիսին, առաջին հանգրուանի վերջին մրցումը փարակուէյցիք պիտի խաղան Նոր Զելանտայի դէմ: Փարակուէյցի ֆուլթպոլիստները ճիգ պիտի չհնայեն, որ քանի մը օր ետք մրցին Հոլանտայի, Դանիոյ կամ Թէկուզ Քամբուրուի դէմ...:



# ՆՈՐ ԶԵԼԱՆՏԱ

**Ն**որ Զելանտայի ազգային խումբը իր առաջին մրցումը կատարած է Աւստրալիոյ դէմ, 1922ին եւ յաղթած է 3-1 արդիւնքով: Ամենամեծ արդիւնքով յաղթանակը արձանագրած է Ֆիճիի դէմ, 1981ին, 13-0 արդիւնքով, իսկ ամենածանր պարտութիւնը կրած է Աւստրալիայէն, 1936ին, 10-0 արդիւնքով: Մոնտիալի մասնակցած է մէկ անգամ՝ 1982ին: Կատարած է երեք մրցում եւ երեքն ալ պարտուած է: Նշանակած է 2 կոլ եւ ստացած է 12 կոլ: Ազգային խումբին շապիկը առաւելագոյն անգամներ կրած է Իվան Վիսելիչ՝ 65 անգամ, իսկ խումբին կոլ-սքորըրն է Վոկան Քովենի՝ 28 կոլով: Ներկայիս Նոր Զելանտայի ազգային խումբին մարզիչն է Ռիքի Հերպըրթ:

Նոր Զելանտա գրաւել է ետք Ովկիանիոյ խմբակին



առաջին դիրքը, մրցեցաւ Ասիոյ ներկայացուցիչ Պահրէյնի դէմ, եւ երթ ու դարձի մրցումներուն իբրեւ արդիւնք 1-0 արդիւնքով յաղթել է ետք, մոնտիալի երկրորդ մասնակցութեան տոմսը շահեցաւ:

Նոր Զելանտայի մոնտիալի առաջին մասնակցութիւնը 1982ին այնքան ալ դրական չէր եղած: Իսկ այդ թուակա-

նէն ի վեր շատ բան չէ փոխուած անոր ֆուլթպոլի մակարդակէն: Նոր Զելանտա ցարդ իր մասնակցած մրցաշարքերուն որեւէ յաղթանակ չէ արձանագրած: Նոյնիսկ բարեկամական մրցումներու պատկերը այդքան խրախուսիչ չի թուիր: Նոր Զելանտա բաւական դժուարութիւններու առջեւ պիտի գտնուի: Իր խմբակին մէջն է Իտալիա, որ պիտի պաշտպանէ իր տիտղոսը, իսկ Փարակուէյ եւ Սլովաքիա պիտի փորձեն խանգարել Իտալիան եւ անցնիլ երկրորդ հանգրուան: Այս երեքին մրցակցութեան «գոհը» պիտի ըլլայ Նոր Զելանտայի ոչ այնքան համոզիչ կազմը:

Հակառակ այս ժխտական տուեալներուն, մարզիչ Ռիքի Հերպըրթ մարզական ոգիով տրամադրուած՝ կազմած է լաւ կազմ մը, որպէսզի բարձր պահէ Նոր Զելանտայի դրօշը:

Բերդապահութիւնը վրա-

տահուած է Կլէյն Մոսի (Մեյպուռն Վիքթորի): Փոխարինողներն են Մարք Փասթըն (Ուէլինկթըն Ֆենիքս) եւ Ճէյմս Պանաթին (Թիմ Ուէլինկթըն):

Յետասպահ գիծի ամէնէն փորձառու խաղացողներն են Ռայըն Նելսըն (Պլէքպըրն), Քրիսթիան Պուքէնուք (Ռոզելար): Անոնց պիտի օգնեն Իվան Վիսելիչ (Օքլէնտ), Տէյվիտ Մուլիկան (Ուէլինկթըն Ֆենիքս), Թոմի Սմիթ (Պրէտֆորտ) եւ Սթիւնըն Օլտ (Քիլմարնոք):

Միջնապահ գիծի վրայ ամէնէն փորձառու մարզիկը Սիմոն Էլիոթն է, որ ներկայիս մաս չի կազմեր որեւէ ակումբի: Թիմ Պրատուն (Ուէլինկթըն Ֆենիքս), Ճէյսըն Հէյն, Չէտ Քուլմպէս (Օքլէնտ) եւ Քրիս Ճէյմս (Պարնէթ) պիտի օգնեն յառաջապահներուն կոլի առիթներ ստեղծելու եւ յետասպահներուն՝ մրցակիցներու յարձակումները կասեցնելու համար:

Յառաջապահ գիծը պիտի վստահուի երիտասարդ Քրիս Ուուտի (Ուէլսթ Պրոմուիչ Ալպիոն): Երկու այլ «անգլիացիներ» Քրիս Քիլըն (Միտլըզպորթ) եւ Ռորի Ֆալոն (Փլայմութ) ջանք պիտի չինայեն կոլեր նշանակելու եւ գէթ առաջին յաղթանակը պարգեւելու իրենց ազգային խումբին:



# ՄԱՌՎԱՔԻԱ

**Մ**ովաքիոյ ազգային խումբը իր առաջին մրցումը կատարած է 1994ին եւ 1-0 արդիւնքով յաղթած է Ա.Մ. Էմիրութիւններուն: Ամենամեծ արդիւնքով յաղթանակները արձանագրած է 2004ին, 2007ին եւ 2009ին՝ յաջորդաբար Լիւթընշթայնի եւ Սան Մարինոյի դէմ, 7-0 արդիւնքով: Ամենածանր պարտութիւնը կրած է 1995ին, Արժանթինէն, 5-0 արդիւնքով: 2010ին առաջին անգամ ըլլալով կը մասնակցի մոնտիալի: Ազգային խումբին չապիկը առաւելագոյն անգամներ կրող մարզիկը Միրոսլաւ Քարհանն է (95 մրցում), իսկ խումբին կողմը ընդունուած է Զիլարտ Նեմէց՝ 22 կողով: Ներկայիս ազգային խումբի մարզիչն է Միշալ Հիփ:

Նախկին Չեխոսլովաքիոյ երկու հանրապետութիւններէն մէկը՝ Սլովաքիա, Չեխ-



իոյ շուքին տակ մնալէ ետք, առաջին անգամ ըլլալով իր մասնակցութիւնը պիտի բերէ մոնտիալին: Ան գտումի մրցումներուն բաւական լաւ արդիւնքներ արձանագրեց: Առաջին հերթին գրաւեց Եւրոպայի երրորդ խմբակին առաջին դիրքը, իր ետին ձգելով Սլովենիան, իր նախկին «կէսը»՝ Չեխիան եւ Ֆուլթպոլի աշխարհին մէջ նախապէս հռչակ հանած Լեհաստանը: Սլովաքիացիք 10 մրցումներէն եօթն աւարտեցին յաղթանակով, ինչ որ բարձր ցուցանիշ մըն է եւրոպական մա-

կարդակի գտումի մրցումներ կատարող ազգային խումբի մը համար:

Մարզիչ Հիփ իր տրամադրութեան տակ ունի խաղացողներու հոյլ մը, որ մաս կազմելով օտար ակումբներու, կորիզը կը կազմէ ազգային խումբին եւ ունի բաւական լաւ փորձառութիւն:

Բերդապահութիւնը պիտի վստահուի Եան Մուշայի (Լեկիա Վարչաւիա), Սթեֆան Սենեքիի (Սլաւիա Փրակա) կամ Լուպոշ Քամենարի (Նանթ): Այս երեքն ալ անծանօթ, բայց վստահելի բերդապահներ են:

Յետապահ գիծին կորիզը կը կազմեն «գերմանացիներ» Ռատոսլաւ Չապալնիքը (Մայնց), Եան Տուրիչը (Հանովըր) եւ Փիթըր Փեքանիքը (Վոլպուրկ): Այս եռեակին պիտի միանան «անգլիացիներ» Մարէք Չեխը (Ուէսթ Պրոմուրիչ), Մարթին Սքրթելը (Լիվրպուլ) եւ Լուպոմիր Միխալիք (Լիծ): Պաշտպանողականը պիտի ամբողջացնեն Մարթին Փեթրաս (Սեզենա) եւ Սապա Հորվաթ (Ատ Տէն Հակ):

Միջնապահ գիծին «ուղե-

ղը» Միրոսլաւ Քարհանն է (Մայնց), որ հակառակ իր տարիքին կը մնայ գործունեայ տարր մը: Անոր կողքին ներկայ են Մարէք Համսիք (Նափոլի), Ջոնո Սթրեպա (Խանթի), Միրոսլաւ Սթոք (Թվենթէ), Տուսան Սվենթո (Սալզպուրկ) եւ Եան Քոզաք (Թիմիշոարա): Նշուած բոլոր մարզիկներն ալ իրենց ակումբներուն մէջ յաջողած եւ արդիւնաւէտ խաղացողներ են:

Յառաջապահ գիծի ամէնէն փորձառուն Ռոպըրթ Վիթէքն է (Անգարա): Պեշիկ թաշի մարզիկ Յիլիփ Հոլոսքօ եւս կը նշանակելու պարտականութիւն ունի: Իսկ աւելի երիտասարդներ Սթանիսլաւ Սեսթաք (Պոխոււմ) եւ Էնք Եանտրիսէք ոչինչով ետ կը մնան յարձակումները արդիւնաւորելու իմաստով:

Սլովաքիա կը գտնուի բաւական «նուրբ» խմբակի մը մէջ: Բարեբախտաբար, սլովենիացիք իրենց առաջին մրցումը պիտի կատարեն տկար նկատուած Նոր Ջելանտայի դէմ: Յաղթանակ մը եւ սլովենիացիք թեւեր պիտի առնեն: Ճիշդ է որ Փարակուէյ լաւ պատրաստուած կը մասնակցի, սակայն սլովենիացիք յամառ պայքարողներ են: Իսկ իտալիոյ դէմ անոնք պիտի փորձեն տեղի չտալ աշխարհի ախոյեաններուն դէմ:

Մարզիչ Միշալ Հիփ ինքնավստահ կը թուի: Ան կ'ըսէ թէ իր խումբին առաքելութիւնը այս մոնտիալին ընթացքին պիտի չաւարտի Յուլիս 24ին:





# ՊՐԱԶԻԼ

**Պ**րազիլի ազգային խումբը իր առաջին մրցումը կատարած է 1914ին, Պուէնոս Այրէսի մէջ եւ պարտուած է Արժանթինի հաւաքականէն՝ 3-0 արդիւնքով: Ամէնէն մեծ արդիւնքով յաղթանակը տարած է Նիքարակուայի դէմ, 1975ին, 14-0 արդիւնքով, իսկ ամէնէն ծանր պարտութիւնը կրած է Ուրուկուէյէն, 1920ին, 6-0 արդիւնքով: Մոնտիալի մասնակցած է 18 անգամ (միակ խումբը որ ներկայ եղած է բոլոր մոնտիալներուն): Ախոյեան հանդիսացած է 5 անգամ (1958, 1962, 1970, 1994, 2002), փոխ ախոյեան՝ 2 անգամ (1950, 1998), 3րդ՝ 2 անգամ (1938, 1978), իսկ չորրորդ՝ մէկ անգամ 1974ին: Մոնտիալներու իր մասնակցութեան ընթացքին կատարած է 92 մրցում (64 յաղթանակ, 14 հաւասարութիւն, 14 պարտութիւն): Նշանակած է 201 կոլ, ստացած է 84 կոլ: Ազգային խումբին շապիկը առաւելագոյն անգամներ կրող մարզիկը Քաֆուէն է՝ 142 անգամ, իսկ ազգային խումբին կոլ-սքորը կը մնայ հռչակաւոր Փելէն՝ 77 կոլով: Ներկայիս Պրազիլի ազգային խումբին մարզիչն է Տունկա:

Պրազիլ ֆուտպոլի հսկան է, անկասկած, եւ ցարդ բոլոր մոնտիալներուն միշտ ներկայ եւ առաւելագոյն մրցանակները շահած կազմն է, որ այս մոնտիալին ալ կը նկատուի տիտղոսին գլխաւոր թեկ-



նածուններէն:

Պրազիլցիք մոնտիալի գտումի մրցումներու սկզբընաւորութեան որոշ կադացումներ արձանագրելէ ետք իրենք զիրենք վերագտան եւ մրցաշարքի աւարտին գրաւեցին առաջին դիրքը՝ արձանագրելով 9 յաղթանակ, 7 հաւասարութիւն եւ 2 պարտութիւն:

«Դեղինները» ծանօթ են իրենց իւրայատուկ խաղաոճով: Անոնք կարճ եւ արագ փոխանցումներով խմբային բացառիկ խաղարկութիւն ցուցադրող կազմ մըն են: Անոնք պատմութեան տուած են ֆուտպոլի առասպելական դէմքեր՝ Փելէ, Կարինչա, Վալա, Թոսթաօ, Սոկրատէս, Ժարզինիօ, Ֆալքաօ, Ռոմարիօ, Ռոնալտօ եւ այլն: Այսօր, ճիշդ է որ չկան անցեալի նման բարձրորակ աստղեր, սակայն պրազիլցիք իրենց կախարդական ոճով կը շարունակեն հմայել ֆուտպոլասէրները:

Մարզիչ Տունկա դժուարութիւն չունի ամբողջական կազմ մը յառաջացնելու: Բերդապահութեան պաշտօնը պիտի վստահուի Խուլիօ Սեզարի (Ինթէր): Փոխարինողներն են Տոնի (Ա.Ս. Ռոմա) եւ Կոմէզ (Թոթենհամ): Վերոնչեալ երեքն ալ վստահելի բերդապահներ են:

Յետասպահ դիրքը պիտի ղեկավարէ Ինթէրի յետասպահ Լուչիոն: Անոր կողքին ներկայ են Տէնի Ալվէսը (Պարսելոնա), Խուանը (Ա.Ս. Ռոմա), Մաիքոնը (Ինթէր), Լուիզաոն (Պենֆիլքան), Ճիլպերթոն (Քրուզէրոն) եւ Ալեքսը (Զեյլի): Մարզիչ Տունկայի ցուցմունքներուն հետեւելով անոնք իրենց բերդը անառիկ պիտի պահեն մրցակիցներու յարձակումներէն:

Միջնապահ գիծին աստղը Ռէալ Մատրիաի Քաքան է: Ան իր վրայ պիտի կեդրոնացնէ լուսարձակները: Անոր պիտի օգնեն Ֆելիպէ Մելոն

(Եուվենթուս), Խուլիօ Պաթիսթան (Ա.Ս. Ռոմա), Էլանոն (Կալաթասարայ), Ճիլպերթօ Սիլվան (Փանաթինաքոս), Անտրսընը (Մ. Եունայթըտը) եւ Լուքասը (Լիվըրփուլ): Ռոնալտինիօ իր փայլքը կորսնցուցած ըլլալով մարզիչը զայն նկատի չէ ունեցած: Եթէ Ռոնալտինիօ տպաւորիչ ելոյթներ ունենայ կրնայ վերստին կանչուիլ ազգային խումբ:

Պրազիլի թերի կողմը կը մնայ յառաջապահ գիծը: Ճիշդ է որ ներկայ են Ռոպինիոն (Սանթոս), Նիլմարը (Վիլլաքէալ), Լուիզ Ֆապիանոն (Սեւիլլա), Ատրիանոն (Ֆլամենկօ) եւ Ալեքսանտր Փաթոն (Ա.Ս. Միլան), սակայն անոնք չունին անցեալի նման կոլի որսորդներ: Խումբը կը տառապի Ռոնալտոյի, Ռոմարիոյ կամ Քարեքայի նման կոլ-սքորըներու բացակայութենէ:

Անցեալ տարի միջ-ցամաքամասային ախոյեանութեան պրազիլցիք եկան յուշելու բոլորին, թէ իրենք գլխաւոր թեկնածուն են ափրիկեան մոնտիալին: Իրենց խմբակին մէջ անոնք դժուարութիւն պիտի չունենան: Անոնք միմիայն կրնան քիչ մը «յոգնիլ» փորթուգալցիներուն դիմաց: Մինչ Հիւսիսային Քորէան եւ Փղոսկրեայ Ափունքը չեն մտահոգեր պրազիլցիները, որոնց «ախորժակը» առաջին հանգրուանէն ետք պիտի սկսի:



# ՀԻՒՍԻՍԱՅԻՆ ՔՈՐԷԱ

**Հ**իւսիսային Քորէա միջազգային իրաւաջին մրցումը կատարած է 1956ին, Չինաստանի դէմ եւ յաղթած է 1-0 արդիւնքով: Ամենամեծ արդիւնքով յաղթանակը արձանագրած է 2005ին, Կոււալի դէմ, 21-0 արդիւնքով: Ամենածանր պարտութիւնները կրած է 1974ին, Պուլկարիայէն, 6-1 արդիւնքով եւ 1976ին, Լեհաստանէն, 5-0 արդիւնքով: Մոնտիալի մասնակցած է մէկ անգամ: Կատարած է չորս մրցում (1 յաղթանակ, 1 հաւասարութիւն եւ 2 պարտութիւն): Նշանակած է 5 կոլ եւ ստացած է 9 կոլ: Ներկայիս ազգային խումբին մարզիչն է Քիմ Եոնկ Հոն:

Հիւսիսային Քորէա երկրորդ անգամ ըլլալով պիտի մասնակցի աշխարհի ախոյեանութեան խաղերուն: Ան գտումի մրցումներուն գրա-



ւեց երկրորդ զիրքը, իր ետին ձգելով Մէուտական Արաբիոյ եւ Իրանի նման ասիական հզօր կազմեր: Քորէացիք այս մոնտիալին ալ պիտի փորձեն իրականացնել այն ինչ որ կարողացան 44 տարիներ առաջ, երբ անոնք եղան ասիական առաջին խումբը, որ անցաւ երկրորդ հանգրուան:

Մարզիչ Հոնի կազմը կը բաղկանայ երիտասարդ մարզիկներէ: Անոնք բոլորն ալ մաս կը կազմեն քորէական ակումբներուն:

Բերդապահութիւն յանձնրած է Ռի Միոնկ Կուլքի

(Փիոնկեանկ Սիթի): Պահետի մարզիկներու շարքին նկատի առնուած են Քիմ Միոնկ Ճիլ (Ամրոքկանկ) եւ Ճու Քուանկ Մին (Քիւնկուանչա):

Յետապահ գիծի վրայ ամէնէն փորձառու եւ գործունեայ խաղացողներն են Նամ Սոնկ Չոլ (Ապրիլ 25), Ռի Քուանկ Չոն (Ապրիլ 25), Փաք Չոլ Ճին (Ամրոքկանկ) եւ Չա Եոնկ Հիոք (Ամրոքկանկ), որոնք պաշտպանողականի կորիզը կը կազմեն: Իսկ երիտասարդ ու խոստմնայից խաղացողներ են Ռի Քուանկ Հիոք (Քիւնկուանկ) եւ Եոն Քուանկ Իք (Ամրոքկանկ):

Միջնապահ գիծը պիտի ստանձնեն Քիմ Եոնկ Ճոն (Չենկտու Պրատէս), Մոն Ին Կուլք (Ապրիլ 25), Փաք Նամ Չոլը (Ապրիլ 25), Ան Եոնկ Հաքը (Օմիա Արաթա), Ճի Եոնկ Նամը (Ապրիլ 25), Փաք Սոն Չոլը (Ռիմեոնկսու) եւ խմբապետ Մին Եոնկ Նամը (Ամրոքկանկ): Խմբապետ Մին Եոնկ նաեւ խումբին «մտածող» մարզիկն է եւ խաղերուն ծանրութիւնը կը կեդրոնանայ իր վրայ:

Յառաջապահ գիծը պիտի առաջնորդեն «օտարական-

ներ» Եոնկ Թա Սէն (Քաւազաքի Ֆրոնթալ) եւ Հոնկ Եոնկ Ճոն (Յ. Ք. Ռոստով): Երկու մարզիկներն ալ հակառակ իրենց երիտասարդ տարիքին, արդէն կը նկատուին վտանգաւոր յառաջապահներ եւ իրենց արագութեամբ կրնան ներկայացած առիթները լաւագոյնս օգտագործել: Չո Քուլ Սուլ եւ Ան Չոլ Հիոք (Ռիմեոնկսու) նոյնպէս յաջող գոյգ մըն են եւ կրնան ներկայանալ հիմնական կազմին հետ: Իսկ Չո Չոլ Ման (Ապրիլ 25) եւ Փաք Չոլ Մին (Ռիմեոնկսու) կըրնան նկատուի առնուել իբրեւ պահետի մարզիկներ:

Հիւսիսային Քորէա ընդհանրապէս անծանօթ կազմ մըն է ֆութպոլասէր հասարակութեան համար: Գլուխը կը լինի Մի Քուանկ Չոն (Ապրիլ 25), ան մրցակից ունի հզօր Պրագիլը, առեթսայտոր ֓որթուզալը եւ փորձառու Փղոսկրեայ Ափոնքը: Քորէացիք կը նկատուին այս խմբակին ամէնէն տկարը: Անոնք իրենց առաջին մրցումին պիտի գտնուին բաւական դժուար կացութեան առջեւ, երբ մրցին Պրագիլի դէմ: Յաջորդ մրցումը ֓որթուզալի դէմ նոյնքան դժուար պիտի ըլլայ: Քորէացիք սպառած պիտի հասնին երրորդ մրցումին՝ ափրիկեցիներուն դէմ եւ դժուար թէ կարենան դրական արդիւնքներ ձեռք բերել:

Բոլոր տուեալները կը յուշեն, որ 25 Յունիսին պիտի աւարտի Հիւսիսային Քորէայի այս ողբասականը:



# ՓՂՈՍԿՐԵԱՅ ԱՓՈՒՆՔ

**Փ**

ղոսկրեայ Ափունքի ազգային խումբը միջազգային իր առաջին մրցումը կատարած է Տասումէի դէմ, 1960ին եւ յաղթած է 3-2 արդիւնքով: Ամենամեծ արդիւնքով յաղթանակներ արձանագրած է Մալիի, Պոթցուանայի, Մատակասքարի եւ Նիկերի դէմ՝ 6-0 արդիւնքով, իսկ ամենածանր պարտութիւնը կրած է Ղանայէն (1971ին)՝ 6-2 եւ Մալիէն (1974ին)՝ 5-1 արդիւնքով: Մոնտիալի մասնակցած է մէկ անգամ՝ 2006ին եւ առաջին հանգրուանէն դուրս մնացած է: Ազգային խումբին շապիկը առաւելագոյն անգամներ կրած է Տիտիէ Չոքորա՝ 78 անգամ, իսկ լաւագոյն կուսքորըն է Տիտիէ



Այս խաղացողները կրնան իրենց տիրապետութեան տակ առնել դաշտին կեդրոնը եւ առիթ չտալ մրցակից կազմերուն, որպէսզի յարձակումներ կազմակերպեն:

Կոլ նշանակելու հիմնական պարտականութիւնը կ'իյնայ Տիտիէ Տրոկպայի (Չելսի) վրայ: Ան Չելսիի եւ ազգային խումբին աստղն է: Ան իր կողքին ունի Սալոմոն Քալուն (Չելսի), Կերվինիոն (Լիլ), Արունա Քոնէն (Սելիլլա), Պոնաւանթիւր Քալուն (Հիրենվիլին) եւ Արունա Տիտիանէն (Փորթցմուլթ): Այս մարզիկները իրենց ակումբներուն յաջողութեան մէջ մեծ դեր ունին: Ազգային խումբին հետ ալ անոնք կը ցուցադրեն փայլուն խաղ:

Տրոկպա՝ 43 կողով: Ազգային խումբին մարզիչն է Սվէն-Կորան Էրիքսըն:

Փղոսկրեայ Ափունք 2006ին երբ առաջին անգամ մասնակցեցաւ մոնտիալի, շատեր նոյնիսկ անոր աշխարհագրական դիրքին ծանօթ չէին: Ճիշդ է որ անոնք մեծ յաջողութիւններու չհասան, սակայն տպաւորեցին հանդիսատեսները, եւ այս տարի վստահաբար աւելի մեծ ակնկարծիւններով անոնք կը մեկնին իրենց դրացի երկիրը: Զտուծի մրցումները աւարտելէ ետք, մարզիչ Վահիտ Հալիսոճիչ փոխարինուեցաւ փորձառու Կորան Էրիքսընով, որ ծանր պատասխանատուութիւն մը ունի իր ուսերուն:

Էրիքսըն իր տրամադրութեան տակ ունի մեծ թիւով խաղացողներ, որոնք մաս կազմելով եւրոպական ակումբներու՝ կրնան մեծ անակնկալներ ստեղծել:

Բերդապահներ Պուպա-

քար Պէրի (Լոքերէն), Իպրահիմ Քոնէ (Պուլտնյը) եւ Պատրա Ալի Սանկարէ (Շարլըրուա) ճիշդ է որ անծանօթ անուններ են, սակայն կը նշկատուին լաւ բերդապահներ:

Յետսապահ գիծը կազմուած է Ֆրիդրիքայէս տոկուն եւ արդէն մեծ փորձառութիւն ունեցող մարզիկներէ. Էմանուէլ Էպուէլ (Արսենալ), Քոլո Թուրէ (Մ. Սիթի), Արթիւր Պոքա (Շթուլթկարթ), Սիբաթ Թիէնէ (Վալենսիէն) եւ Կի Տեմէլ (Համպուրը): Այս խաղացողները փնտրուած մարզիկներ են իրենց ակումբներուն մէջ եւ ազգային խումբին հետ ի վիճակի են լաւագոյն արդիւնքները արձանագրելու:

Միջնապահ գիծը պիտի դեկավարեն Եայա Թուրէն (Պարսելոնա), Տիտիէ Չոքորան, Ռոմարիչը (Սելիլլա), Եափի Եոփոն (Եանկ Պոյզ), Քանկա Աքայէն (Լանս) եւ Ժան-ժազ Կոսոն (Մոնաքո):



# ՓՈՐԹՈՒԳԱԼ

**Փ**որթուգալի ազգային խումբը իր առաջին մրցումը կատարած է Սպանիոյ դէմ, 1921ին եւ պարտուած է 3-1 արդիւնքով: Ամենամեծ արդիւնքով յաղթանակներ արձանագրած է 1994ին եւ 1999ին Լիխթենշթայնի դէմ՝ 8-0 արդիւնքով, եւ 2003ին Քուէյթի դէմ՝ 8-0 արդիւնքով: Ամենածանր պարտութիւնը կրած է Անգլիայէն, 1947ին, 10-0 արդիւնքով: Մոնտիալի մասնակցած է չորս անգամ եւ կատարած է 19 մրցում (11 յաղթանակ, 1 հաւասարութիւն եւ 7 պարտութիւն): Նշանակած է 32 կոլ եւ ստացած է 21 կոլ: 1966ին գրաւած է երրորդ դիրքը, իսկ 2006ին՝ չորրորդ դիրքը: Ազգային խումբին շապիկը առաւելագոյն անգամներ կրած է Լուիս Ֆիլիպո (127 անգամ), իսկ խումբին կոլ-սըրրորն է Փաուլէթիա՝ 47

կոլով: Ներկայիս ազգային խումբին մարզիչն է Քարլոս Քէյրոզ:

Փորթուգալի ֆուտպոլը իր առաջին զարթոնքը կ'ապրի 1960ական թուականներուն, երբ այդ օրերու աստղերէն էօզեպիօ կը նկատուի աշխարհի լաւագոյն խաղացողներէն մէկը: Այդ սերունդը 1966ին Անգլիոյ մէջ կը հանդիսանայ երրորդ, որմէ ետք փորթուգալեան ֆուտպոլը միջազգային գետնի վրայ կը հեռանայ մրցակցութեան դաշտէն:

2000ի սկիզբները Փորթուգալի ֆուտպոլը դարձեալ լուսարձակները կը սկսի կեդրոնացնել իր վրայ: Այդ օրերուն Ֆիլիպի, Քուէթոյի, Մանիշէի, Ռուի Քոսթայի, Սիմաոյի նման խաղացողներով Փորթուգալ կը վերադառնայ մրցելու «մեծ»երուն հետ: 2004ին իրենց դաշտին վրայ անոնք կը կորսնցնեն Եւրոպայի բաժակը, աւարտականին զիջելով մրցաշար-

քի անակնկալ կազմին՝ Յունաստանին:

2006ի մոնտիալին անոնք անգիջող պայքարով կը յաջողին դուրս ձգել երիտասարդ Հոլանտան եւ փորձառու Անգլիան: Կիսաւարտականին անոնք ոչ շատ արդար պարտութիւն մը կը կրեն Ֆրանսայէն: Վերջապէս, պարտուելով կազմակերպիչ Գերմանիայէն, կը գրաւեն երրորդ դիրքը:

Այս յաջողութիւնները կը պատկանին սերունդի մը, որուն մաս կազմող շարք մը մարզիկներ այսօր հեռացած են արդէն արհեստավարժ ֆուտպոլէն: Բնականաբար, այս յաջողութիւններուն հիմնական բանալիներէն էր նաեւ մարզիչ Սքոլարի, որ նոյնպէս հեռացած է Փորթուգալի ազգային խումբէն:

Փորթուգալ այսօր կը պարզէ անորոշ վիճակ մը: Զտուամի մրցումներուն անոնք դժուարութեան առջեւ գլուխը կը ցնցան եւ վերջին մրցումին յաղթանակ արձանագրելով գրաւեցին իրենց խմբակին երկրորդ դիրքը եւ մասնակցեցան Փլէյ-օֆի մրցումին եւ դժուարութեամբ կրցան դուրս ձգել Պոսնիոյ կազմը:

Մարզիչ Քէյրոզ իր տրամադրութեան տակ ունի բաւական լաւ եւ փորձառու խաղացողներ: Բերդապահ էտուարտո (Փրակա, Փորթուգալ) հաստատ է իր դիրքին վրայ: Յետսպահ գիծին սիրտը կը մնայ Չելսիի փորձառու Քարվալիոն եւ իր խմբակից Փաուլո Ֆերէյրան: Այս զոյգին պիտի օժանդա-

կեն Փեիէ (Ռէալ Մատրիտ), Պոսինկուա (Չելսի), Պրունո Ալվէս (Փորթո), Միկէլ (Վալենսիա): Պահեստի մարզիկներէն յիշենք Քոսթա (Փորթո), Մենտէզ (Ռէյնոլդս) եւ Զէ Քասթրո (Տեփորթիլո): Այս խօսքով Փորթուգալ յուսադրիչ յետսպահ գիծ մը ունի:

Միջնապահ գիծի վրայ Տեքո (Չելսի) եւ Թիալիօ (Եուվենթուս) շարժիչ ուժն են: Երկուքն ալ աշխատասէր ու յամառօրէն պայքարող մարզիկներ են: Տուտա (Մալալա), Մանիշէ (Բէտիս) եւ Էլիսու (Լացիօ) կրնան ամբողջացնել միջնապահ գիծը: Հաւանաբար մարզիչ Քէյրոզի համար ամէնէն մտահոգիչը կը մնայ այս օղակին ամբողջացումը:

2008ի աշխարհի լաւագոյն խաղացողը՝ Քրիսթիանօ Ռոնալտո ներկայ է յառաջապահ գիծին վրայ: Անոր կողքին է Մ. Եոննայթըտի Նանին: Սիմաօ կրնայ իբրեւ փոխարինող ներկայանալ վերջին վայրկեաններուն եւ իր ճշգրիտ փոխանցումներով մրցակիցին հաշիւները խանգարել: Յառաջապահ գիծին կոլեր նշանակելու եւ յաղթանակներ ապահովելու մէջ իրենց բաժինը կրնան ունենալ փորձառու Նունո Կոմէզ (Պենֆիլդ) եւ Տէնի (Չենիթ): Վերջինը միջազգային գետնի վրայ անծանօթ անուն մըն է:

Փորթուգալ մոնտիալի իր առաջին մրցումը պիտի կատարէ ափրիկեան զօրաւոր կազմերէն Փղոսկրեայ (Շար.ը՝ էջ 38)





# ՄՊԱՆԻԱ

**Ս**պանիոյ ազգային խումբը միջազգային իր առաջին մրցումը կատարած է Դանիոյ դէմ, 1920ին եւ յաղթած է 1-0 արդիւնքով: Ամենամեծ արդիւնքով յաղթանակը արձանագրած է Պուլկարիոյ դէմ, 1933ին, 13-0 արդիւնքով: Ամենածանր պարտութիւնները կրած է 1928ին եւ 1931ին, յաջորդաբար Իտալիայէն եւ Անգլիայէն՝ 7-1 արդիւնքով: Մոնտիալի մասնակցած է 12 անգամ: Կատարած է 49 մրցում (22 յաղթանակ, 12 հաւասարութիւն եւ 15 պարտութիւն): Նշանակած է 80 կոլ եւ ստացած է 57 կոլ: 1950ին գրաւած է չորրորդ դիրքը: Ազգային խումբին շապիկը առաւելագոյն անգամներ կրած է Անտոնի Զուպիգարեթա (126 անգամ), իսկ խումբին կոլ-սքորըրն է Ռաուլ Կոնզալէս՝ 44 կոլով: Ներկայիս ազգային խումբին մարզիչն է Վիլիսկէ Տէլ Պոսթէ:

2008ի Եւրոպայի ախոյեանութեան տիտղոսին տիրանալէ ետք, սպանացիք այս մոնտիալին կը մասնակցին առաջին անգամ զայն նուաճելու ակնկալութեամբ:

Սպանիա մոնտիալի հասաւ գրաւելով իր խմբակին առաջին դիրքը: Իր կատարած գոլմի տասը մրցումներն ալ աւարտեց յաղթանակով: Նշանակեց 28 կոլ եւ ստացաւ 5 կոլ: Իսկ վերջին տարիներուն անոնք 35 մրցում անպարտելի մնացին եւ



արձանագրեցին յաջորդական 15 յաղթանակներ (մրցցանիշ):

Սպանիոյ այս յաջողութիւններուն «ճարտարապետը» մարզիչ Լուի Արալոնէսն էր, որ Եւրոպայի ախոյեանութեան տիրանալէ ետք, անբացատրելի պայմաններու տակ փոխարինուեցաւ Տէլ Պոսթէով: Այս վերջինը նոյնպէս փորձառու եւ ծանօթ մարզիչ մըն է:

Բնականաբար, Տէլ Պոսթէի կը մնար շարունակել իր նախորդին աշխատանքը: Ան իր տրամադրութեան տակ ունի լաւագոյն կազմակերպւած, փորձառու եւ երիտասարդ կազմ մը, որ կրնայ նոյն յաջողութիւնները արձանագրել տարբեր մրցաշարքերու:

Իկէր Բագրիաս (Ռ. Մատրիտ) կը մնայ հիմնական կազմին վտասէլի եւ փորձառու բերդապահ: Անոր բացակայութեան Փեիէ Ռէյնա (Լիվըրպոլ) կրնայ լաւա-

գոյն ձեռով անոր բացը գոցել:

Յետսպանացի գիծին եւ ընդհանրապէս ազգային խումբին սիրտն ու հոգին հանդիսացող մարզիկը, անկասկած, յետսպանացի Փուլյոն է (Պարսելոնա): Ամբողջ մրցումի ընթացքին վազվզող ու ընկերներուն օգնող եւ խրախուսող այս մարզիկը Սպանիոյ ազգային խումբին խորհրդանիշն է: Անոր կողքին է Ռէյալ Մատրիտի Սերժիո Ռամոսը, որ բաւական կարծր խաղացող մըն է: Յետսպանացի գիծը կրնան ամբողջացնել Պարսելոնայի Ժեռար Փիքէն, Վալենսիայի Քարլոս Մաչենան, Ռէյալ Մատրիտի Ռաուլ Ալպիոն ու Ալվարո Արպելոան եւ մետասաներորդ պահուն Աթլետիքո Մատրիտի փորձառու բաց «ծերացած» Խուանիթոն:

Միջնապահ գիծին վրայ սպանացիք ոչ մէկ դժուարութիւն ունին: Անոնք ունին բազմաթիւ փորձառու եւ

բարձր մակարդակի խաղացողներ: Պարսելոնայի ստեղծագործ գոյգը՝ Զաւի եւ Անտրէս Ինիէսթա պատրաստ են կոլերու առիթներ ստեղծելու եւ նշանակելու: Անոնց կողքին է Արսենալի երիտասարդ, բաց փորձառու Սէսք Ֆապրեկասը, որ թէ՛ իր ակումբին եւ թէ՛ ազգային խումբին մէջ ինքզինք հաստատած է: Ֆապրեկաս թէ՛ պաշտպանող եւ թէ՛ նշանակող միջնապահ մըն է: Ռէյալ Մատրիտի Խաւի Ալոնսոն նոյնպէս կրնայ ամբողջացնել միջնապահ գիծը: Վալենսիայի երիտասարդ միջնապահ Խուան Մաթա եւս օրըստօրէ ինքզինք կը փաստէ: Նոյնն է պարագան Պարսելոնայի Սերժիո Պուսթէի: Իսկ Վալենսիայի Տաւրո Սիլվան եւ Սելիլլայի Խէսիւ Նաւասը մարզիչ Տէլ Պոսթէի համար լաւագոյն փոխարինողներ կը հանդիսանան:

Յառաջապահ գիծը պիտի բաղկանայ Ֆեռնանտո Թորէս (Լիվըրպոլ) եւ Տաւրո Վիլլայէ: Անոնք կը մնան իտէյալական գոյգ մը որեւէ խումբի համար: Երկու յառաջապահներն ալ ունին կոլ նշանակելու բացառիկ յատկութիւն եւ լաւագոյն կը հասկըցունին միջնապահներուն հետ: Անոնց բացակայութիւնը կրնան գոցել Ալվարո Նեկրետոն (Սելիլլա), Ֆեռնանտո Լորենթէն (Աթլետիքո Պիլլայո) եւ Տաւրո Կիզան (Ֆեներպահչէ):

(Շար.ը՝ էջ 39)

# ԶՈՒՒՑԵՐԻԱ

**Զ**ուլիցերիոյ ազգային խումբը միջազգային իր առաջին մրցումը կատարած է 1905ին, Ֆրանսայի դէմ եւ պարտուած է 1-0 արդիւնքով: Ամենամեծ արդիւնքով յաղթանակը արձանագրած է Լիթվանիոյ դէմ, 1924ին, 9-0 արդիւնքով: Ամենածանր պարտութիւնը կրած է Հունգարիայէն, 1911ին, 9-0 արդիւնքով: Մոնտիալի մասնակցած է ութը անգամ եւ կատարած է 26 մրցում (8 յաղթանակ, 5 հաւասարութիւն եւ 13 պարտութիւն): Նշանակած է 37 կոլ եւ ստացած է 51 կոլ: Ազգային խումբին շապիկը առաւելագոյն անգամներ կրող մարզիկն է Հայնց Հերման (117 անգամ), իսկ խումբին կոլ-սքորըն է Ալեքսանտր Ֆրէյ՝ 40 կոլով: Ներկայիս ազգային խումբին մարզիչն է Օթմար Հիցֆելտ:

Զուլիցերիական ֆութպոլը միշտ ալ շուքի մէջ մնացած է եւ անոր ակումբները մեծ յաջողութիւններու չեն

հասած եւրոպական մակարդակի վրայ: Զուլիցերիացիք չունին նաեւ ֆութպոլի ասոցիացիոն, որոնց անունները կարելի չէ ըլլայ երբեմն-երբեմն յիշել: Իսկ ազգային խումբը մոնտիալիայներու իր մասնակցութեան ընթացքին լաւագոյն պարագային կրցած է անցնիլ երկրորդ հանգրուան: Ամէնէն դրական արդիւնքը գուցե զուլիցերիացիք իրագործեցին 2006ի մոնտիալին, երբ առաջին հանգրուանին յաջողեցան գրաւել իրենց խմբակին առաջին դիրքը՝ գերազանցելով հօր Ֆրանսան:

Հարաւային Աֆրիկէի մոնտիալի գտումի մրցումներուն, Զուլիցերիա կրցաւ յաղթահարել Յունաստանի, Լաթվիոյ եւ Իսրայէլի նման կազմեր եւ գրաւեց պարագլուխի դիրքը: Իր կատարած 10 մրցումներուն, Զուլիցերիա յաղթեց վեցը, հաւասարեցաւ 3 մրցում եւ կրեց մէկ պարտութիւն, նշանակելով 18 կոլ եւ ստանալով 8 կոլ:

2010ի մոնտիալին գուլիցերիացիք կը գտնուին բաւական դժուար խմբակի մը մէջ:

Սպանացիք գլխաւոր թեկնածուն են այս խմբակին, իսկ Չիլի եւ Հոնտուրաս լուրջ մրցակիցներ են:

Փորձառու մարզիչ Հիցֆելտ իր տրամադրութեան տակ ունի բաւական ատակ խաղացողներ: Զուլիցերիացիք նաեւ այս մոնտիալի ամէնէն երիտասարդ կազմերէն մէկն են: Օտար ակումբներու մաս կազմող իրենց խաղացողներով անոնք ի վիճակի են անգամ մը եւս անուսակն երկրորդ հանգրուան անցնելու:

Բերդապահութեան համար պիտի մրցին Տիէկօ Պենակիթօ (Վոլպուլերկ) եւ Էլտին Եաքուփօվիլիչ (Լոքոմոթիւ Մոսկուա):

Յետապահ գիծին կորիզը կը կազմեն Սթեֆան Լիշթթայնը (Լացիօ), Ռեթօ Յիկլը (Սամտորիա), Ֆիլիփ Սանտերոս, Եոհան Զուրու (Արսենալ), Սթիւ Վոն Պերկլըն (Հերթա Պերլին) եւ Փաթրիք Միլլը (Մոնաքօ): Նկատելի է որ տեղական կազմերէն ոչ մէկ խաղացող ներառուած է ազգային խումբի պաշտպանողականին մէջ:

Միջնապահ գիծին վրայ բաւական գործունեայ են Թրանքիօ Պարնեթան (Պ. Լեւերքուզըն), Եոհան Վոնլանթէնը (Յիլերիխ), Մարքօ Փատայինոն (Սամտորիա), Կելսըն Ֆեռնանտէզը (Աէնթիթիէն), Վալոն Պեհրամին (Ուէթ Համ) եւ Ալպերթօ Ռեկազոնին (Եանկ Պոյզ):

Յառաջապահ գիծի ամէնէն փորձառու մարզիկը կը մնայ Պլէյս Նքուֆոն (Թվենթէ): Այս վերջինը ազգային խումբի ամէնէն «ծեր»

մարզիկն է: Անոր օգնականները կրնան ըլլալ Ալեքսանտր Ֆրէյ եւ Մարքօ Սթրելլը (Պազէլ) եւ Էրըն Տերտիօք (Պայէր Լեւերքուզըն): Դժբախտաբար, գուլիցերիացիք չունին աչքառու յառաջապահ մը, որ իբրեւ խումբի կոլ-սքորըր ներկայանայ եւ իր ներկայութեամբ կարենայ մտահոգել մրցակից կազմերու յետապահները: Բնականաբար, մարզիչ Օթմար Հիցֆելտ կը գիտակցի այս տկարութեան եւ կոլ նշանակելու պարտականութիւնը չկեղորոնացնէ միմիայն յառաջապահ գիծի խաղացողներուն վրայ: Այս իմաստով Փատայինօ եւ Պարնեթա «օգնութեան» ձեռք պիտի երկարեն յառաջապահ իրենց ընկերներուն, որպէսզի մրցակից կազմերու բերդերը անառիկ չմնան:

Զուլիցերիացիք իրենց առաջին մրցումը պիտի կատարեն 16 Յունիսին, Եւրոպայի ախոյեան Սպանիոյ դէմ: Յաջորդ երկու մրցումներուն, յաջորդաբար Հոնտուրասի եւ Չիլիի դէմ, գուլիցերիացիք պէտք չէ սխալին, այլապէս անոնք տուեղարձի ճամբան կը բռնեն: Չիլիցիք ծանօթ են իբրեւ յամառ պայքարողներ եւ կարծր խաղացողներ: Իսկ Հոնտուրաս, որ քիչ մը անծանօթ կազմ մըն է, 1982ին իր ստեղծած անակնկալը կրնայ նորէն ստեղծել եւ անախորժ կացութիւններու առջեւ դնել մրցակիցները: Իսկ գուլիցերիացիներուն կը մնայ իրենց ժամացոյցներուն նման անսխալական ըլլալ դաշտին վրայ:



# ՀՈՆՏՈՒՐԱՍ

**Հ**ոնտուրասի ազգային խումբը իր առաջին մրցումը կատարած է 1924-ին, Կոլաթեմալայի դէմ եւ պարտուած է 10-1 արդիւնքով: Ամենամեծ արդիւնքով յաղթանակ արձանագրած է Նիքարակոլայի դէմ՝ 13-0 արդիւնքով (1946ին), իսկ ամենածանր պարտութիւնը կրած է Կոլաթեմալայէն, իր առաջին մրցումին: Մոնտիալի մասնակցած է մէկ անգամ՝ 1982ին, արձանագրելով երկու հասաւորութիւն եւ մէկ պարտութիւն: Նշանակած է 2 կոլ եւ ստացած է 3 կոլ: Ազգային խումբին շապիկը առաւելագոյն անգամներ կրող մարզիկը խումբին ներկայի խմբապետն է՝ Ամատո Կեւարա (120 անգամ), իսկ խումբին կոլ-սքորըրն է Քարլոս



րէն փորձառու Ամատո Կեւարա (Մոթակոլա), Տանիլո Թուրսիոս եւ Ռամոն Նունէզ (Օլիմփիա) կրնան անհրաժեշտութեան պարագային դաշտ ներկայանալ եւ ամբողջացնել կազմը:

Յառաջապահ գիծի ամէնէն փորձառուն եւ յոյսի աղբիւրը Տաւիտ Սուազոն է (Ճենովա): Անոր պիտի վրատահուի կոլեր նշանակելու պարտականութիւնը: Անոր կրնան օժանդակել Ուոլթըր Մարթինէզ (Մարաթոն), Ճորճի Ուէլքամ (Մոթակոլա) եւ Քարլո Քոսթիլի (Յ.Ք. Վոսլի):

Հոնտուրաս մեծ ակնկալութիւններ չունի այս մոնտիալէն: Սակայն ան կը մնայ անձանօթ կազմ մը, հետեւաբար՝ անակնկալ մը: Իր խմբակիցներէն Սպանիա քսանութ տարուան վրէժ մը ունի: Զիլի եւ Զուլիցերիա, որոնք պիտի մրցին խմբակի երկրորդ տոմսին համար, թոյլ պիտի չտան որ անձանօթ հոնտուրասցիք խանգարեն զիրենք:

Փայոն՝ 57 կոլով: Ներկայիս Հոնտուրասի մարզիչն է Ռէյնալտո Ռուէտա:

Հոնտուրաս 2րդ անգամ ըլլալով կը մասնակցի մոնտիալի: Ան գտումի մրցումներուն զրաւեց երրորդ դիրքը, կոլ-էվըրէյճով գերազանցելով Քոսթա Ռիքան: Անոնք 10 մրցումներէն յաղթեցին չինգը, պարտուեցան չորս մրցում եւ հաւասարեցան մէկ մրցում:

Նախորդ մասնակցութիւնը եղած էր հետաքրքրական: Գտնուելով երոպացիներու մէջ, հոնտուրասցիք յաջողած էին առաջին երկու մրցումները Սպանիոյ եւ Հիւսիսային Իրլանտայի դէմ հաւասարութեամբ աւարտել: Երրորդ մրցումը, որ նախկին Եռեկոսյալիոյ դէմ էր, հոնտուրասցիք տեղի տուին վերջին երկու վայրկեանին:

Այս տարի, 28 տարուան բացակայութենէ ետք, անոնք կը վերադառնան: Նոէլ Վա-

լատարէս եւ Տենիս Էսքոպէր (Օլիմփիա) եւ Ռիքարտո Քանալէս (Մոթակոլա) պիտի պաշտպանեն Հոնտուրասի բերդը: Հոնտուրասի բերդապահները նկատուած են իրենց դիրքին վրայ լաւ բերդապահներ:

Յետսապահ գիծը պիտի ղեկավարեն «եւրոպացիներ» Վիլքիթր Պեռնանտէզ (Անտըրլէյթ) եւ Մայնոր Ֆիկերոա (Ուիկին): Անոնց կողքին յետսապահ գիծը պիտի ամբողջացնեն Էմիլիո Իզակիրէ (Մոթակոլա), Էրիք Նորալէս (Մարաթոն), Օսքար Կարսիա (Օլիմփիա) եւ Օսման Զաւէզ (Փլաթէնս):

Միջնապահ գիծին վրայ ծանօթ մարզիկ է Թոթենհեմի Ուիլսոն Փալասիոսը, ինչպէս նաեւ Ուիկինի Հէնարի Թոմասը: «Իտալացիներ» էտկար Ալվարէզ (Պարի) եւ խուլիո Սեզար Տը Լէոն (Թորինո) պիտի ամբողջացնեն կեդրոնի «պաշտպանութիւնը»: Տեղացի մարզիկներ



# ՉԻԼԻ

**Չ**իլիի ազգային խումբը իր առաջին մրցումը կատարած է Պուէնոս Այրեսի մէջ եւ պարտուած է Արժանթինի հաւաքականէն՝ 3-1 արդիւնքով: Ամենամեծ արդիւնքով յաղթանակներ արձանագրած է 1979ին եւ 1997ին, յաջորդաբար Վենեզուելայի եւ Հայաստանի դէմ, 7-0 արդիւնքով: Ամենածանր պարտութիւնը կրած է Պրագիլէն, 1959ին, 7-0 արդիւնքով: Մոնտիալներու մասնակցած է 7 անգամ եւ կատարած է 25 մրցում (7 յաղթանակ, 6 հաւասարութիւն, 12 պարտութիւն): Նշանակած է 27 կոլ, ստացած է 40 կոլ: 1962ին գրաւած է 3րդ դիրքը: Ազգային խումբին շապիկը առաւելագոյն անգամ կրած է Լէոնէլ Սանչէզ՝ 84 անգամ, իսկ խումբին կողմը խաղալու է Մարսելո Սալաս՝ 37 կոլով: Ներկայիս ազգային խումբին

մարզիչն է Մարսելո Պիելլա:

Չիլիի ազգային խումբը գտումի մրցումներուն արձանագրեց աննախընթաց յաջողութիւն: Հարաւային Ամերիկայի գօտիէն ներս, Արժանթինի, Ուրուկուէյի, Փարակուէյի նման կազմերու ներկայութեան, ան յաջողեցաւ գրաւել 2րդ դիրքը: 18 մրցումներու ընթացքին չիլիցիք յաղթեցին տասը մրցում, հաւասարեցան երեքին եւ պարտուեցան հինգ մրցում: Նշանակեցին 32 կոլ եւ ստացան 22 կոլ:

Մարզիչ Պիելլա յաջողած է ստեղծել ներդաշնակ կազմ մը, որ հիմնականին մէջ կը բաղկանայ «օտար» մարզիկներէ, որոնց միացած են նորեկ տեղացիներ:

Քլաուտիօ Պրաւօ (Ռոստիտատ) պիտի պաշտպանէ Չիլիի բերդը: Անոր կրնան փոխարինել Միկէլ Փինթօ (Ինիվերսիտատ Տը Չիլի) եւ Քրիսթաֆօր Թոսելլի (Ինիվերսիտատ Քաթոլիքա):

Յետապահ գիծը պիտի բաղկանայ Փալյօ Քանթարէսէ (Փառք), Արթուրօ Վիտայէ (Պ. Լեւերքուզըն), Կէրի Մետէյէ (Պոքա Ճիւնիորզ), Կոնգալօ Եարայէ (Ուէսթ Պրոմուէչ Ալպիոն) եւ Հանս Մարթինէսէ (Ինիվերսիտատ Քաթոլիքա): Պէտք է արձանագրել, որ Չիլիի յետապահները բոլորն ալ երիտասարդ են:

Միջնապահները բաւական փորձառութիւն ունին խաղին դեկը ձեռք առնելու: Խորիէ Վալտիլիա (Ալ Այն), Քլաուտիօ Մալտոնատօ եւ Կոնգալօ Ֆիերրօ (Ֆլամենկօ), Մաթիաս Ֆեռնանտէզ (Սիորթինի Լիգայոն), Ռոտրիկօ Թելլօ (Պեչիկաշ) եւ Ռոտրիկօ Միլլար (Քոլօ-Քոլօ) նոյնպէս երիտասարդ են, բայց մաս կազմելով օտար ակումբներու, ի վիճակի են յետապահ եւ յաւաքապահ գիծերուն օղակը հանդիսանալու: Փաստը այն է, որ գտումի մրցումներուն միջնապահ գիծը իր վրայ դրուած յոյսերը իրականացուց:

Յաւաքապահ գիծը կազմուած է քիչ մը անծանօթ եւ երիտասարդ մարզիկներէ: Չկան Չամորանոյի կամ Սալասի նման յայտնի կողմըրըներ: Բայց հակառակ այս իրողութեան, Չիլիի ազգային խումբը գտումի մրցումներուն Պրագիլէն ետք ամէնէն շատ կոլ նշանակող կազմը հանդիսացաւ: Կոլեր նշանակելու պարտականութիւնը պիտի տրուի Ալեքսիս Սանչէզի (Իտալիայի), Ֆապիան



Օրելանայի (Խերէզ), Ումպերթէ Սուազոյի (Սարակոսա), էտուարտօ Վարկասի (Ինիվերսիտատ Տը Չիլի) եւ Էսթեփան Փարետէսի (Քոլօ-Քոլօ):

Չիլի մաս կազմելով ութերորդ խմբակին, մոնտիալի իր առաջին մրցումը պիտի կատարէ Հոնտուրասի դէմ: Հոնտուրաս անծանօթ կազմ մըն է, սակայն կրնայ անախորժ անակնկալի մատնել չիլիցիները: Չուիցերիոյ դէմ մրցումը պիտի ըլլայ ամէնէն կարեւորը: Պարտութիւն մը ծանր հետեւանքներ պիտի ունենայ: Վերջին մրցումը Սպանիոյ դէմ չիլիցիներուն համար պիտի ըլլայ փորձաքար մը:

Չիլիցիք ծանօթ են իրենց կոշտ խաղարկութեամբ, բայց եւ այնպէս, անոնց մօտ միշտ նկատելի է մարտունակ ոգին: Իրենց խմբակին մէջ չիլիցիք յաջողութեան հասնելու համար պէտք ունին իրենց մարտունակ ոգիին, առանց դիմելու աւելորդ կարծր խաղարկութեան:



# ԴԱՆԻԱ

Շարունակուած՝ 23րդ էջն

Դանիա մաս կազմելով հինգերորդ խմբակին իրեն մրցակից ունի Հոլանտան, Քամերունը եւ Ճափոնը: Հոլանտայի կողքին, ան կը նրկատուի գլխաւոր թեկնածուն անցնելու երկրորդ հանգրուան: Սակայն, պէտք է յիշել, որ պիրիկեցիք իրենց ցամաքամասին վրայ աւելի ինքնավստահ մրցումներ պիտի կատարեն եւ քամերունցիք պիտի փորձեն օգտուիլ այս առաւելութենէն: Ճա-

փոն այս խմբակին ամէնէն տկար կազմը կը նկատուի եւ դժուար թէ կարենայ եւրոպացիներուն հաշիւները խանգարել: Իսկ Հոլանտայի դէմ մրցումները միշտ ալ եղած են հետաքրքրական եւ կոլերով հարուստ: Դանիացիք նախորդ մոնտիալներուն միշտ ալ յաջողած են անցիլ երկրորդ հանգրուան եւ պիտի փորձեն իրենց «աւանդութիւնը» շարունակել:



# ՈՒՐՈՒԿՈՒԷՅ

Շարունակուած՝ 8րդ էջն

# ՓՈՐԹՈՒԳԱԼ

Շարունակուած՝ 33րդ էջն



նին մէջ: Մանաւանդ որ ան կը գտնուի բաւական դժուար խմբակի մը մէջ: Յունիս 11ին ուրուկուէյցիք իրենց առաջին մրցումը պիտի կատարեն Ֆրանսայի դէմ: Այս մէկը առիթ մըն է Ֆրանսացիներուն որ լուծեն 2002ի իրենց վրէժը: Երկրորդ մրցումը Հարաւային Աֆրիկէի դէմ պիտի ըլլայ՝ նոյնքան դժուար: Իսկ երրորդ մրցումին, Յունիս 22ին, անոնք պիտի մրցին լաւ

պատրաստուած Մեքսիքայի դէմ: Բնականաբար, ուրուկուէյցիք կը փափաքին որ Յունիս 22ի մրցումը վերջինը չըլլայ այս մոնտիալին համար: Անոնք կը փափաքին իրենց ազգային խումբը տեսնել անցեալի փառքերու վերադարձի ճամբուն վրայ: Սակայն Ուրուկուէյի ֆուտպոլը այդ մէկը չի խոստանար իր իրապաշտ համակիրներուն... :

Ափունքին դէմ: Մարզիչ Քէյրըզը կը գիտակցի, թէ առաջին մրցումը ճակատագրական է իր կազմին համար: Նուագազոյն սխալ մը եւ անոնք արդէն կը վտանգեն իրենց մասնակցութիւնը յաջորդ հանգրուանին: Նոյնիսկ եթէ յաջողին յաղթանակ արձանագրել իրենց երկրորդ մրցակիցին՝ Հարաւային Քորէայի դէմ, ապա

խմբակին վերջին մրցումը պիտի կատարեն Պրագիլի դէմ: Այս մրցումը պիտի դիտուի իբրեւ Պրագիլի եւ «Եւրոպայի Պրագիլ»ի միջեւ ճակատում մը: Քանի մը տարի առաջ իրենց գեղեցիկ եւ յաջող խաղարկութեան համար փորթուգացիք արժանացան այդ տիտղոսին, արդեօք այս մոնտիալին պիտի յաջողին պահել զայն:





# ՄՊԱՆԻԱ

Շարունակուած՝ 34րդ էջէն


Սպանացիք լաւապէս պիտի պատրաստուին մոնտիալին: Հաւանաբար իրենց պատմութեան ընթացքին լաւագոյն կազմը ունին այսօր եւ առիթը ներկայացած է, որ անոնք իրագործում մը կատարեն մոնտիալի պատմութեան մէջ: Մարզիչ Տէլ Պոսթէ կը գիտակցի իր պատասխանատուութեան ծանրութեան: Ան իր տրամադրութեան տակ ունի աշխարհի լաւագոյն խումբերէն մէկը: Եթէ կարողանայ միջնապահ գիծին կարողականութիւնը ճիշդ ձեւով գործի դնել, ինչպէս կատարեց իր նախորդը, ապա մոնտիալի բաժակը

այդքան ալ հեռու չըլլար սպանացիներէն: Սպանացիք կը գիտակցին նաեւ, որ այս առիթը կրնայ չներկայանալ չորս տարի ետք:

Մաս կազմելով ութերորդ խմբակին, սպանացիք մրցակից ունին Չիլին, Հոնտուրաւը եւ Զուիցերիան: Սպանացիք պէտք չէ դժուարութիւն ունենան երկրորդ հանգրուան անցնելու: Զուիցերացիք կը ներկայացնեն դասական Ֆուլթպոլ մը եւ դժուար թէ կարողանան տոկալ սպանացիներուն դիմաց: Չիլի այնքան ալ փայլուն կազմ չունի: Սպանացիք հին վրէժ մը ունին Հոնտուրաւէն, երբ

28 տարի առաջ Սպանիոյ մէջ տեղի ունեցող մոնտիալի առաջին հանգրուանին, անոնք դժուարութեամբ կարողացած են հաւասարութիւն մը ապահովել:

Ֆուլթպոլասէր հասարակութիւնը պիտի սպասէ տեսնելու, թէ սպանացիք արդեօք ի վերջոյ պիտի յաջողին նաեւ մոնտիալի մը ընթացքին նուաճում կատարել:



- Full of Charme Hotel, New Construction, French Architecture, International Standards, 100 m from the Republic Square and 15 minutes from the Yerevan International Airport.
- 44 Rooms and 3 Suites with all comforts, all climate controled, minibar, shower or bathroom with private WC, hairdryer. Satellite TV, international direct dial phone. Internet & Email access.
- Individualized and personal service, 24 hour reception and room service
- Bar



*Feel at home, away from home...*

**Reservations** Yerevan  
32-38, Hanrabedoutian Street,  
Yerevan 375010, Armenia  
Tel 374 10 54 60 60 • Fax 374 10 54 60 50  
sales@europohotel.am

[www.europohotel.am](http://www.europohotel.am)

# ԻՏԱՂԻԱ

Շարունակուած՝ 26րդ էջէն

Իտալիոյ յառաջապահ գիծը եւս կը տառապի փայլուն խաղացողի պակասէ: Ծիլարտինո, Իաքինիթա կամ Տի Նաթալի ներկայ են, սակայն անոնք այն չեն ինչ որ կը պահանջուի Իտալիոյ յառաջապահներէն: Հոս միակ յուսադրիչը Վիարէայի երիտասարդ յառաջապահ Ճիուզեփէ Ռոսիի ներկայութիւնն է: Քսաներկու տարեկան այս մարզիկը արդէն 15 անգամ կրած է ազգային խումբին շապիկը եւ թէ՛ իր ակումբին եւ թէ՛ ազգային խումբին հետ տպաւորիչ մրցումներ կ'ուենայ: Վստահաբար, Իտալի

իոյ համակիրները մեծ յոյսեր կ'ապած են անոր: Հակառակ այս դժուար վիճակին իտալացիք յուսահատ չեն: Անոնք մեծ յոյսեր կ'ապած են փորձառու մարզիչ Լիփփիի: Բոլորը գիտեն, որ Լիփփի դժուար ու ծանր պայմաններու մէջ խումբը վերականգնող մարզիչ է: Անոր խաղաոճը հիմնուած է զօրաւոր միջնապահ գիծի վրայ, որ ամբողջ 90 վայրկեան ներկայ պիտի ըլլայ դաշտին չորս կողմը: Իտալիոյ միջնապահները այդ մէկը առայժմ չեն խոստանար: Կը մնայ որ Լիփփի կարողա-

նայ իր ոճը պարտադրել: Մոնտիալի առաջին հանգրուանին Իտալիոյ մրցակիցներն են Փարակուէյ, Սլովաքիա եւ Նոր Զելանտա: Դատելով իր պատմութենէն եւ մրցակիցներուն մակարդակէն իտալացիք պէտք չէ դժուարութիւն ունենան Ահանգրուանին: Սակայն Լիփփի եթէ չկարենայ անհրաժեշտ փոփոխութիւններ կատարել խումբէն ներս, իտալացիք կրնան յաջորդ հանգրուաններուն կանուխ հրաժեշտ տալ: Մանաւանդ որ պատմութիւնը ցոյց կու տայ, թէ իտալացիք իւրաքանչիւր

յաջող մրցաշարքէ ետք ձախողութիւն արձանագրած են: Ոչ ոք պիտի ուզէ որ Սքաուտրա Ազուրան (երկնային կապոյտները) կանուխ մեկնին տուն, որովհետեւ բոլորն ալ կ'ընդունին որ իտալացիք գեղեցիկ ֆութպոլ կը ներկայացանեն կլոր գնդակի երկրպագուներուն:

with the complements of

# Restaurant Al-Mayass



